

## KAYAKNU NAI LUKAS YOM

### *LUKAS NUG NAI IMU TIOPILASNU YOM*

<sup>1</sup> O danab nađi Tiopilas, danab kuđum ag tatam keeke ig oonigpa bepig, amunu nai yaapig.  
<sup>2</sup> Dig makpanu uke batakpa danab ag keeke amu anidpig ele ag aeg doout yaapig. Ag am Nai Ena mehuqak danab daanna, nai amu aeg doomut.  
<sup>3-4</sup> O danab Nadi Tiopilas, na ele keeke amunu aeg doome. Aeg doome amunu da ele na nai doome am genab dookutnu nahipnu nai amu baula yaakulnu ool dayom amunu da keeke amu dig makpanu uke batakpa ele ohnu od mak tutuku elelenab hei, aeg doyen, iiķu elelepa yaatem.

### *ENGEL SAKARIAS AMEGPA NID MENUĶUNU AUM*

<sup>5</sup> Aria haen Herodes okai nug Juda dilag king dayeye, mana metak danab laa dayom. Nug am ameg laa onig Abaisa ameg, amu oopanu, nug onig Sakarias. Nug wau am onig Elisabet. A oh am Aron buđub. <sup>6</sup> A oh Kayak noobpa tutuku oitapid. Do nai oh ena dim lamidya, Kayak amegpa ele daadapid. <sup>7</sup> Amge a nid iita. Elisabet nug ah matoi amunu a hamu oiya, kaino mepid.

<sup>8</sup> Aria haen laa Sakarias laikud ele ag udat ahilag hekulagnu haen be, ag henan daanna amu Sakarias nug ele Kayak noobpa mana metak udat nuhig heum. <sup>9</sup> Nug heehe amu ag nug uka, kalu, kahug nuhig mutudig ena ele, amu amotkunu meeg, nug mana metak lag oo gun ele amupa

noum. <sup>10</sup> Kalu amotom, haen amupa danab ah kuđum ag dimitim qag mena, unuqidnana daapig.

<sup>11</sup> Daaegeg, Sakarias nug udat nuhig heehe, Kayaknu engel nug kalu, kahug muđudig ena ele, amu amotaknu qadab heqo laih nadiapanu hibaića dayeye, Sakarias nug antom. <sup>12</sup> Sakarias engel anta, nug huan otaia, oo ele badom. <sup>13</sup> Oo badom amge engel nug Sakarias amegpa aum. “Na aib badame. Unuqitak nahip amu Kayak Nug aaku doyom. Na waat Elisabet nug geha nid danab menueb amu na nid onig Johanes atade! <sup>14</sup> Geha na oot ena dayeb, gaman ele ahebeb amu danab ah kuđum ele nug doumnu gamalag ahaču. <sup>15</sup> Nug Kayak noobpa onig ele daaku. Nug wain amu kaaka qaknu le laa oh ele ii lama. Nug anig oopa dayebeb amu Kayak Oudi am nug oopa am beču. <sup>16</sup> Dimpa nug heeb, Israel danab kudum ag Kayaknu kobil dim lamidkulagnu dab mebepeg, ag oolag eduku. <sup>17</sup> Nug Kayaknu propet Eliasnu hak gagatag amubia awa, Nadi nob awa, anuqa uka heeb, danab ag ahilkad nid naunau ele oo mak daaglag. Nug heeb amu nai tape nak danab ag oolag edueb, dab mak ena tutuku opia awak ele aon daaglag. Nug heeb, danab ah kudum Jesus udikunu babaitak daaglag,” awa aum. <sup>18</sup> Nug anam a, Sakarias nug engel amegpa aum. “Da aćem heina, nai amuam genab daate dookul? Da kaino memi amu ah dahil ele kaino meum,” awa aum. <sup>19</sup> A amu engel nug odepaa wa aum. “Da am Gabriel. Da Kayak noobpa daaćem ele. Kayak nuča he, da amenpa nai ena imu api dookutnu uđimi. <sup>20</sup> Amge na da nai ami amu ootpa genab ii doome

amunu na oden qamuteb, nai ii matimna. Iita, na anam daape ukeb, haen keeke amu oh genab beebleeb, na edun nai madikut. Da nai ami amu haen dob, genab meu beku,” awa aum.

<sup>21</sup> Aria engel nug nai amu matieye, Sakarias nug lag oopa dayeye, danab ah ag nug ameg mena daanna, dab mak kudum aona, aka aka apig. “Lag oo gunpa keeke atem be, nug haen elab daate?” aon apig. <sup>22</sup> Dimpa nug dimitom doa, nug odepagpa ag amelagpa nai akunu elele ita amunu ag doopig, Kayak Nug mana metak lag oopa keeke laa ipunitom. Ag amu doopig amu nug oden qamute, nai ii matiaya, epegpaih he doopig.

<sup>23</sup> Aria anam daye dimpa Sakarias nug nuhig udat haen, mana metak lakanu, amu male, nug edua apagpa ukom. <sup>24</sup> Uka dayeye, dimpa nug wau Elisabet oo ele daya, nug kalam tanig ele laka lokuma dayaya nug aum. <sup>25</sup> “Nadi Nug dahilnu oo doye, ehanida, uda nak dahil danab oh amelagpa opiom,” awa aum.

### *ENGEL MARIA AMEGPA JESUS MENUKUNU AUM*

<sup>26</sup> Amu Elisabet nug oo ele dayeye, kalam eblaih laipu ele oopa Kayak Nug engel Gabriel me, Nug Galelia wanpa, ab laa onig Nasaret, apa ukom.

<sup>27</sup> Nug nai awa, ah makun laa danab aokunu titu-anpig ele gumiya ukom. Danab amu onig Josep, nug Dawit budub. Ah makun amu onig Maria.

<sup>28</sup> Gabriel gumiya noa, humiya aum. “O ah makun, na madod ele daye! Kayak Nug na ititom. Nahip ititak am ah laa oh dilag ititak edidte. Nug na ele daatep,” awa aum.

**29** Maria nug nai amu doya, nug oṭaia, dab mak kuḍum awa, nug nūka nuhig dab makpa aum. “Nai amu aṭemunab?” awa aum. **30** Anam a amu engel nug amegpa aum. “Maria, na aib bađame. Kayak nahipnu oo ena daaṭe. **31** Doye, geha na oot ele daanna, nid danab menuna, na Nug onig Jesus atadkut. **32** Nug am dimpa danab Nadi daaku. Ag nuhignu, ‘Kayak aṭannunab beka,’ aon akulag. Kayak Nug heeb, nug king alag Dawit dayom bia daaku. **33** Nug haen oh Jakop buđubnu king daaku. Nuhig do mađod amu ii tuqa aoma,” awa aum. **34** Anam a amu Maria engel amegpa aum. “Keeke amuam aṭemutai beku? Da danab ii aomi,” awa aum. **35** Anam a amu engel nug ođepa awa aum. “Geha Kayak Oudi nahippa udieb, Kayak aṭannunab, nuhig gagatag na tonidku amunu na nid amu, Nug am hak tutuķuib, Nug ham bupuak nakok laa iitä, am Nug opia awak ele, amu na Nug menupe, ag nuhignu, ‘Kayak Bekä,’ aona akulag. **36** Doye, na gayap Elisabet nug kaino meum amge nug oo ele. Nug nid danab menuku. Anuka nug nid menuaknu elele iitä amge gemu nug oo ele dayeye, nuhig kalam eblaih laipu ele daaṭe. **37** Ante! Kayak Nug keeke oh hekunu eelele,” awa aum. **38** Anam a amu Maria nug aum. “Da amu Nadinu udat ah. Na ame bia amu Nug dahilpa anam heku,” awa aum. Awa a amu engel nug eđua ukom.

### **MARIA ELISABET GUMITA UKOM**

**39** Engel uke haen amupa Maria nug aha, paha aben qauko elepa, Juda dilag ab laapa ukom. **40** Uka, Sakarias laugpa ta, nug Elisabet humiṭom. **41** Anam he amu Elisabet nug Marianu nai amu

doyeye, nid oopa niiom amu nug oتاia, oola te, Kayak Oudi Nug Elisabet oopa am beum. <sup>42</sup> Nug oopa am be, Elisabet nug Maria amegpa ewa aum. “Na am itiṭak ele. Nahip itiṭak amu ah laa oh dilag itiṭak edidṭe amu na ootpanu nid, Nug ele itiṭak ele. <sup>43</sup> Nadi dahil amu, Nug anig da gumida udiom amu da amunu ool ena, itag qete. <sup>44</sup> Doye, da daulpa nahip humiṭak dooifyi, da oolpa nid nug ele gamag ahe, nug otaia, oola teum. <sup>45</sup> Kayak a, na ootpa genab doome amunu na Kayaknu itiṭak aome daat̄em. Nug aum amu genab anam beku.” Elisabet nug anam aum.

### *MARIANU AHI*

<sup>46</sup> Elisabet nug anam a amu Maria nug aum. “Da ool nug Nadi binag humaṭe. <sup>47</sup> Ehaniṭak dahil am Kayak. Da nuhignu gamal ahaṭe. <sup>48-49</sup> Adinu? Da am nuhig udat ah, keeke hamu amge Nug dahlilnu oo doyom! Kayak Ebehi Oh Ele Nug keeke nadinab dahlipa heum amunu gemu, buti adi, dimpa ele danab ah buḍub ohpa ag akulag. ‘Kayak Nug itiṭak okai nug metom,’ aon akulag. Nug onig am inam, Hak Tutukuib, Ham bpuuak Laa Iiṭa, Opia Awak Ele. <sup>50</sup> Nug danab laala ag nuhignu enanag doon, oolag ele otaite amu, Nug amu dilagnu oo gai iita doote. Aun adi ag Nug waapa daanna oiteb ele amu, Nug ahilagnu hanhan anamib doote. <sup>51</sup> Nug nuhig gagatagpa udat haaha, danab ag aka binalag humaṭeb ele amu, Nug ag amu ahilag dab mak ele ake gopig. <sup>52</sup> Nug king ebehilag ele tabaṭe noeg, danab onilag iita amu humaṭom. <sup>53</sup> Nug danab enug aqak doopig ele amu Nug he, oolag am beum. Danab ag enulag ele amu Nug adate, ag keeke laa ii

adapig, hamu gopig. <sup>54-55</sup> Nug udat danab nuhikud Israel ehanitom. Nug ig alankad Abraham adi amu ag budulkad ele, Nug amu dilagnu hanhan oo gai iita dookunu ig alankad amelagpa aum, amubia Nug nai amu daug ii atite. Iita, Nug anam hete,” awa aum.

<sup>56</sup> Anam a amu Maria nug Elisabet ele kalam ewam anam dayoya, dimpa nug edua apagpa ukom.

### *ELISABET LAYATAK JOHANES MENUOM*

<sup>57</sup> Maria nug edua apagpa uke, Elisabet nug nuhig nid awak haen be, nug nid danab menuom. <sup>58</sup> Menue amunu Elisabet mudipanu amu nuhikudpa ele ag Nadi nuhignu oo gai iita doya ehanitom amu doona, ag nug ele gamalag ahom. <sup>59</sup> Amu ded ebliah ewampa ag nid gada otadkulagnu gona, ag nid amu nug mameg onig Sakarias oela qetaglagnu apig <sup>60</sup> amge nid anig nug aum. “Iita! Ig nug onig Johanes atadkunig,” awa aum. <sup>61</sup> A amu ag nug amegpa apig. “Na budunadpa ag onilag anam laa ele iita,” apig. <sup>62</sup> Anana, ag epelagpa nid amu nug onig aun akulagnu nug mameg od medapig. <sup>63</sup> Epelagpa anam heeg amu Sakarias nug epegpa yaknu udug nug metaglagnu heum. He metaeg amu nug, “Nid onig amu Johanes,” yom. Anam ye amu ag dab mak kudum aopig. <sup>64</sup> Nug nid onig ye anidna, ag dab mak kudum aoegeg amu haen amupanab Sakarias nug ode opate, lemadu ug iita me, nug nai matiaya, Kayak binag meum. <sup>65</sup> Anam he, nug mudipanu laikud ag oh badapig. Aria ag ahan, nai amu tuditeg, Juda ab aben quauko elepa daateb

amu ohpa ukom. <sup>66</sup> Danab oh ag nai amu doona oolagpa dab mak kudum aona apig. “Dimpa nid amu ena ma amu nug adi heku,” aon apig. Adinu? Nadinu gagatag nug ele dayom amu ag anidpig.

### *SAKARIASNU AHI*

<sup>67</sup> Amu Kayak Oudi Nug Johannes mameg Sakarias nug oopa am be, Sakarias nug Kayak ode mehuqa aum. <sup>68-69</sup> “Ig Nadi, Israel dilag Kayak, Nug binag metu. Adinu? Nug Israel danab nuhikud ehanata uhuqatom. Nug ig ehed daamtanu edua awikak danab gagatag, nuhig udat danab Dawit, nug budubpa me udiom. <sup>70</sup> Nug anuka nuhikud propet ag odelagpa anam hekunu mehuqa matiaya aum amu Nug amu aaku heum. <sup>71</sup> Nug ig keked ihinkad epelagpanu amu danab laa ag ihinignu oolagpa nau, ninig ele dooteb amu, ag epelagpanu ele edua awikunu aum. <sup>72</sup> Nug ig alankad dilagnu oo gai iita dookunu, Nug ag tituanata, keeke laa heeb bekunu nai qaka aum ele amu, Nug nai adit amu daug ii atimanu aum. <sup>73-75</sup> Nug ig nuhikud begbeg, badak iita ele daagnignu, ig Nug noobpa danab tutuku, opia awak, ham bpuak iita, ihinig ded oh daagnignu nai genab gagatag ig alanig Abraham amegpa nai qaka aum amu Nug keeke amu oh aaku ha malom,” awa aum. <sup>76-77</sup> Sakarias nug anam anana, nug nai baula tudita aum. “O nid dahil, na Nadinu ib bapaidkutnu, na Kayak, Nug danab nuhikud, hipunin uhuqak ibpa edua diikunu ipuanadkutnu amu na Nadi noob aon, anuqna gokut amunu ag nahipnu, ‘Nug am Kayak atannabnu propet,’ aon akulag <sup>78</sup> Kayak ihinig Nug oo gai iita doyak nadi ele amunu Nug ig ehanigku.

Geha Nug heeb, hab aṭannu amahlak udia, ig amahaligku. <sup>79</sup> Danab ag gatatupa mauhkulagnu miag daaṭeb amu amahlak madaku. Nug ig ib oo mak mađod ele amu tapat gōunignu ulum daaku,” awa aum.

<sup>80</sup> Aria dimpa nid nug ena meeme, Kayaknu Oudi Nug ehanitom. Ehanite, nug atu tadakpa dayaya, dimpa Israel amelagpa Kayak nai dig ma mehuqom.

## 2

### *MARIA JESUS MENUOM*

<sup>1-2</sup> Amu Elisabet nug Layatāk Johanes menue, haen amu nakok dimpa Sarinus nug Siria dilag danab okai dayeye amu Kaisa Agastas nug Rom danab ah oh onilag yaaglagnu do meum. Ag onilag awak udat amu haen amupa dig mepig.

<sup>3</sup> Kaisa nug do me, onilag yaaglagnu apalag diigpa ukaegeg, <sup>4-5</sup> Josep nug Dawit budub amunu nug Maria ele, a layam daapid amu, a ab okai Nasaret, Galelianu ahaya, Juda wanpa, ab onig Betlehem, apa onilah mekulahnu gopid. Maria nug oo ele dayom <sup>6</sup> amu a apa daaeheh, Marianu nid awak haen do, <sup>7</sup> nug nid danab tatamnu menuom. Menua, niiak lag am beum amunu nug beka lamen elabpa ehaka, dod dilag e lanak tadađ oopa me niiom.

### *SIPSIP GUMAK DANAB AG JESUS DOUMNU DOOPIG*

<sup>8</sup> Amu tuqan amupa Betlehem ab guguitak dod sipsip gumataṭak danab ag sipsip gumadna daaegeg,

<sup>9</sup> Kayaknu engel gumata ne, Nadinu amahlak ag

talilia₧a honadom. Honade amu ag huanak badan heeg,<sup>10</sup> engel nug amelagpa aum. “Ag aib badapig. Da oo gamag ahaknu nai ena danab oh dilagnu awe nemi.<sup>11</sup> Gemu ded imupa Betlehem abpa ah laa nid awom. Nid amu Nug ag edua diiadku, Nug amu Nad̄i, Kristus.<sup>12</sup> Ag Nug anidkulagnu eponak keeke amu inam. Nug anig Nug lamen elabpa ehaka, dod dilag e lanak tada₧ oopa me ni₧e,” awa aum.

<sup>13</sup> Engel nug amelagpa ana male, pahanab Kayaknu engel kuđum neeg, moitan daanna, ahi etana apig.<sup>14</sup> “Kayak Nug atannab daate. Ig Nug binag atan humađem. Wanpanu danab, ag nuhignu daatęb amu, ag mađod matom,” aon apig,<sup>15</sup> Engel ag anam awona, ag edun, hab atan teeg amu sipsip gumak danab ag ahan, aka aka nai inam madipig. “Ig Betlehem gota, kobil Nad̄i Nug amenigpa aum amu anidtu!”

<sup>16</sup> Anam anana amu ag paha gona, Maria Josep amu nid yud ele, nug dod dilag tadađpa niieye, anađona,<sup>17</sup> ag edun gonana, danab laala amelagpa nid amunu nai doopig amu ag mehuq pig.<sup>18</sup> Mehuqeg doona amu ag oolag otaie, ootot ele aqom.<sup>19</sup> Amge Maria nug nai amu oopa me dayeye, dab metom.<sup>20</sup> Anam dayeye amu gumak danab ag oolag gamag ahehe, edun gona, ag kobil oh ag amelagpa anidna, nai daulagpa doopig ele amu, ag amunu Kayak onig binag ele humapig.

*JOSEP WAU ELE JESUS AOYA, MANA METAK  
LAKA GOPID*

**21** Dimpa, ded eblaih ewampa, ag nid nakok gada otađna, ag Nug onig Jesus atadpig. Nug anig oopa ii dayeye, engel nug onig amu akulagnu aum.

**22** Aria ah bedu babaitak daakunu, Moses dopa yom amu, haen amu iita me, Josep wau ele a nid Kayak epegpa mekulahnu Jerusalem tepid. **23** Kayaknu dopa ag anam hekulagnu yak daate. Yak am inam. “Nid danab tatamnu, ag anilkad menuadpeg amu ag diin, Nadi epegpa maadkulag.” **24** A anam hekulahnu teya amu a Maria bedu babaitak daakunu mana metak amu ele hekulahnu tepid. Dopa, amu haknu yak inam daate. “Ag upudil okai adit Kayak main metaglag o iita upudil nakok adit main meteg!”

**25** Haen amupa danab laa Jerusalem dayom, nug onig Simon. Nug Kayak noobpa tutuku oiyaya, Kayak binag ena maama, Israel dilag ehanałak danab ameg meum. Kayak Oudi Nug ele daapid. **26** Nug Kayak Oudi ele daapid amu Kayak Oudi Nug danab amu nug paha ii mauhma, tatam nug Nadi Kristus anitowa amu dimpa nug mauhkuñu ipunitom. **27** Aria Josep wau ele gopid, ded amupa Kayak Oudi Nug he, Simon nug aha uka, mana metak lag oopa no, anig mameg ele a nid nakok omalya, do ate bia hekulahnu tepid. **28** Teeh, Simon anata, nug nid awa, epegpa ada, Kayak binag ma aum. **29-31** “O Nadi, na anuka da amelpa da nid imu, ihinig ehaniłak, na danab ah oh anidna dooglagnu me neum ele amu, da anidkulnu ame amu da gemu iiku amelpa anidmi amunu da mauhkuñul am nai iita. **32** Nug iita adi ag nahip ib anidkulagnu, Nug Israel ag binalag

aoglagnu, amahlak daaṭe,” awa aum. <sup>33</sup> Nug anam a amu Josep Maria ele a Simon Jesusnu anam maṭie doya, a nai amunu dab mak kuḍum aoe-heh, <sup>34</sup> Simon nug itiṭak matowa, nid anig Maria amegpa aum. “Doye, nid imu heeb, Israel danab ah kuḍum ag nena qekulag amge heeb, kuḍum ag edun ahaglag. Nug amu Kayak anidkunigu eponak keeke daaṭu amge danab kuḍum nuhignu nai nau akulag. <sup>35</sup> Amunu danab kuḍum dilag dab mak aaṭu miag atiak daaṭu. Amu oo doyak okai, qep aegpa yak bia, na yaaidku,” awa aum.

<sup>36</sup> Aria prophet ah laa dayom onig Ana. Nug Asa buḍub, Panuel adeg. Anuka nug danab awe amu gamu ele mad sewenib daapid. <sup>37</sup> Anam daaiya, nug gamu mauhe, qab ma, hamu mad 84 dayaya, nug mana metak lag ii uuṭom. Nug Kayak binag mekunu e lakunu haen kuḍum kud ma dayaya, unuqitata, tuqan amun ele binag maama dayom. <sup>38</sup> Haen amupaib nug ele udia, Kayak amegpa, “Ena heme,” aum. Anana nug nid amunu nai mehuqa, danab oh Jerusalem daanna, Kayaknu do madod ameg mepig ele amu Jesusnu amelagpa aum.

<sup>39</sup> Amu a keeke oh Nađinu do aṭe bia heyamalaeh, ag Galelia, ahilag ab okaipa, Nasaret gopig. <sup>40</sup> Gona daanna, nid ena ma, doyak ena awa, gagatag ele awe, Kayak Nug nuhignu ena doya, Nug ehanitom.

### *JESUS MAD TUEL P DAYAYA, MANA METAK LAKA UKOM*

<sup>41</sup> Amu Jesus anig mameg ele a haen oh madohpa metid okai Pasowa, amuam bret yis iṭa

lanaknu hobul, amupa daaglahnu Jerusalem tedapid. <sup>42</sup> Haen Jesus Nug mad nuhig tuelp aria ag metid okai amunu kobol dim lamidna, Jerusalem tepig. <sup>43</sup> Dimpa Pasowa ded amu male, ag edun ukaegeg, Jesus Nug Jerusalem dayom amge Nug mameg anig ele a Nug dayom amu a ii doopid. <sup>44</sup> A ahilah dab makpa, “Nug danab oolagpa oite,” ayaya, ded laipu oyiyeh, tueb me, a baeltipa mudipan lailti oolagpa ele nug madipid. <sup>45</sup> A madipid amge a ii anidpid amunu a eduya, matiya, Jerusalem gopid. <sup>46</sup> Goya, a Nug matieheh, ded adit uke, dimpa ded ewampa a Nug mana metak lag oopa dayeye anidpid. Nug Juda dilag ipunitak danab oolagpa dayeye, ag nai matiegeg doya, Nug edua od madete daapig. <sup>47</sup> Amu danab oh ag nuhig nai doopig ele amu, ag nuhig doyaknu amu od maknu nob meum amunu ele dab mak kudum aopig.

<sup>48</sup> Daaegeg, mameg anig ele a Nug anidya, huanak otaiya, anig Nug amegpa aum. “O nid dahil, na adinu anam he, i inam oitep? Na mamen nug da ele i oonih ugnab dayeye, na matidmud,” awa aum. <sup>49</sup> Anam a amu Nug edua amelahpa inam aum. “A adinu ahaya, da matidtep? Da Mamelnu udat hekulnunab daatem amu a iite dootep?” awa aum. <sup>50</sup> Ge nai Nug amelahpa aum amu a diig ii doopid.

<sup>51</sup> Aria Jesus Nug a ele edun, Nasaret gona amu Nug a odelah dim lamitete, anig nug keeke amu ohnu oopa me dayeye, dab maama dayom. <sup>52</sup> Amu Jesus Nug ena meeme, nuhig doyak ele okai meeme, Kayak noobpa, danab noolagpa ele Nug ena oiya, tudita he, enaib doopig.

**3*****LAYATAK JOHANES NAI MEHUQOM***

<sup>1</sup> Amu Kaisa Taibirias nug Rom danab gumadkunu dig me uke uke, mad 14 uee, nuhig gumak mad 15 oopa, Romnu wan okai laa onig Palastin oopa, Pontius Pilatus nug wan obatak laa onig Juda gume, Herodes tetrak nug wan obatak laa onig Galelia gume, amag Pilip nug wan obatak adit laa onilah Ituri amu Trokonaitis ele gumarate, Laisenias nug wan obatak laa onig Abilini gummom. <sup>2</sup> Amu Anas Kaiapas ele a mana metak dilag iki daaeheh, haen amupa Sakarias beka Johanes, nug atu tadakpa dayeye, Kayak Nug udat hekunu nug amegpa aum. <sup>3</sup> A amu Johanes nug aha, Jodan atu ohpa uka, nug danab amelagpa Kayak Nug ahilag hipunin uhuqa madaekunu, ag oolag edueb, layatak aoglagnu aum. <sup>4</sup> Johanes nug Jesaia Kayak ode awa, bukpa yom bia heum. Nai amuam inam. “Danab laa atu tadakpa dayaya, danab amelagpa nai inam mehuqa ewa aku. ‘Ag hipunin ahilag di metana, ag oolagpa ihinig Nadinu ib babaiteg! <sup>5</sup> Aben qe ta qe nak amu ag hepeg, udem meeble, qauko okai nakok ele amu, ag amu oh buupeg elele dayeb, ib kialiak oh tutuk medapeg, ib men ele amu oh bapaidpeg, ena dayad! <sup>6</sup> Danab oh geha Kayak Nug ig edua awigkunu udat heeb anidkulag,’ ” awa aum. <sup>7</sup> Aria Johanes nug nai mehuqeque, danab ameg ohnu layatak aoglagnu Johanes gumidna gopig. Ukaeg nug ag amelagpa aum. “Ag am danab nau, mat nau bia. Aun aum amunu ag hipuninnu bu aqak, Kayak epegpanu udite amu, ag amu ii aomnanu hamu udipig. <sup>8</sup> Ag

oolag ii edueb, ag aoglag amge ag oolag edueb, kobol ena dim lamidna, ag ahilag ehed haknu nob amu ii aomna. Amu ele ag oolagpa inam aib apig. ‘Abraham nug ig mamenig, nug am danab tutuku, ig nug budub daatem amunu nuhig hak enapa ig nob ii aomta.’ Da ag amelagpa atem, Kayak Nug men imu ag edun, Abraham bekod daaglagnu hekunu elele.<sup>9</sup> Epediak haen am miag. Ad meu ii ote amu nug mameg o qie, ab adupa maoe te eote, amubia danab nug ena ii hete ele amu nuhigpa anamib beku,” awa aum.

<sup>10</sup> Johanes nug ag amelagpa anam a amu danab ag nug od medapig. “Ig amu atem hekunig?” aon apig. <sup>11</sup> Aon aeg amu nug edua ag amelagpa aum. “Danab aun laa nug lamen adit ele daate, nug lamen laa amu awa, danab lamen iita ele medaku. Danab nug e ele amu nug ele anam heku,” awa aum.

<sup>12</sup> Aria gabman dilag takis awak danab laala ele ag layatak aoglagnu gumiadna udin, ag od medapig. “Ipunitak danab, ig atem hekunig?” aon apig. <sup>13</sup> Aon aeg amu Nug amelagpa aum. “Ag men dodo, Rom danab okai aum bia, elelepa aweg! Aib tipalna laa ele aopig,” awa aum.

<sup>14</sup> Anam a amu ban danab laala ele ag od medapig. “Ig amu atem hekunig?” aon apig. Aeg amu nug amelagpa aum. “Ag danab ham bupualadnana, ahilag men dodo yab aib aopig. Ag ham bupuna, danab ehed heum aib apig amu ag ahilag udatnu nob tutuku aona, baubau awaknu aib dab mepig. Ag aoteb ele amu, ag amunu elele doonna dayeg!” awa aum.

<sup>15</sup> Johanes nug anam heehe, danab ah ag oṭaina, oolag ii maiṭe, oolagpa dab mak kuḍum daye apig. “Johanes nug Kristustai,” aon apig. <sup>16</sup> Anam aeg amu Johanes nug amelagpa aum. “Da ag lepa layadṭem, amge danab Nug da dimulpa udiṭe amu nuhig gagatag amu dahil eđidṭe, Nug am danab okainab, da am okai iiṭa. Dahil hak imu nuhignu ele elele iiṭa. Nug amu ag Kayak Oudi, ab ađu elepa ag layadku,” awa aum. <sup>17</sup> Awa anana amu nug nai baula tudiṭa aum. “Nug wit aeg amu wit gada ele pide pide daakunu uđat amu haknu keeke babaitom daate. Nug uđat amu ha, elelenab mewowa, Nug wit meu amu e mak laķa meku. Mewowa, Nug wit gađa amu ab ađu ii qauhṭe elepa maneb eoku,” awa aum. <sup>18</sup> Johanes nug nai kuḍum laalapa ele ag doopeg oolag maidkunu nai ena anam mehuqa, danab ah amelagpa aum.

<sup>19</sup> Anam haaha amu nug Herodes Antipas eheđ ha, nug amag Pilip wau Herodias ađita awa, kobil nau kuḍum laala ele heum doya, Johanes nug amunu Herodes daug batom. <sup>20</sup> Daug bate amu Herodes nug daug batak nai amu doya, nug kobil nau nuhig amu tudiṭa, Johanes awa, mani guītakpa meum.

### *JOHANES JESUS LAAITOM*

<sup>21</sup> Amge Johanes mani guītakpa ii dayom haenpa danab oh ag layatāk aoegeg, Jesus ele layatāk awom. Nug layatāk awa malowa, Nug unuqitete, hab obate, <sup>22</sup> Kayak Oudi Nug ai upudil bia nuhigpa ne, baag laa hab aṭannu Nug amegpa aum. “Na am da bekāl, da nahipnu ool mauhite. Nahip haknu ele amu da ool ena daate,” awa aum.

### *JESUS MEMETAPUD ONILAG*

<sup>23</sup> Jesus Nug layatak awom, dimpa Nug nuhig mad 30 anam dayaya, Nug udat dig ma heum. Nug am Kayak Beka amge danab ah ag nuhignu, "Nug Josep beka," aon apig. Josep mameg am Hilai. <sup>24</sup> Hilai mameg am Matat. Matat mameg am Lewi. Lewi mameg am Melkai, Melkai mameg am Janai, Janai mameg am Josep. <sup>25</sup> Josep mameg am Matataias, Matataias mameg am Amos, Amos mameg am Neam, Neam mameg am Eslai, Eslai mameg am Nagai. <sup>26</sup> Nagai mameg am Meat, Meat mameg am Matataias, Matataias mameg am Semen, Semen mameg am Josek, Josek mameg am Joda. <sup>27</sup> Joda mameg am Joanan, Joanan mameg am Resa, Resa mameg am Serababel, Serababel mameg am Sialtel, Sialtel mameg am Nerai. <sup>28</sup> Nerai mameg am Melkai, Melkai mameg am Edai, Edai mameg am Kosam, Kosam mameg am Elmedam, Elmedam mameg am Er. <sup>29</sup> Er mameg am Josua, Josua mameg am Eliese, Eliese mameg am Joram, Joram mameg am Matat, Matat mameg am Lewi. <sup>30</sup> Lewi mameg am Simion, Simion mameg am Juda, Juda mameg am Josep, Josep mameg am Jonam, Jonam mameg am Elaiakim. <sup>31</sup> Elaiakim mameg am Melia, Melia mameg am Mena, Mena mameg am Matata, Matata mameg am Natan, Natan mameg am Dawit. <sup>32</sup> Dawit mameg am Jesi, Jesi mameg am Obet, Obet mameg am Boas, Boas mameg am Salmon, Salmon mameg am Nason. <sup>33</sup> Nason mameg am Aminadap, Aminadap mameg am Atmin, Atmin mameg am Anai, Anai mameg am Hesron, Hesron mameg am Peres, Peres mameg am

Juda. <sup>34</sup> Juda mameg am Jakop, Jakop mameg am Isak, Isak mameg am Abraham, Abraham mameg am Tira, Tira mameg am Naho. <sup>35</sup> Naho mameg am Serak, Serak mameg am Reu, Reu mameg am Pelek, Pelek mameg am Ebe, Ebe mameg am Sela. <sup>36</sup> Sela mameg am Kanan, Kanan mameg am Apaksat, Apaksat mameg am Sem, Sem mameg am Noa, Noa mameg am Lamek. <sup>37</sup> Lamek mameg am Metusala, Metusala mameg am Inok, Inok mameg am Jaret, Jaret mameg am Mahalalil, Mahalil mameg am Kanan. <sup>38</sup> Kanan mameg am Inos, Inos mameg am Set, Set mameg am Adam, Adam mameg am Kayak.

## 4

### *SATAN JESUS OO EEDOM*

<sup>1</sup> Aria Jesus Nug layatak awe, Kayak Oudi Nug Jesus oopa noa am ba, Jesus omala, Jodan lepanu awa, atu tadakpa ukom. <sup>2</sup> Uka ded 40 dayeye, Satan nug Jesus ehed hekunu oo eedede, haen amu ohpa Jesus Nug e laa ii laum amunu haen amu male, Nug enug qeum. <sup>3</sup> Enug qe, Satan nug Jesus amegpa aum. “Na Kayak beka daat̄em dayeb amu, na ape, men imu eduā bret mad̄!” awa aum. <sup>4</sup> Awa a amu Jesus Nug Satan odepa awa aum. “Kayak naipa yak inam daate, ‘Danab ah epaib bau daanna ii oiteb,’ ” awa aum. <sup>5</sup> Awa a amu Satan nug Jesus omala, quakopa ta, pahanab wan oh, ahilag gumak aben aben ele ipunitowa, <sup>6</sup> Satan nug aum. “Keeke amu oh gumaknu gagatag amu onig binag ele da na medakulnu hetem. Keeke umu oh amu laa Nug da medom amunu da danab laa

medakulnu ool dayeb amu da medakul. <sup>7</sup> Amge na da noolpa dup nona, gaten qaun ona, da binal mepe amu keeke umu oh amu da na medakul,” awa aum. <sup>8</sup> A amu Jesus Nug Satannu nai nob ma aum. “Kayak naipa yak daaṭe, ‘Na Nadiib binag me! Nug am nahip Kayak amunu na nuhig udat aakuib he!’ ” awa aum. <sup>9</sup> Anam a amu Satan nug Jesus omala, Jerusalem uka, mana metak lag atan te dayeye, amegpa aum. “Na Kayak Bek̄a daaṭem dayeb, na ipanu oolna honap no! <sup>10-11</sup> Adinu? Kayak naipa yak inam daaṭe. ‘Na baen men yaa-manu, Nug engel amelagpa nahipnu ab, ag na epelagpa mawidkulag,’ ” awa aum. <sup>12</sup> A amu Jesus Nug Satannu nai nob ma aum. “Kayak naipa yak inam daaṭe. ‘Na Nadi, nahip Kayak, Nug keeke laa hekunu aum am genab hekutai o iitatai dookutnu amu na Nug aib eedme,’ ” awa aum. <sup>13</sup> Satan nug Jesus ib amu ohpa ehed hekunu oo eedowa, nug uuita ukom. Ded ena laa baula hekunu ameg meum.

### *JESUS GALELIA UDAT DIG MEUM*

<sup>14</sup> Aria Satan nug Jesus oo eeda male amu Jesus Nug Kayak Oudinu gagatag ele edua, Galelia uke, nuhignu nai amu uke, apanu oh doopig. <sup>15</sup> Hanhan Nug ahilag nai doyak laka nai mehuqaqa, danab ah ipuanatete, danab ah oh ag Nug binag mepig.

<sup>16</sup> Anam dayeye, ded laa Jesus Nug Nasaret ukom. Nug apa nid nakok dayeye, anig mameg ele a atog noeheh, ena meum. Nug Nasaret uka amu Nug Juda dilag Metidpa, Juda dilag nai doyak laka, Nug haen oh hetom bia ha noum. Noa

amu Nug Kayak nai eb qekunu hibaitē, <sup>17</sup> ag Kayaknu propet Jesaianu buk laa medapig. Nug buk awa kola, Nug Kayak naipa nai inam daatē, amu antā eb qeum. <sup>18</sup> “Nađinu Oudi amu dahilpa daatē, amunu Nug da Nai Ena dadek danab noolagpa mehuqkulnu, da mani guītak danab ag dimițim dokulagnu, danab amelag gaduak ele ag ena neegkulagnu amu danab ag laala waalagpa ehed nau daatēb ele, ag uhuqak aoglagnu amelagpa akulnu <sup>19</sup> amu Nađinu ḍo mađodnu nai mehuqpi, nuhikud danab ah oh ag amu dooglagnu otide udimi.”

<sup>20</sup> Jesus Nug buk eb qewowa, edua gumak danab metōwa, aaķu balalpa dayom. Dayeye, danab ah oh ahilag nai doyak lag oopa daapig amu ag neegna, Jesusib anidpig. <sup>21</sup> Antegeg amu Nug dig ma amelagpa aum. “Gemu da nai imu eb qeiyi, Kayaknu yak amu aaķu meu oum,” awa aum.

<sup>22</sup> Nug a, ag doonna, ag Nug binag menana, ag nai genab itag ele Nug matiom amu ag amunu dab mak kuđum ele aopig. Amu ag apig, “Adeķutai? Danab umu Nug am Josep beka iitatai?” aon apig.

<sup>23</sup> Aon aeg aria Nug ag amelagpa aum. “Genabnab genab ag dahilnu inam aķulag, ‘Dokta, na naķa na bedun babaite! Kobol na Kapenaum abpa he, ig nai doomut ele amu, amubia ipa, imu am na apan diig, ipa ele he!’ aon aķulag.” <sup>24</sup> Anam awowa amu Nug tudiṭa aum. “Da genab ag amelagpa atem. Propet apag diigpan danab amu ag nug ii aomna. <sup>25</sup> Ag doyeg! Eliasnu haenpa Israel oolagpa ah qab kuđum daaegeg, haen amupa mad ewam, kalam siks ele gu ii ne, wan ohpa enug haen nadī dayom. <sup>26</sup> Amge Kayak he, Elias nug

Israel dilagpa ah qab gumaṭa ii ukom. Iṭa, Nug he, Saidonnu ab laa onig Sarpat, ah qab laa apa dayeye, nug gumiṭa ukom. <sup>27</sup> Am laa ele, Kayaknu propet Eliesanu haenpa, danab kuḍum ag gaḍa ođe ele Israel oolagpa daapig amge ag oolagpanu danab laipu laa nuhig ođe amu iṭa meumte? Iṭa. Siria ted Neaman nukaib,” awa aum.

<sup>28</sup> Jesus Nug anam a amu danab oh, Juda dilag nai doyak laka daapig ele, ag am Juda danab amu ag ham bupun, “Ig Judaib ig oopa genab doyak ena ele,” dab mepig amunu amu ag nai amu doona, opodilag huana be, <sup>29</sup> ag ahan, Jesus aona, ab okai dimitim gopig. Ab okai ahilag amu qauko aṭan apa dayom amunu ag Jesus aona, qauko amupa tena, aon ab giginpa wana, budipeg baipa nokunu hepig <sup>30</sup> amge Jesus Nug ag oolagpanu aha, uuata ukom.

### *JESUS NUG OUDI NAU LAMITOM*

<sup>31</sup> Amu Jesus Nug edua Galelia wanpa ab okai Kapenaum apa uka, amupa nug Juda dilag Metidpa nai ipuanatom. <sup>32</sup> Nug am nai diig tutuku gagatag ipuanate anidna, ag dab mak kudum aopig.

<sup>33</sup> Aria Juda dilag nai doyak laka apa amu danab laa dayaya, nug bedupaoudi nau ele amu, nug Jesus anta, nug baag okaipa ewa aum. <sup>34</sup> “Jesus, Nasaret ted, na ig aṭem heigkutnu udime? Na hepe, ig nauhkuñignu udimate? Da na dooidtem. Na am Kayaknu Laa, Opia Awak Ele?” awa aum. <sup>35</sup> Nug anam aum amge Jesus Nug oudi nau amegpa aum. “Na oden qamutna, danab amu uidna uke!” awa aum. Jesus Nug anam a amu oudi nau nug ag oolagpanu he, danab amu wanpa na qe, nug uuiṭa

ugaka, danab amu nug bedupa ehed laa ii heum. **36** Amunu danab oh ag dab mak kudum aona, aka aka Jesusnu apig. “Nai umu amu atemunnab? Danab amu Nug ehah ena, gagatag ena ele amunu Nug oudi nau amelagpa, ‘Ag uk̄eg!’ ate amu ag uuadna goṭeb,” aon apig. **37** Anana, ag Jesus keeke heum, nai amu pahanab tuditeg, wan amunu ab ohpa uk̄om.

### *JESUS ODE DANAB KUDUM BAPALATOM*

**38** Aria Jesus Nug Juda dilag nai doyak lakanu aha, Simon laug oopa noum. Simon nome nug ode, bedu gakadak huanaknab amunu ag Jesus ehanidkunu amegpa apig. **39** Aeg amu Jesus Nug noa, gumiṭa hibaita dayaya he, ode uuite, nug paha aha, ahilag e babaitom.

**40** Babaite aria ded amu aam noono amu danab ab mudipan, ag lailkad ode diigdiig ele amu akan, Jesus topa ukaeg, Nug danab amu epegpa adalate, ena daapig. **41** Ele amu Jesus Nug he, oudi nau ag danab ah kudum uuadna, “Na amu Kayak Beka,” ana enan gopig amge ag doopig, Nug am Kristus amunu Nug ag baula matimnanu ag amelagpa, “Aib!” a, ag odelag qamutpig. **42** Aria wakadede, butuanab Nug ab amu uua aha, aben laih danab haen oh ii daatebpa uke, danab ag Nug matin oin oin, gumidna uk̄an, Nug ag uuata ii gomanu haga ka aon hepig **43** amge Nug ag amelagpa aum. “Da Kayaknu do madodnu Nai Ena amu ab okai laalapa ele mehuqkul. Adinu? Kayak Nug da anam hekulnu meide udimi,” awa aum. **44** Nug anam anana amu Juda dilag nai doyak lag laalapa noawa, nai mehuqom.

## 5

*JESUS A AMU PETRUS NUG KAKAI KUDUMNAB AWOM*

<sup>1</sup> Ded laa Jesus Nug le ameg Genesaret, le amu ihipa hibaita dayeye, danab ah kudum ag Kayak nai dooglagnu udin itun daaegeg, <sup>2</sup> Nug ub nakok adit laa le ameg ihipa eedya daaeheh anatom. Kakai awak danab ag ub adit amu uuatna nena, uhui ihanna daapig. <sup>3</sup> Nug ub adit daapid amu oolahpa laipu laa, ub amuam Simonnu, amupa oola teum. Nug ta, Simon nug ub le ihipanu dutuneb, nakok wākunu amegpa a, nug anam he amu Nug ub atan dayaya, danab ah nai matom.

<sup>4</sup> Nug nai mata malowa aria dimpa nug Simon amegpa aum. “Ub el qepe, le gamag okaipa wab, ag uhui kakai aoglagnu eig!” awa aum. <sup>5</sup> A amu Simon odepia awa aum. “Danab Nadi, tuqan imu ohpa ig udat nadil hemut amge ig kakai laa ii aomut amge na ame amunu ig uhui ekunig,” awa aum. <sup>6</sup> Nug anam a amu ag Jesus aum bia heeg, kakai eb qaknu iita noeg, uhui pagukunu heum. <sup>7</sup> Anam anidna, ag ahilkad udat laipu, ub laapa daapig amu, ag dona ehanadkulagnu epelagpaib onilagpa epig. Eeg doeg, ub adit ohpa kakai amu inapig. Inaeg, ub adit amu oh tuadiglahnu hepid.

<sup>8</sup> Ag anam antegeg, Simon Petrus nug kakai anam aona anta, nug Jesus baegpa dup noa, iki wan ya aum. “Nadi, na da uidna uke! Da hipunin danabde,” awa aum. <sup>9</sup> Nug kakai huanak aopig amu antom amunu nug otaia, dab mak kudum awom. Danab laa nug ele oh daapig, ag ele anamib doopig. <sup>10</sup> Sebedi bekod adit, Jakobus Johanes ele,

a Simon ele layam batan udat laipu hepig ele amu, a ele ehed badeheh, Jesus Nug Simon amegpa aum. “Na aib badame, geha dimpa udat laapa na danab ah anam bia diiadkut,” awa aum. <sup>11</sup> Aria ag ub eedateg, audam teeh amu ag keeke amu oh uuadna, ag gona, Jesus dim lamidpig.

### *JESUS DANAB ADIT BAPALATOM*

<sup>12</sup> Jesus Nug ab okai laapa nakok dayeye amu danab laa gada ođe am bak ele, nug Jesus anta, nug Jesus noobpa dup noa, iki wan ya, unuqita aum. “Nadi, na oot heeb, na hepe, ođe dahil am iita meku,” awa aum. <sup>13</sup> A amu Jesus Nug epeg bahia, danab amu ada aum. “Da ool anam daate, na ena daye!” awa aum. Aria geha aaķu pahanab gada ođe amu uuitom. <sup>14</sup> Uuite amu Jesus Nug danab amu amegpa aum. “Na danab laa amegpa da na bapaidminu amu aib ame! Iita, na gona, na bedun mana metak danab ipunidna, na Mosesnu do ate bia, na dođ main, Kayak mete! Adinu? Danab oh ag amupa, na ođe iita, dooglag,” awa aum. <sup>15</sup> Nug anam aum amge Jesus Nug keeke heumnu nai amu uke, ag tuditeg uke, oh doona, danab kudumnab ag ahan, Jesusnu nai dooglagnu, Nug ođe ahilag bapaladkunu ele udipig <sup>16</sup> amge Nug hanhan aben laih, danab ii daatebpa uka, Nug unuqitom.

<sup>17</sup> Ded laa Jesus Nug danab ah nai ipuanatata dayeye, do gumak danab-Parasia amu do mehuqak danab ele, ag Galelia ab ohpanu, Judanu, amu Jerusalemnu ele udin daaegeg, Jesus Nug nai mehuqom. Kayaknu gagatag amu Jesus Nug ođe danab heeb ena daaglagnu ele nuhigpa

dayom. <sup>18</sup> Dayeye, danab laala ag danab laa, nug baeg epeg ele mauhak ele amu, ag nug qadaqadpa maon udi<sup>p</sup>ig. Ag maona, lag oopa nona, Jesus gumidna wana mekulagnu hepig <sup>19</sup> amge aben oh danab ah ku<sup>d</sup>um ituak daaegeg, ag o<sup>d</sup>e danab maon no<sup>k</sup>ulagnu amu ib ii<sup>t</sup>a amunu ag lag at<sup>a</sup>n tena, lag amu kodoko udem metak ele amunu ag tena, lag kodoko lopadna, danab qadaqadpa niieye, ag nug padaeg, danab oh oolagpa Jesus noobpa meeg, noa dayom.

<sup>20</sup> Meeg dayeye, Jesus Nug ahilag oopa genab doyak am okai ele anta, Nug o<sup>d</sup>e danab amegpa aum. “Layal, nahip hipunin oh amu da uhuqe medat<sup>e</sup>m,” awa aum. <sup>21</sup> Nug anam a amu do mehuqak danab amu do gumak danab-Parasia ele apa daana, ag aka aka dab makpa inam apig. “Danab imu amu Nug am aun? Nug nai umu ate amu Nug Kayak dabi<sup>t</sup>a, awa awa qedate. Kayak Nug nu<sup>k</sup>a hipunin uhuqa megakunu elele,” aon apig. <sup>22</sup> Aeg, Jesus Nug nuhig dab makpa ahilag dab mak amu doya, Nug ag amelagpa aum. “Adinu ag dab mak anam ele? <sup>23</sup> Adi nai am anaknu ug ii<sup>t</sup>a? Hipunin uhuqa metaknu nai amute am ug ii<sup>t</sup>a o ii<sup>t</sup>a aha tapa ukaknu nai, amutai am ug ii<sup>t</sup>a? Amu oh ii<sup>t</sup>a. Adit amu oh am ug ele, danabib he<sup>k</sup>unu elele ii<sup>t</sup>a <sup>24</sup> amunu ag Danab Bekalag da, da wan imupa hipunin uhuqen madakulnu gagatag ele, ag amu dooglagnu amu da hepi, aha goku,” awa aum. Jesus Nug anam anana amu Nug edua, o<sup>d</sup>e danab amegpa aum. “Na ahan, qadaqad nahip aon, la<sup>k</sup>a u<sup>k</sup>le!” awa aum. <sup>25</sup> Nug anam a amu o<sup>d</sup>e danab nug aha, niiak qadaqad nuhig awa, ag

nolagpanu dimitim uka, laugpa taata, Kayak binag meum. <sup>26</sup> Ugeke amu ag dab mak kuđum aona, Kayak binag menana, ag nuhignu enanag doonna, oolag ele otaie, ag apig. “Gemu ig kobol imu laanab anidmut,” aon apig.

### *JESUS LEWI ONIGPA EUM*

<sup>27</sup> Aria dimpa Jesus Nug aha oyaya, Nug takis awak danab laa, onig Lewi, nug takis awaknu laka dayeye antom. Jesus Nug anta, amegpa aum. “Na dona, da dim lamide!” awa aum. <sup>28</sup> Nug anam a amu Lewi nug aha, nuhig keeke oh uuatowa, Jesus dim lamițom.

<sup>29</sup> Dim lamițowa, Lewi nug Jesusnu e nađi laugpa he amu takis awak danab amu laala kuđum ele ag udieg, ag ele daanna, e lapig. <sup>30</sup> Laegeg amu do gumak danab-Parasia amu do mehuqak danab laala, ag do gumak danab-Parasia huupa daapig ele amu, ag ele Jesusnu ipunitak awak danab noolagpa nai hena, amelagpa apig. “Adinu ag takis awak danab, hipunin danab amu danab laa, ag ihinig do oh ii dim lamidteb ele amu, ag ele oh daanna, e lanana, le ele lateb?” aon apig. <sup>31</sup> Anam aeg amu Jesus Nug ag amelagpa aum. “Danab nug ođe iita amu nug dokta topa ii gote. Iita, danab ođe ele nug gote. <sup>32</sup> Amubia amu da hepi, danab kobol tutuk enaib heteb ele ag oolag edukunu ii uđimi. Iita. Da hepi, danab kobol tutuk ena ii heteb ele ag oolag edukunu uđimi,” awa aum.

### *E LANAKNU KUD MA DAYAKNU NAI*

<sup>33</sup> Amu laala ag Jesus amegpa apig. “Layałak Jophanesnu ipunitak awak danab ag am ded kuđum e oh lanaknu kud mena daanna, hanhan unuqidteb.

Amu ḋo gumak danab-Parasia dilag ipunitak awak danab ag ele anamib heteb amge ipunitak awak danab nahipad ag amu anam ii heteb, ag hamu e le ele lat̄eb,” aon apig. <sup>34</sup> Ag Jesus amegpa anam apig amu Jesus Nug aum. “Da amu danab nug ah aote bia. Aria dahil ipunitak awak danab amu ag am da lailad. Amu ig dootem, nug awak haen am oo gamag ahak ele amunu danab nug ah aote amu, nug laikud ele ag e oh lanaknu kud mena daaglagnu am iita. Ag oolag gamag ahak ele amunu ag e ii uumna, ag lakulag. <sup>35</sup> Anam aaku daate amge ded laa dimpa ag lailag, ah awom ele amu, nug laih ukeb, haen amupa ag oolag ug ele amunu ag e oh lanaknu kud mena daaglag. Amu da ami. Da amu danab ah aote bia. Dahil ipunitak awak danab ag am da lailad bia. Da gemu ag ele daat̄em amunu ag e oh lanaknu kud mena daaglagnu elele iita. Dimpa da gopi am ag anam hekulag,” awa aum.

<sup>36</sup> Amunu Jesus Nug keeke danab ag doot̄eb ii doot̄eb ele amu ou aqata, ipuanata, nai laa inam amelagpa aum. “Danab nug lamen qati bau awa, lamen alagnu gido amupa tonii koit-te. Iita! Nug anam helo amu dimpa nug lamen iheb, lamen bau nug edua nakok epa, lamen alag eedeb, gido okai ele daaku. Ele amu lamen bau, lamen nau alag ele am nakok laipu iita,” awa aum. <sup>37</sup> Anam anana amu Nug nai keeke amunu baula inam aum. “Laa ele amu danab nug grep lepu bau le itaknu dod gada alagpa ii inate. Nug anam helo amu grep lepu nug edua, wain baaba, titida heebbeb, dod gada alag nug gagatag epom, okai mekunu elele iita amunu nug aodeb, wain, dod gada ele oh iita mekulah. <sup>38</sup> Ag

anam ii heṭeb. Danab nug grep lepu bau amu le itaknu dod gaḍa baupa inaglagnuib daaṭe. Ag anam hek̄ulag am grep lepu amu dod gaḍa ele am ena daaglah,” awa aum. <sup>39</sup> Jesus Nug anam anana amu Nug nai tuḍiṭa aum. “Amu danab nug grep lepu alag lanana amu nug grep lepu bau hak amu laķunu oo uuṭe. Uua nug aṭe. ‘Grep lepu alag nug lanak ena,’ awa aṭe,” awa aum.

## 6

### *JUDA DILAG METIDNU DO TIPALAKNU NAI*

<sup>1</sup> Aria Juda dilag Metid ded laapa Jesus Nug nuhiķud ipunitak awak danab ele ag ibpa wit dad laa oopa gonana, ipunitak awak danab nuhiķud ag wit aeg laala aon, epelagpa odođna lapig. <sup>2</sup> Aon laeg amu do gumak danab-Parasia ag hepig amunu inam apig. “Ag adinu do nug danab laa Metidpa e datanu ii aomanu ipunigte amu ag Juda dilag Metidnu do amu tipalna, ag e aon laṭeb,” aon apig. <sup>3</sup> Anam aeg amu Jesus Nug odelagpa awa aum. “Ag Kayak naipa Dawitnu nai laa daaṭe amu ag nai amu iite eb qepig? Haen amu Dawit nug laikud ele oiyegeg, enug aqeqe, <sup>4</sup> ag gona tena, Dawit nug Kayaknu lag oopa noa, nug bret dayom amu awom. Bret amu danab oh lanaknu gun ele, mana metak danab agib laķulagnu elele amge Dawit nug awa lanana, laikud ele mate lapig,” awa aum. <sup>5</sup> Anam awowa Jesus Nug baula ag amelagpa aum. “Danab Bekalag da amu da Metid ded gumat̄em,” awa aum.

<sup>6</sup> Ded laa, Juda dilag Metidpa, Jesus Nug Juda dilag nai doyak laka noa, danab ah nai ipuanate,

danab laa epeg nadiap mauhak ebehitak ele apa dayeye antom. <sup>7</sup> Do gumak danab-Parasia amu do mehuqak danab ele ag apa daana, Jesus Nug adi heeb anidkulagnu meidpig. Nug Metidpa danab epeg nau ele ehaniteb, elele dayeb amu ag Jesus hetodiak abenpa mekulagnu oolag dayom. <sup>8</sup> Anam daaegeg, Jesus Nug ahilag dab mak doyaya, Nug danab epeg nau ele amegpa aum. “Na ahan, gamagpa hipaidna dayel!” awa aum. <sup>9</sup> Nug anam a, danab nug hibaita dayeye, Jesus Nug do gumak danab-Parasia amu nai mehuqak danab ele od matom. “Do ihinig adi ate? Ig danab Metidpa ehanidput elele daaku amu enatai o iita ig danab heput nauhku amuam enatai? Ig heput, danab laa nug mauhkunu hete, nug elele daaku am enatai o iita ig uuput mauhku amu enatai?” awa aum. <sup>10</sup> Nug anam awowa, Nug neeka, danab oh anałowa, Nug danab epeg nau ele amegpa aum. “Na epen tai ete!” awa aum. Jesus Nug anam a amu danab amu nug epeg tai ete, epeg edua, laih bia, ena dayom. <sup>11</sup> Aria danab ag Jesus meidna daapig ele amu ag anam anidna, ag Jesusnu opodilag be, guatak bia doona, aka aka matinna apig. “Ig Jesus nuhigpa atem hekunig?” aon apig.

### *JESUS NUG IPUNITAK AWAK DANAB 12 DIIOM*

<sup>12</sup> Haen amupa Jesus Nug tuqan Kayak unuqidkunu qaukopa teum. Ta, Nug tuqan amu oh unuqiteke, wagdom. <sup>13</sup> Wagde, aam be, nuhikud ipunitak awak danab diikunu oo daye, Nug ag onilagpa e, gumidna udieg, Nug danab tuelp tituanata, ag onilag totol danab atadom. <sup>14</sup> Laa am Simon. Amu Jesus Nug onig laa, Petrus atadom.

Laa am Andreus, nug Simon ele, a am eamag. Aria, Jakobus Johanes ele amu Pilipus Batolomiu ele. <sup>15</sup> Mateus Tomas ele amu Jakobus laa nug amu Alpias bek̄a. Amu Simon laa, nug am selot. <sup>16</sup> Laa am Judas, nug Jakobus bek̄a amu Judas Iskariot ele, nug amu dimpa Jesus awa, keked epelagpa meum.

*JESUS NAI MEHUQAQA, ODE DANAB  
BAPALATOM*

<sup>17</sup> Amu Jesus Nug ag ele oh nona gona, Nug wan udem enapa hibaita dayom. Nuhikud ipunitak awak danab ameg nadi laa amu danab ah kudumnab laa, ag Judanu, Jerusalemnu amu ab okai adit, onilah Taia Saidon ele, amu dilah wanpanu ele oh udieg daapig. <sup>18</sup> Ag nai nuhig dooglagnu, Nug ag ode ahilag bapaidkunu ele udipig. Ag udin daaegeg, danab laa ag oudi nau ele amu Jesus Nug oudi nau amu lamate ena daapig. <sup>19</sup> Danab ah oh ag epelag bahin, Jesus bedu adaglagnu oolag dayom. Adinu? Ag adaeg, nuhig gagatag amu bedulagpa uka he, danab oh ag ena daapig.

<sup>20</sup> Ag anam heeg amu Jesus Nug ameg huma, nuhikud ipunitak awak danab amu neekatata, Nug aum. “Ag gemu enulag iita, ag ititak ena aopig daateb. Adinu? Ag Kayaknu do madod aopig daateb. <sup>21</sup> Ag gemu enug aqate ele amu ag ititak ena aopig daateb. Adinu? Kayak Nug heeb, ag oolag didiku. Ag gemu oolagpa ug doon gaateb ele amu ag ititak ena aopig daateb. Adinu? Ag oolag gamag ahaku. <sup>22</sup> Ag da dim lamidteb amunu haen danab laala ag amu anidna, ag ahilagnu

oolagpa nau, ninig ele doon, ag gedadna, nai nau ahilagnu anana, ag am danab nau ele aṭeb amu ag dahilad amu ag ititak ena aopig daaṭeb. <sup>23</sup> Danab kobil nau amu heteb ele amu, anuka ag alalkad, ag Kayaknu propet bedulagpa ele anam hepig amunu ag ahilagnu ele anam hepig amu aria ag gamalag ahebeb, oolag enaib dayad! Adinu? Nob ahilag hab atan amu okainab. <sup>24</sup> Amge o gadon ag danab enulag ele. Ag dab meig! Keeke ahilag, ag oolag ena daakunu amu, ag wan imupa aaku aon malapig. <sup>25</sup> O gadon ag danab ag gemu laeg, oolag didite ele. Ag dab meig! Geha dimpa ag enug aqaku. O gadon ag danab ag gemu imteb ele. Ag dab meig! Geha dimpa ag ug doon gaapeg, amelag leb neku! <sup>26</sup> Amu haen danab laa oh ag binalag mekulag amu ahilagnu am gadon. Ag amunu dab meig! Anuka amu ag alalkad ag anamib propet ham bupuak dilagpa hepig.

<sup>27</sup> Amge ag dahil nai dooteb ele, da ahilagnu atem. Ag ahilag kekednu amu ag oolag mauhad! Amu aun adi ag ahilagnu oolagpa nau, ninig ele dooteb amu ag kobil ena ahilagpa heig! <sup>28</sup> Danab laala ag nob nau aoglagnu apeg, ag dahilad amu ag ahilagnu edun anam aib hepig. Iita! Ag ititak ena mateg! Amu aun laala ag ahilagnu awa awa qetak nai maditeb amu ag ehanadna, ahilagnu unuqiteg! <sup>29</sup> Am danab laa nug na hipen laih ob amu na edun nob nau aib metame. Iita. Na edun hipen laih amu ele medakut. Am danab laa nug lamen nahip aweb amu na elele daakutnu do noobpa wagai aib meme. Iita! Na lamen laa nahip amu ele medakut. <sup>30</sup> Am danab laa nug keeke medakutnu od meteb amu na nug mete!

Aria danab laa nug adi keeke nahip aweb amu na aib edua medakunu wagai meme. <sup>31</sup> Amu ag dahilad amu ag danab ag kobil atemun ahilagpa hekulagnu oolag daate amu ag anamib ahilagpa heig! <sup>32</sup> Amge ag danab ag ahilagnu oolag mauhete ele, ag amu dilagib oolag mauhebeb amu kobil amupa Kayak Nug ag binalag madakute? Iita. Hipunin danab ag ele anam heteb. Yo, hipunin danab ag danab ag ahilagnu oolag mauhete ele amu, ag amu dilag oolag mauhete. <sup>33</sup> Amu ag danab laa ag kobil ena ahilagpa heteb ele, ag amu dilagpaib kobil ena hepeg amu kobil amupa Kayak Nug ag binalag mekute? Iita. Hipunin danab ag ele anam heteb. <sup>34</sup> Amu ag keeke ahilag danab laa nob edua madakunu matona amu ag dimpa edun nob aoglagnu oolag dayeb amu kobil amupa Kayak Nug binalag mekute! Iita! Hipunin danab ag ele anam heteb. Yo hipunin danab ag hipunin danab laa nob edua madakunu, ag keeke metona amu ag edun keeke ahilag, nob anamib aoglagnu medateb. <sup>35</sup> Amge ag keked ahilkadnu ag oolag mauhad! Amu ele ag ahilagpa kobil ena heig! Danab ag ahilagnu keeke nob edua mataknu aoglagnu apeg amu mateg! Matona, dimpa ag ahilagpa keeke amu edun aoglagnu aib dab mepig. Ag anam hepeg amu nob ena ahilag amu okai daaku. Ag Kayak atannab daate ele amu, Nug bekod daaglag. Adinu? Nug nuhig oo doyakpa danab laala, nuhignu dab ii meteb ele, danab ag aka ahilagib dab meteb ele amu, Nug amu dilag ele keeke ena madate. <sup>36</sup> Amunu ag Mamelag, Nug danab dilagnu oo gai iita doote, amubia ag laa dilagnu oolag gai iita doyeg!” awa aum.

***LAILKAD EPEDIA TAKNU NAI***

<sup>37</sup> Jesus Nug anam anana amu Nug baula aum. “Ag nob nau gagaṭagnab aomnanu amu ag laa dilag ag nob nau gagaṭagnab aoglagnu aib dab mepig. Laa ag, ag onilag hepeg nauhmanu amu ag laa onilag aib hepeg nauhom. Ag laa dilag hipunin uhuqna madapeg amu laa ag ahilag hipunin uhuqna maṭaglag. <sup>38</sup> Ag danab keeke madapeg amu ag edun mepeg, keeke am beeb, yaapeg nob, baubau inapeg, am ba gokađebeb, ag mataglag. Ag danab melemel madaṭeb amu melemel amupaib geha ag mataglag,” awa aum.

<sup>39</sup> Jesus Nug anam anana amu Nug nai tudita keeke danab ag dooteb ii dooteb ele ou aqata, ipuanata, nai laa inam ele amelagpa matia aum. “Danab ameg gaduak, nug layag ele ameg gaduak amu, laa nug laa ib ipunidkunu elelete? Iita. Nug anam heeb amu a oh goya, modpa neya qekulah. <sup>40</sup> Ipunitak awak nid nug ipunitak danab nuhig ii edidte. Nug ipunitak nai oh awa malowa amu nug ipunitak danab nuhig bia daaku. <sup>41</sup> Adinu na layap amegpa kinipan hupu nakok daate amunu na neegtem amge na amenpa, ad maha okai daate na amunu dab ii metem? <sup>42</sup> Na dab mak atem aona, na layap amegpa, ‘Lai, da kinipan hupu nakok na amenpa daate amu aokulnu hetem,’ atem? Na anam atem amge na naķa amenpa ad maha okai daate amu na ii anidtem. Na am ham bupuak danab! Tatam na ad maha okai, na amenpa daate ele, amu mautpe na ukeb, aria dimpa na pehetan neegnana amu dimpa na layap amegpa kinipan amu maute!” awa aum.

<sup>43</sup> Anana amu Nug baula aum. “Amu ad ena nug

meu nau ii oṭe, amubia ad nau nug meu ena ii oṭe.  
<sup>44</sup> Danab ag nuhig meupa ad anidna dooṭeb. Amu danab ag ad pig meu amu mudi qaun elepanu ii aot̄eb, ag grep meu amu ad nakok qaun elepanu ele ii aot̄eb. <sup>45</sup> Danab ena nug nuhig dab mak enaib oopa daaṭe amunu nug kobil enaib het̄e. Danab nau nug nuhig dab mak nauib oopa daaṭe amunu nug kobil nau het̄e. Nug oopa am bak daaṭe amuib amu odep̄a ele madite.

### *JESUSNU NAI AWA OIYAKNU IPUNITAK NAI*

<sup>46</sup> Adinu ag dahilnu, ‘O Nadi, O Nadi,’ aon at̄eb amge ag dahil nai dim ii lamidṭeb? <sup>47</sup> Amu danab laa nug da gumiḍa udia, dahil nai doya, nug dim lamidṭe ele, da nuhig kobil amunu ag inam ipuanadpi anidna oolag maidku. <sup>48</sup> Nug am danab laa amu nug lag buukunu ha, nug tatam mod̄ awe, uma noa uke, wan oopa men nadi qadepa nug lag mawa daakuknu keeke ade, men ada dayeye aria dimpa nug amu atan lag heum bia daaṭe. Danab amu nug lag anam heum amunu dimpa le ui na dut̄une amu lag na qekunu elele iita. Adinu? Danab nug lag enanag heum. <sup>49</sup> Amge danab nug dahil nai doya ii dim lamidṭe ele amu, nug am danab laa lag hamu wanpaib he dayom bia. Nug wan oopa men qadepa lag mawa daakuknu keeke ii adom amunu dimpa le ui na, lag amu dut̄une, pahanab na qa, lopada, iita meum,” awa aum.

## 7

### *JESUS DAUP IKINU BEGBEG HE, ENA DAYOM*

<sup>1</sup> Jesus Nug danab ah keeke amu oh amelagpa awowa aria Nug Kapenaum ukom. <sup>2</sup> Amu Rom

danab laa, nug daup 100 dilag iki amu, nuhig begbeg laa, nuhignu oo doote ele amu, nug odee ma mauh<sup>k</sup>unu heum. <sup>3</sup> Nug anam dayom amu daup iki nug Jesus apa udiom doya, nug Juda dilag iki danab laala ag gona, Jesus apeg udia, begbeg nuhig amu heeb ena daakunu he gopig. <sup>4</sup> Ag Jesus gumidna gona, daup ikinu ii daye daye apig. “Nug am danab ena, na nug ehanid<sup>k</sup>utnu elele. <sup>5</sup> Nug am ig Juda ihinignu oo mauh<sup>t</sup>e. Nug nuka ihinig nai doyak lag amu buuom,” aon apig. <sup>6</sup> Anam aeg amu Jesus ahe, oh gona, guguitegeg amu daup iki nug laikud laa Jesus apeg dookunu amelagpa a, ag gona, nug aum odee Jesus amegpa apig. “Danab Nadi na hamu udie nid<sup>t</sup>e. Da am danab enate amu na udin da laul oopa nekut? <sup>7</sup> Am da ele da dootem, da danab ena iita amunu da na gumi<sup>t</sup>en gokulnu amu da elele ii doomi amge na begbeg dahil edua ena daakunu naiib a! Na anam naiib ape amu begbeg dahil nug edua ena daaku. <sup>8</sup> Da amu dootemnu diig am, da ele udat imunu danab okai waalagpa daiyi, ag da gumi<sup>t</sup>eggeg amu dahilad daup ag da waalpa daateb. Amunu da laa amegpa, ‘Na uke! ai aria nug go<sup>t</sup>e. Amu da laa amegpa, ‘Na do! ai aria nug do<sup>t</sup>e. Dahil begbeg ele amegpa, ‘Na udat imu he,’ ai aria nug hete amunu na naiib ape, keeke amuam bek<sup>u</sup> dootem.” Danab amu ag okai ahilag odee amu aon, Jesus amegpa apig. <sup>9</sup> Ag anam aeg, Jesus Nug doya, Nug dab mak kudum awawa, Nug edua, danab ah ameg nadi ag Nug dim lamidpig ele amu, Nug ag amelagpa inam aum. “Da ag amelagpa atem. Da Israel danab oolagpa oopa genab doyak imubia amu da laa ii anidmi,” awa aum. <sup>10</sup> Aria danab daup iki nug he, ag Jesus topa

gopig ele amu, danab amu ag edun nug laugpa gona, begbeg nuhig amu edua ena dayeye anidpig.

### *JESUS NUG NEN NID MAD ETOM*

<sup>11</sup> Amu nakok dimpa Jesus Nug ab okai laa onig Nen uke, nuhig ipunitak awak danab amu danab ah ameg nađi ag Nug ele oh gopig. <sup>12</sup> Nug uka, ab amunu od okai amu guguña noono, ag danab mauhak laa maon dopig. Danab mauhom nug anig am ah qab, nug beka laipu amu aakuib. Amu danab ah ameg nađi ab amupanu ag ah amu, nug ele udipig. <sup>13</sup> Jesus Nug ah amu anta, nuhignu oo doye, Nug ah amu amegpa aum. “Na aib gaame,” awa aum. <sup>14</sup> Anam anana, Nug qadaqad maopig amu gukuña wana, epeg bahia, danab mauhak niiom ele qadaqad amu ade, danab qadaqad maopig ele, ag hipaidna daapig. Daaegeg Jesus Nug aum. “Nid bau, da atemde, na ahe!” awa aum. <sup>15</sup> Anam a, danab mauhom amu edua aha dayaya, nai matje, Jesus Nug edua awa, anig metom. <sup>16</sup> Danab ah oh ag amu anidna, Kayaknu ena doona, ag oolag otaie, ag Kayak binag mena apig. “Propet nadi laa ig oonigpa udiom. Kayak Nug ig ehanigkunu udiom,” aon apig. <sup>17</sup> Amu danab ag Jesus keeke heum amunu ag matieg uke, Juda wan ohpa amu wan laala, Juda taliliňak ele uke, apan danab ag doopig.

### *JOHANESNU DANAB ADIT JESUS GUMIDYA GOPID*

<sup>18</sup> Ag Jesus heumnu matieggeg amu Johanesnu ipunitak awak danab ag keeke amu ohnu nug amegpa aeg doyom. <sup>19</sup> Doya amu Johanes nug nuhiķud ipunitak awak danab adit onilahpa e, gumidya doeħ, a goya Jesus inam od metaglahnu aum.

“Danab laa udikunu aeg doomut am na aakute o iita ig laate ameg mekunig?” Nug anam amelahpa anana, nug he gopid. <sup>20</sup> Anam a amu danab adit amu Jesus gumidya goya, a apid. “Layałak Johanes nug he, i na od metagnihnu gumidda udimud. Od mak am inam. Danab laa udikunu aeg doomut am na aakute o iita, ig laate ameg mekunig?” aoya apid. <sup>21</sup> Haen amupanab Jesus Nug danab ah kudum ag ode diigdiig ele amu he ena daaegeg, Nug oudi nau kudum lamałata, ameg gaduak kudum Nug he, ag amelag opate ag neegpig. <sup>22</sup> Amunu Jesus Nug ahilah nai amu edua nob ma amelahpa aum. “A goya, keeke oh gemu a anidya doopid, aakude Johanes aped doyad! ‘Danab ag amelag gađuak amu gemu ag edun neegteb. Didilag adak amu ag ena oiteb. Amu gadalag ode ele amu ode amu iita mete, daulag ituak ele ag edun, nai dooteb, danab mauhpig ele amu ag edun bau daateb, dadek danab ag ele Nai Ena dooteb.’ <sup>23</sup> Amu danab aun nug nuhig oopa genab doyak dahilnu ii padə nete ele amu, Kayak Nug danab amu ititak medate,” awa aum.

<sup>24</sup> Am danab adit Johanesnu nai aoya uđipid ele amu, a eduya ukaeheh, Jesus Nug Johanesnu danab ah amelagpa inam aum. “Ag anuka ag Johanes gumidna atu tadakpa gopig amu ag adi keeke anidkulagnu gopig? Ag keeke gai iita, qaitobtob bia, ulah he udalte amu anidkulagnu gopigte? <sup>25</sup> Iita, ag gopig am adi keeke anidkulagnu gopig? Ag gona danab laa lamen enanagnab, kobol ele takom amu anidkulagnu gopigte? Iita. Danab ag lamen enanagnab, kobol ele tagateb amu ag king laugpa daateb. <sup>26</sup> Amge ag adi keeke anidkulagnu gopig?

Ag propet laa anidkulagnu gopigte? Da ag amelagpa atem, ao, ag am propet anidkulagnu gopig. Nug am propet amge propetib iita. Nug amu propet laa oh edat k. <sup>27</sup> Nug am laa, Kayak Nug nuhignu a, propet laa nug Kayak ode awa, Kayak naipa yom daate. Nai am inam. ‘Ant ! Da hepi, dahil nai awa uka matiaknu danab laa nug na noom awa, nahip ib bapaidku.’” <sup>28</sup> Jesus Nug anam awowa, Nug nai tudita aum. “Da ag amelagpa atem. Laya tak Johanes nug danab anuka propet daapig amu oh edatom amge danab laa nug Kayaknu do madod oopa danab nakokib daate, nug nuhig itit k amu Johanesnu edidte.

<sup>29</sup> Danab ah oh am takis awak danab ele ag Johanesnu nai doopig amunu ag, ‘Kayak Nug tutkuib het ,’ aon anana, ag Johanes epegpa layat k aopig. <sup>30</sup> Amge Juda dilag do mehuqak danab amu do gumak danab-Parasia ele ag amu ag Kayak Nug ib ena ipuana tom amu ag uun, di met aeg, Johanes nug ag ii layatom,” awa aum.

<sup>31</sup> Jesus Nug anam anana amu Nug nai tudita aum. “Da danab ah haen geha imunu da ahilagnu adi bia akul? Ag am adi danab?” <sup>32</sup> Ag am nid naunau hadappa daanna, ameg laa amu ameg laa amelagpa enana, ‘Ig ahilagnu dumut um iwalmut amge ag ahi ii edapig. Ig ahi oo doyak ele et amut, amge ag ii gaapig,’ at eb amubia het eb. <sup>33</sup> Adinu? Layat k Johanes nug udia amu nug e diigdiig ii laum, wain ele ii laum amunu ag, ‘Nug bedupaoudi nau ele,’ aon at eb. <sup>34</sup> Aria Danab Bekalag da, da udien, da e lain, le ele lami amunu ag, ‘Ant eg, nug e huanak lanana, wain ele huanak late. Nug

laikud am takis awak danab, hipunin danab amu danab laa, ag ig Juda, ihinig do oh ii dim lamidteb,’ aon ateb. <sup>35</sup> Amge Kayaknu doyak am keeke genab amu nuhig hakpa ag am genab anidkulag,” awa aum.

### *AH JESUS BAEGPA GODEN GOKADOM*

<sup>36</sup> Amu do gumak danab-Parasia laa nug Jesus ele e lakulahnu Jesus onigpa e, nug laugpa uke, a e lakulahnu daapid. <sup>37</sup> Daaeheh, ab okai amupanu hipunin ah laa dayom, nug, “Jesus udia, do gumak danab-Parasia laugpa e late,” amu doya, nug men botol goden enanag laa awa udia, <sup>38</sup> Jesus baegpa, guguita dimugpa hibaita gayaya dayom. Ameg leb gokada, Jesus baegpa ne amu iki udugpa opiaya, Jesus baeg ootuqita, goden amu Jesus baeg laaitom.

<sup>39</sup> Amu do gumak danab-Parasia, Jesus onigpa e udiom ele, nug keeke amu anta, inam dab mak awom. “Danab umu Nug genab propetlob amu ah umu epeg bahia adate amu nuhig kobol ele doolo. Ah umu nug hipunin ah,” awa aum. <sup>40</sup> A amu Jesus Nug danab amu nuhig dab makpa anam aawo doya, Nug miag matula od meta aum. “Simon, da nai laa madipi na dookutnu ool daate,” awa aum. Awa a Simon nug aum. “Ipunitak danab, nahip nai amu mehuqe!” awa aum. <sup>41</sup> Anam a amu Jesus Nug nai imu matia aum. “Danab adit laa a bedulahpa danab laanu keekenu nob ele. Danab laa nug nuhig daden nob amu 100 kina amu laa nuhig daden nob amu 10 kina ele. <sup>42</sup> Amu a keeke nob amu eduglahnu amu elele iita amunu danab amu nug ahilah keeke nob amu uua, oo ii daye, uhuqa matom. Aria a oolahpa danab aun

nug danab men dodo matom, nuhignu oo okainab mauhku?" awa aum. <sup>43</sup> Awa a amu Simon nug Jesus nai matie doya, odepaa wa aum. "Dahil dab makpa amu danab nug keeke nob okai uua, uhuqa metom ele, nug am anam dooku," awa aum. A amu Jesus edua amegpa aum. "Dab mak amu tutuku, na nob ena meme," awa aum.

<sup>44</sup> Jesus Nug anam anana amu Nug edua, ah neekitata, Simon amegpa aum. "Na ah imu anidtem. Da na laut oopa nemi amu na le aon dona, da bael ii ihame amge ah imu nug ameg lebpa da bael ihaha, nug iki udugpa opiom. <sup>45</sup> Na da ii ootuqilme amge da lag oopā neiyi, ah imu nug dig ma, da bael ootuqitata daate. <sup>46</sup> Amu na da ikil goden ii laaidme amge ah imu nug goden awa udia, da bael laaidte. <sup>47</sup> Amunu da na amenpa atem. Nug hipunin kuđum heum amu da aaku uhuqa medatem. Adinu? Nug dahilnu oo huanak mauhṭe. Amge danab nug hipunin nakok he, da hipunin nuhig uhuqen metai, nug dahilnu oo nakokib mauhṭe," awa aum. <sup>48</sup> Nug anam anana amu Nug ah amegpa aum. "Da hipunin nahip amu uhuqen medatem," awa aum. <sup>49</sup> Jesus Nug ah amegpa nai anam a amu danab nug ele oh balalpa daapig ag aka aka nai matin apig. "Nug am danab aun, Nug hipunin uhuqa metak danabte?" <sup>50</sup> Anam aeg amge Jesus Nug baula ah amu amegpa aum. "Na ootpa genab doome amunu da hei, na ena daatem. Na madod ele uke!" awa aum.

## 8

<sup>1</sup> Haen laa dimpa Jesus Nug u₄ka, ab okai ab nakok ele laalapa talilia₄ta oiyaya, Kayaknu do madodnu Nai Ena amu mehuqa, danab ah ipuanat̄om. Nuhikud ipunitak awak danab tuelp ag Nug ele oiegeg <sup>2</sup> amu ah laala ag ele oh gopig. Anu₄ka ah amu ag ena ii daapig. Laa am ode ele, laa am oudi nau ele amu Jesus Nug he, ena daapig. Laa, Magdala ted Maria, nug anu₄ka oudi nau eblaih adit ele bedupa daaegeg Jesus lamat̄om.

<sup>3</sup> Laa Joana, nug amu Herodes laug gumapig ele dilag okai onig Susa, nug wau. Amu Susana aria ah laala ele gopig. Ah amu ag ahilag keekepa Jesus amu nuhikud ipunitak awak danab ele ehanadpig.

<sup>4</sup> Jesus Nug anam oiyeye, danab ah ameg nad̄i ag udin, Jesus topa qag meeg amu danab ah ab okai ohnu ele udieg, Nug keeke danab ag dooteb ii dooteb ele ou aqata, ipuanata inam matia aum.

<sup>5</sup> “E epak danab nug e hadag ebakunu aha, dat̄a u₄ka oiyaya, e hadag taodom. Nug taode ugeke, hadag laala amu danab ib oitebpa nena qena niiegeg, danab ag tapaegeg, ai ag udin, hadag amu lapig.

<sup>6</sup> E hadag laala ag wan men duqe u₄kak ele amupa nena qena bepig amge wan tepu iita amunu ag didilag bau dayak elele iitanu qada ete bunadpig.

<sup>7</sup> Aria e hadag laala ag wan mudi qaun elepa nena qeeg, mudi qaun ele ba, nad̄i ma teguat̄om.

<sup>8</sup> E hadag laala ag wan enapa nena qena, ena bena, meulkad kudumnab opig. Wan handat, wan handat anam.” Jesus Nug anam anana Nug ewa, “Danab nug daug ele dayeb amu nug doyad!” awa aum.

<sup>9</sup> Aria dimpa nuhikud ipunitak awak danab ag Jesusnu nai amu meu nuhig am adi amunu od

medapig. <sup>10</sup> Od meṭaeg amu Jesus Nug aum. “Ag am Kayaknu ḋo mađodnu keeke diig lokumak amu dooglagnu maṭom amunu ag dooteb amge danab laala ag nai, danab nug keeke danab ag dooteb ii dooteb ele ou aqata, ipuanadte, nai amupaib anidteb amunu Jesaia nai yom, nai amu elele medate. Nai am inam. ‘Ag neegna amu ag diig tutukii anidteb. Ag nai daulagpa dooteb amu ag nai meu am tutukii dooteb,’ ” awa aum.

<sup>11</sup> Jesus Nug anam anana amu Nug nai baula tudita aum. “Keeke danab ag dooteb ii dooteb ele ou aqaten, ipuanaten matimi amu, nuhig meu am inam. E hadag amu Kayaknu nai. <sup>12</sup> Amu hadag laala ibpa nena qepig ele amu, nai amu inam ipunigte. Danab laala ag nai doopig amge dimpa Satan nug uđia, ag oolagpa noa he, Kayak nai iitä mete. Satan nug nuhig dab makpa, ‘Ag nai amu oolagpa genab doopeg, Kayak Nug ag edua diima,’ anana hete. <sup>13</sup> Amu e hadag laala men duqe ułakpa nena qepig ele amu, nai amu inam ipunigte. Danab laa ag nai doon, oolag gamalag ahehe, pahanab aoteb amge ahilag oopa genab doyak am gagatag iitä, haen tutuib daate amunu ded laa ahilag oopa genab doyak iitä mekunu ug laa be amu ag paha ahilag oopa genab doyak amu padaṭeb. <sup>14</sup> Amu e hadag laa wan mudi qaun elepa nena qepig ele amu, nai amu inam ipunigte. Danab amu ag nai dooteb amge ag gona oiyegeg, wan imupa ug laala amu enub awaknu uđat amu ameg qak kobol ele, keeke amu oh ag oolagpa he, Kayak nai iitä ma, danab tutukii elelenab daakunu meu ii ote. <sup>15</sup> Amge e hadag wan enapa nena qepig ele amu, nai amu inam ipunigte. Danab laa ag nai

doon, ag aona, oolagpa meeg, tutuku oolagpa ena dayeye, ag gagaṭag daanna amu ag meu oṭeb,” awa aum.

### *DANAB AG LAM TAPID WAAPA II METEB*

<sup>16</sup> Aria Jesus Nug nai imu ele matiom. “Danab laa nug lam amota, tapid waapa o balal waapa ii mete. Iiṭa, nug amota, balal atan me ewewe, danab ag lag amu oopa nona, ag amahlak anidṭeb. <sup>17</sup> Amubia gemu keeke laala lokumak daate amge dimpa miag atiglag. Keeke oh danab ag lokumpig daateb amu dimpa ag miag atipeg, danab oh anidkulag. <sup>18</sup> Ag nai dahil dooteb ele amu, ag amu dab menan dayeg! Am danab laa nug Kayak Nai adate ele amu, dimpa Kayak Nug baula ele tudita, nug medaku amge danab nug Kayak nai laa tutuku ii adada, nug, ‘Da keeke matu adami,’ awa ate amu geha Kayak Nug amu edua adidku,” awa aum.

### *JESUS ANIG AMU AMAKUD ELE*

<sup>19</sup> Jesus Nug anam anana dayeye amu Nug anig amakud ele anidkulagnu udipig amge danab kudum ag itun daapig amunu ag Jesus gumidna wakulagnu ib iiṭa. <sup>20</sup> Ag udin daaegeg, danab laala ag Jesus amegpa apig. “Na anin amapad ele ag na anidkulagnu udin, dimitim daateb,” aon apig. <sup>21</sup> Aon aeg amu Jesus Nug amelagpa aum. “Danab ah ag Kayaknu nai doon dim lamidṭeb ele, ag amu da anil, amalad ele,” awa aum.

### *JESUS ULAH NADI AMEGPA A TO ETOM*

<sup>22</sup> Ded laa Jesus Nug ub laa atan te, nuhikud ipuniṭak awak danab ele teeg amu Nug ag amelagpa aum. “Ig le ameg matadta, laih upa goṭunig,” awa aum. A amu gopig. <sup>23</sup> Ub ugeke amu Jesus

Nug niiom. Niieye, ulah nad<sup>i</sup> laa laipun na, le amegpa he, le ite, ub oopa noa am bekunu he, ag mauh<sup>k</sup>ulagnu hena, <sup>24</sup> nuhikud ipunitak awak danab ag wana, Jesus mad etan apig. “Ipunitak danab, ipunitak danab, ig mauh<sup>k</sup>unignu hetem!” aon apig. Aon aeg am Jesus Nug aha, ulah le kodkod qeum ele amu, Nug a amelahpa a anam hemayanu a amu ulah nug iita me, le ele to eta, manin dayom, le nug baula ii uðalom. <sup>25</sup> Aria Jesus Nug ipunitak awak danab amelagpa aum. “Ag ahilag oopa genab doyak amu adepa daate?” awa aum. Nug anam heum amu ag nuhignu enanag doon, ag oolag ele otaie, ag dab mak kudum aona, ag aka aka matin apig. “Ulah le ele amu danab imu ahilahn<sup>u</sup> nai aum amu dim lamidpid amunu am atemun? Nug am aun?” aon apig.

### *JESUS OUDI NAU DANAB LAA BEDUPANU LAMITOM*

<sup>26</sup> Dimpa ag el qena gona, laih Gerasa wanpa eedpig. Wan amuam Galelia le ihi laih daate.

<sup>27</sup> Amu Jesus Nug ubpanu aha, honap le ihipa no amu danab laa ab okai amupanu Nug gumita doum. Danab amu nug oudi nau kudum ele. Haen elab nug bam iita oiyaya, laka ii daat<sup>om</sup>. Iita, nug matmatpa daat<sup>om</sup>. <sup>28</sup> Danab amu nug Jesus anta, ewawa, wanpa Jesus baegpa na qa, huanaknab ewa aum. “Jesus, na Kayak Atannab Beka, na da atem heidkut hetem? Da na unuqidtem. Na da guitak aib medame,” awa aum. <sup>29</sup> Am Jesus Nug matu oudi nau nug danab uuidkunu aum amunu nug anam aum. Haen kudum oudi nau nug danab amu adede, danab ag nug gumanna, senpa qakan,

baegpa adakunu keekepa ele qagtapig amge nug sen keeke amu oh pakua awe, oudi nau nug nug awa ade, laih atu tadakpa gotom. <sup>30</sup> Aria Jesus Nug od metom. “Na onin aun?” Awa a nug aum. “Da onil amu, ‘Daup kudum,’ ” awa aum. Adinu? Oudi nau kudumnab nug oopa nona daapig. <sup>31</sup> Oudi nau ag Jesus amegpa, “Na aib ig lamigpe, Satan amu nuhikud daup daatebpa edut gomut,” aon ii daye daye unuqidpig.

<sup>32</sup> Amu bo ameg nadi laa qauko nakok amupa e lanana daapig amunu oudi nau ag Jesus unuqidna apig. “Na hepe, ig bo umu oolagpa gotu!” aon apig. Aon aeg aaku Jesus Nug he gopig. <sup>33</sup> Oudi nau ag danab amu uidna, ag gona bo oolagpa noeg amu bo ag oolna, huana gona, aben oola noakpa nona, le amegpa le lana mauhpig.

<sup>34</sup> Amu bo gumak danab ag keeke beum, amu anidna, ag oolna gona, ag keeke amunu ab okaipa amu nuhig wan taliliak ele amupa keeke adi anidpig amu aeg doopig. <sup>35</sup> Matieg doona amu danab ah ag keeke amu anidkulagnu Jesus gumidna gona, ag danab oudi nau uidpig amu anidpig. Nug lamen taka, dab mak ena ele Jesus baegpa hedep na dayeye anidpig. Danab ah ag anam anidna, ag badapig. <sup>36</sup> Danab ag anidpig ele amu, ag Jesus Nug danab oudi nau ele amu he ena dayom, ag keeke amu ohnu madipig. <sup>37</sup> Matieg, laih Gerasa, apan danab oh ag Jesus uuata gokunu unuqidpig. Adinu? Ag huan badapig. Aeg aaku Jesus Nug ub atan ta, Nug edua ukom.

<sup>38</sup> Danab oudi nau uidpig ele nug Jesus ele gokulahnu ii daye daye od metom. Nug anam aum

amge Jesus Nug he, edua ugeke, amegpa aum.  
**39** “Na edun, na apanpa gona, Kayak keeke oh nahipa heum amu na mehuqe!” awa aum. A amu danab amu uka, ab okai nuhigpa ta, danab ah oh amelagpa nuhigpa Jesus keeke oh heum amu mehuqom.

***IKI DANAB ADEG AM AH JESUS LAMEN ADOM ELE***

**40** Jesus Nug Galelia le ameg heqo laihnu edua udieye, danab ah oh ag Nug udiong amunu gamalag ahom. Adinu? Ag oh Nug ameg mena daapig.  
**41** Jesus udieye amu danab laa onig Jairas, nug Juda dilag nai doyak lag gumak danab laa, nug udia, Jesus noobpa dup noa, iki wan ye, Jesus Nug laugpa gokununab unuqitom. **42** Adinu? Nug adeg laipu, mad 12 ele, nug mauhkuunu heum. A amu Jesus Nug ugeke, danab ah kudumnab ag talilidna daaegeg gopig.

**43** Ukaegeg, ah laa ele apa dayom amu nug kalam qak ode mad tuelp haen oh anidtom. Iita ii metom. Nug dokta gumata uke babaitegeg, nug men dodo nuhig iita meum amge nug edua ena ii dayom.  
**44** Aria ah amu nug Jesus dimugpa doa, epeg bahia, Jesusnu lamen daug nakok adom. Ade amu pahanab ode amu iita meum. **45** Iita me amu Jesus Nug dayaya, od meum. “Aun da adailom?” awa aum. Od me amu ag apig. “Da iita, da iita,” aon apig. Aon aeg, Petrus nug aum. “Ihinig okai, danab ah ameg nad*i* talilidna daateb amunu adinu na, ‘Aun da adailom?’ aon atem?” awa aum. **46** Amge Jesus Nug aum. “Da dootem, laipu laa epegepa da adaele, gagatag laa uuida ukom,” awa aum. **47** Aria

ah amu nug doya, lōkumkunu elele iīta amunu nug b̄āda hahad̄a, danab ah oh noolagpa Jesus baegpa gateg qaun wa, nug adinu epeg bahia Jesus ade, laipun ōde nuhig iīta meum ele amunu aum. <sup>48</sup> Amu Jesus Nug ah amu amegpa aum. “O adel, na ootpa genab doome amunu na ed̄un ena daat̄em. Na mad̄od ele ūke!” awa aum.

<sup>49</sup> Jesus Nug nai amu mat̄aya dayeye, danab laa nug īki danab Jarius, amu nug laugpanu nai awa udia, Jairas amegpa aum. “Na aden mauhomde amunu na ipunitak danab imu aib ud̄at met̄ame,” awa aum. <sup>50</sup> A amu Jesus Nug nai amu doya, Nug Jairas amegpa aum. “Na aib b̄adame. Iīta, na ootpa genab doye! Na anam hepe amu na aden nug edua bau daaku,” awa aum. <sup>51-53</sup> Aria Jesus Nug īki danab amu laugpa ūka, Nug Petrus, Johanes, Jakobus, nid mameg anig ele aakuib diiata, Nug ele lag oopa nopig. Laa oh ag lag oopa nokulagnu aib aum. Nug lag oopa noa, Nug danab ah ag nid amunu oolag doye, mahinna, qanak ele henan daaegeg anāta, Jesus Nug ag amelagpa aum. “Ag aib gaapig! Nug ii mauhom, nug niite,” awa aum. Jesus Nug anam a amu ag imidpig. Adinu? Ag doopig, nid ahin nug mauhom. <sup>54</sup> Ag anam heegeg, Jesus Nug ag lamātowa, Nug nid ahin amu epegp̄a ada aum. “Nid ahin, na ahe!” awa aum. <sup>55</sup> Amu nid ahin amu nuhig oudi edua udie, laipun bau edua ahom. Ahe, Jesus Nug ag e medapeg lakunu amelagpa aum. <sup>56</sup> Nid ahin mameg anig ele a anam anidya, a otaiya, dab mak kud̄umnab aopid amu Jesus Nug gagātag amelahpa aum. “A keeke imunu danab laa amegpa aib apid,” awa aum.

**9*****JESUS IPUNITAK AWAK DANAB 12 UDAT MATOM***

<sup>1</sup> Jesus Nug ipunitak awak danab tuelp onilagpa e udieg, Nug ag oudi nau lamadnana, ode digdiignu ele hepeg ena daaglagnu gagaṭag matom.

<sup>2</sup> Nug he, ag gokulagnu daaegeg, amelagpa aum. “Ag gona, Kayaknu do madodnu nai mehuqnana, danab ode ele hepeg ena dayeg!” awa aum. <sup>3</sup> Nug anam anana, Nug nai tudita amelagpa aum. “Ag oiyaknu keeke, hokat, batam, e, men dodo ele, aon aib oipig. Aria ag lamen adit ele aib aon gopig.

<sup>4</sup> Ag lag laapa tena amu agupaib daanna, apa udat malona aria ahan uk̄eg!” awa aum. <sup>5</sup> Nug anam anana amu Nug nai tudita aum. “Ge danab ag diiadna laulagpa ii maadpeg amu ag ab amu uun gonana, ab amupan danab ag ehed hepig dooglagnu ag gapud baelag gadapanu qeqalpeq neeb, ag ab amu uun uk̄eg!” awa aum. <sup>6</sup> Anam a amu ipunitak awak danab ag ahan, ab ab gona, Nai Ena amu mehuqnana, ode danab atu ohpanu ele heeg, ena daapig.

<sup>7</sup> Aria, Herodes Antipas nug Galelia wan guma dayeye, Jesus Nug udat heehe, Herodes Antipas nug udat ok̄am oh heum amunu doya, nug dab mak kudum awom. Adinu? Danab laala ag, “Herodes nug Layatak Johanes baag otodom amge Layatak Johanes nug edua hibaita oite,” aegeg doyom. <sup>8</sup> Ag anam aegeg am laala ag, “Nug am Elias, edua hibaitom,” aegeg, laala ag, “Nug prophet anukanu laa edua hibaitom,” aon apig. <sup>9</sup> Ag anam aeg am Herodes anam doya, nug aum. “Genab

da Layatak Johanes baag otadmi amge danab umu Nug am aun, ag nuhignu nai amu unam ateb?" awa aum. Awa anana nug Jesus anidkunu heum.

### *JESUS DANAB 5000 E MATOM*

<sup>10</sup> Aria ded laa Jesusnu ipunitak awak danab tuelp ag edun uđin, Jesus amegpa, ag gona keeke oh hepig amunu aeg doya, Nug aha omalate, ab laa Betsaida, amupa aka gopig. <sup>11</sup> Ukaeg dimpa, danab ah ameg nadi ag amu doon, ag dim lamidna gona, gumidna waeg, Jesus Nug ag udipig amunu gamag ahe, Nug Kayaknu do madodnu nai amelagpa mehuqaqa, ođe danab amu he ena daapig.

<sup>12</sup> Ded amu tueb, aam noono, nuhikud ipunitak awak danab tuelp ag Jesus gumidna dona apig. "Na ape, danab ah ag ab ab gona, danab laulagpa ele gona, ag e aon lawona niiglag. Adinu? Aben ig daatem imupa amu danab ag ii daateb," aon apig. <sup>13</sup> Aon apig amge Jesus Nug amelagpa aum. "Ag e madapeg laig!" awa aum. A amu ag apig. "Ig e kudum iitä. Bret kunum tanig ele, kakai adit eleib daate. Am na oot atem daate? Iggota, danab ah ameg imu oh dilag e daden mekunigte?" aon apig. <sup>14</sup> Danab ag ele apa daapig amu 5000 anam. Ag anam aeg amu Jesus Nug nuhikud ipunitak awak danab tuelp amelagpa aum. "Ag danab ah hepege, ameg laipu laipu eb qak anen anen pipti keeke, anam dayeg!" awa aum. <sup>15</sup> Amu Jesus aum bia ipunitak awak danab ag anam heegeg, danab ah ag daapig. <sup>16</sup> Daaegeg, Jesus Nug bret tanig ele, kakai adit amu ele diia ada, hab atan neekaka unuqitom. Unuqitowa, pane ne, ipunitak awak danab ag aon panin, danab ah mataglagnu

maṭe, ag panieg ukom. <sup>17</sup> Ag oh e amu laeg, oolag diṭie, e big dayom amu ipunitak awak danab ag aona, kaled tuelp inaeg am beum.

### *PETRUS NUG JESUS AM KRISTUS MIAG ATIA AUM*

<sup>18</sup> Ded laa Jesus Nug nuča unuqitaṭa dayeye, nuhikud ipunitak awak danab ag gumidna ukaeg, nug od maṭa aum. “Danab ag dahilnu amu adi aṭeb?” awa aum? <sup>19</sup> A amu ag apig. “Laa ag nahipnu, ‘Layatāk Johanes,’ aṭeb amge laa ag, ‘Nug am Elias,’ aṭeb. Aria laa ag nahipnu, ‘Nug am Kayaknu propeṭ anučanu laa edua hibaitom,’ aon aṭeb,” apig. <sup>20</sup> Nuhig ipunitak awak danab ag anam aeg amu Jesus edua ag od matom. “Anam aaku amge ag aka amu dahilnu adi aon aṭeb?” awa aum. A amu Petrus nug aum. “Na amu Kristus, Kayak Nug na tituanitom. Kayak Nug na Israel ehanadkutnu aum!” awa aum. <sup>21</sup> Petrus nug anam a amu Jesus Nug ag danab laa amelagpa nai amu matimnanu do gagaṭag meum. <sup>22</sup> Jesus Nug anam anana, Nug nai amu tudita aum. “Danab Bekalag da, geha dimpa Juda iki danab, mana metak danab okai amu do mehuqak danab ele ag da di medan, guitak medan, iupeg mauhkul amge dimpa ded ewampa Kayak heeb, da eduen hipaidkul,” awa aum.

<sup>23</sup> Anam anana amu Nug nuhikud ipunitak awak danab oh amelagpa aum. “Laa nug da dim lamidkunu oo dayeb amu nug nuhig dab mak dim lamidkunu dab ii mema, nug nuhig ad emaitak ded oh mawa, da dim lamidad! <sup>24</sup> Aria danab laa nug wanpanu bau daačunu dab mak anuqak aote amu nug baukel hanhannu ii aoma amge laa nug

dahilnu anuqak doot<sub>e</sub>, nug wanpan bau dayak amunu anuqak ii doot<sub>e</sub> amu, nug am bauklel hanhannu aoku. <sup>25</sup> Danab nug wanpanu keeke oh aot<sub>e</sub> amge nug bau dayak hanhannu ii aot<sub>e</sub> amu keeke amu nug a<sub>t</sub>em ehanid<sub>k</sub>u? Kayak Nug danab amu di medak<sub>u</sub> amu nuhig keeke am a<sub>t</sub>em ehanid<sub>k</sub>u? <sup>26</sup> Amu danab nug dahilnu am dahil nainu ele uda neeb amu dimpa da dahil gagatag, Kayaknu gagatag amu nuhikud engel dilag gagatag elepa edue udikul, haen amupa danab amunu da ele udal neku,” awa aum. <sup>27</sup> Jesus Nug anam anana, Nug nai baula tudita aum. “Da genab atem, danab laala gemu ipa hipaidna daat<sub>e</sub>b ele amu, ag paha ii mauhmana. Iita. Tatam ag Kayaknu do maqd<sub>o</sub>d amu dig ma beeb anidna, mauhkulag,” awa aum.

### *JESUS BEDU EDUOM*

<sup>28</sup> Amu Jesus Nug nai amu matie, dimpa ded eblaih ewam keeke anam uue amu Jesus Nug unuqidkunu, Petrus, Johanes amu Jakobus ele omalate, qaukopa tepig. <sup>29</sup> Tena unuqitata dayeye amu Nug idu eduom. Nuhig lamen amu edua, hakabnab ditiag apinak bia dayom. <sup>30</sup> Jesus Nug anam dayeye, danab adit laa, Moses Elias ele, a tulai doeh, Nug ele nai madipig. <sup>31</sup> Danab adit a Kayaknu amahlak ele beeh, Jesus Nug Jerusalem apa Kayak udat metom amu hewowa, wan imu uua go<sub>k</sub>u amunu nai madipig. <sup>32</sup> Jesus Nug Moses Elias ele nai matiegeg am Petrus nug laikud ele ag amelag ug mete, niiglagnu hepig amge ag niin autna ii aopig. Iita. Ag anam daaeg uke, amelag edua obate, ag Jesus binag okai ele, amu danab adit a Jesus ele hipaidna daaegeg, am anadpig.

<sup>33</sup> Moses Elias ele a Jesus uuiteheh, Petrus nug Jesus amegpa aum. “Ipunitak danab, ig aben imupa daagnignu am enanag amunu na ape, ig peh ewam buugnig, nahip laipu, Mosesnu laipu, Eliasnu laipu ele,” awa aum. Petrus nug nai amu diig tutuku ii doyaya, nug nai aum.

<sup>34</sup> Petrus nug anam aawo amu lombig laa tonate, ag badapig. <sup>35</sup> Badaegeg, lombig oopanu baag laa inam a doopig. “Imu am nid dahil, da nuhignu ool huanak mauhte. Ag nuhig nai doyeg!” awa aum. <sup>36</sup> Baag anam a doyona amu ag Jesus nuka dayeye anidna, ag aka aka dab mepig. Ag keeke anidpig amu ag amunu danab laala amelagpa haen amupa ii apig.

### *JESUS NID LAA BEDUPANU OUDI NAU LAMITOM*

<sup>37</sup> Amu ded amu uue, wagde ded amupa ag quakopanu noeg, danab ah ameg nadi ag udin Jesus uda tepig. <sup>38</sup> Amu danab ah ameg nadi amu oolagpa danab laa nug ewa aum. “Ipunitak danab, da na unuqidtem. Dahil nid imu ante, da nid dahil laipu iikuib, <sup>39</sup> amu oudi nau laa nug haen kudumnab adede, ehed eewo, oudi nau nug he, huana hahadede, hipadu neene, oudi nau nug he, bedu nauha auta awe amu paha ii uuide. <sup>40</sup> Am da nahipad ipunitak awak danab ag oudi nau lamidkulagnu unuqadmi amge ag elele iita!” awa aum. <sup>41</sup> Anam a amu Jesus odepa awa aum. “Ag oolagpa genab doyak iita. Ag nai genab amu kobol tutuku ele ii heteb. Da ag ele haen elab daamat amge ag dahilnu oolagpa genab ii dooteb amunu da ool ug ele. Ag haen ganeb ag dahilnu

oolagpa genab dooglag? Na nid nahip omalna do!” awa aum. <sup>42</sup> Nug anam a amu nug nid amu awa, Jesus topa dodo, oudi nau am nid budie, na qa, wanpa hahadom. Nug anam heum amge Jesus Nug oudi nau amegpa, “Na uke!” awa a, nid ena daye, awa edua, mameg metom. <sup>43</sup> Jesus Nug anam he, danab ah ag Kayaknu gagatag anidna amu ag otaipig. Ag keeke oh heum amunu dab mak kuđum aoegeg, Jesus Nug nuhikud ipunitak awak danab amelagpa aum. <sup>44</sup> “Ag nai imu daulagpa tutukunab doyeg! Dimpa haen elab iita, laa ag Danab Bekalag da, ag da awidna, danab epelagpa mekulag,” awa aum. <sup>45</sup> Nug anam aum amge ag nai amu ii doopig, nai amunu diig am ag oolagpa lođumak dayom amunu ag tutuku ii doopig. Ag ii doopig amge ag nai amunu Jesus od metaglagnu badapig.

### *KAYAKNU Do MADOD OOPA AMU AUN NUG AMOKAI*

<sup>46</sup> Am haen laa ipunitak awak danab ag oolagpa aun nug okai daate, dab mak amu be, ag amunu aeg ona aeg doum. <sup>47</sup> Amu Jesus Nug dab mak amu ag oolagpa dayeye doyom amunu Nug nid nakok laa awa do, Nug guguita heqo laih me, hipaidya daaiya, <sup>48</sup> Nug ag amelagpa aum. “Danab nug da onilnu nid nakok imu oo mete humidte amu nug da oo meda, humidte. Danab nug da oo meda humidte amu nug Laa, Nug he da udimi ele amu, Nug oo mete humidte. Ag oh oolagpanu danab nug nakoknab daate amu nug amu anuqak,” awa aum.

<sup>49</sup> Jesus Nug anam a amu Johanes nug aum. “Ipunitak danab, ig danab laa nug am na oninpa oudi nau lamađe anidmut amge nug am ig dim

lamike ii oitem amunu ig nug oudi nau lamadmanu do memut,” awa aum. <sup>50</sup> Nug anam aum amge Jesus Nug amegpa aum. “Aun nug am ahilag keked iita, nug am ag lailag amunu ag nuhig udat amu aib okulpig,” awa aum.

### ***SAMARIA DANAB LAA AG JESUS AWAK UUPIG***

<sup>51</sup> Amu Jesus Nug edua Mameg topa gokunu haen miag do doyaya, Nug Jerusalem gokunu dab mak gagatag awom. <sup>52</sup> Dab mak amu awom amunu Nug danab laala he, ag nai aon, anuqna gona, ag Samaria dilag ab laapa tena, apa ag nuhig keeke bapaidkulagnu hepig. <sup>53</sup> Amge danab ab amupanu ag Jesus Nug ag laulagpa daakunu amu uupig. Adinu? Ag doopig, Nug Jerusalem tekunu gagatag dab meum. <sup>54</sup> Ag anam heeg, ipuniak awak danab adit, Jakobus Johanes ele, a anam anidya a apid. “Nadi, i apud hab atannu ab adu na, danab amu ewadkunu oot daate?” aoya apid. <sup>55</sup> Anam apid amge Jesus Nug edua, a daulah batom. <sup>56</sup> Daulah bate amu ag ahan, ab laapa gopig.

### ***DANAB NUG JESUS DIM LAMIDKUNU NAI***

<sup>57</sup> Ag gona ibpa ukaegeg, danab laa Jesus amegpa aum. “Na adep adep gokut amu da na dim lamidkul,” awa aum. <sup>58</sup> Anam a amu Jesus Nug amegpa aum. “Dod laa onig poks, biun bia, ag wan odep a niiaknu aben ele, ai ag ele ted ele amge Danab Bekalag da amu da niiaknu aben laa iita,” awa aum. <sup>59</sup> Anam anana, Nug danab laa amegpa aum. “Na dona, da dim lamide,” awa aum amge danab amu nug aum. “Nadi na ape, da tatam ukem, mama boomoya, da eduen na dim

lamidkul,” awa aum. <sup>60</sup> Anam a amu Jesus Nug odep̄a awa aum. “Uupe! Mauhak adi, ag dahil udat haknu dab ii meteb ele amu, ag mauhak lailkad boomadkulag amge na gona, Kayaknu do madodnu nai mehuqe!” awa aum. <sup>61</sup> Anam a amu danab laa nug aum. “O Nadi, da na dim lamidkul amge na ape, da tatam gopi, baeladpa ele sigan mewota, da eduen dim lamidkul,” awa aum. <sup>62</sup> Nug anam aum amge Jesus Nug amegpa aum. “Aun nug dahilnu oo adit ele amu nug Kayaknu do madod oopa daakunu ele iiṭa.”

## 10

### *JESUS DANAB 72 MISIN UDATNU MAATE GOPIG*

<sup>1</sup> Amu dimpa Nadi Nug danab 72 laa, ag adit adit anuqna, ab okai nakok ele ohpa, Nug gokunu dab meum ele, amupa gopeg, dimpa Nug nuka ele amupa dim lamaṭa gokunu otiaṭom. <sup>2</sup> Nug otiaṭa, Nug amelagpa aum. “Danab ah kuḍumnab ag dahilnu oolagpa genab ii dooṭeb amu, ag am datanu e bia. E amu oh odua malom amge udat danab kuḍum iiṭa amunu ag dad Mameg unuqidpeg, nug udat danab baula maateb gona, e meu akan qagmekulag,” awa aum. <sup>3</sup> Nug anam anana amu Nug nai baula tudita aum. “Ag aakude uk̄eg! Da ag maati, ag sipsip naṭud wolp oolagpa goteb bia goteb. <sup>4</sup> Ag men dodo inaknu hogot amu batam, baelag gaḍa ele amu aib aopig. Ag gonana, dab mak laa aona, udat imu aib uupig.

<sup>5</sup> Amu ag lag laa oopa nona aria ag tatam inam akulag. ‘Danab ah lag imupanu ag oolag madod ele daaglagnu oonig daaṭe,’ aon aig! <sup>6</sup> Amu danab

laa oo mađod ele lag amupa dayeb amu aria nug nai amu doya gamag ahebeb awa humadku. Amge danab laa nug anam ele iitä amu aria nug nai amu doya ii humadma. <sup>7</sup> Ag lag laipu humadpig ele, amupaib daanna, lanaknu keeke, e le ele madapeg laig! Adinu? Uđat danab nug nuhig uđatnu, nob aakü aote. Ag lag laala ohpa aib daapig. <sup>8</sup> Am ag gona, ab okai laapa nopeg, ag diiadna, laulagpa gona, e panin madapeg amu ag laig! <sup>9</sup> Ab amupan ođe danab amu ag hepeг, ena daapeg, ag amelagpa, ‘Kayaknu do mađod ahilagpa miag doum,’ aon aig! <sup>10</sup> Amge ag gona, ab okai laapa nopeg, apanu danab ag diiadna laulagpa ii gopeг amu ag gona, ab okai amunu ibpa daanna <sup>11</sup> ag inam aon aeg! ‘Ahilag abnu gapud, ig baenigpa teum daađe amu, ag ehed hepig amu ipuanadkunignu, ig gapud amu iikü opiut nete amge ag imu dab mena autna aweg! Kayaknu do mađod miag doum!’ aon aig! <sup>12</sup> Anam aakü amu da ag amelagpa atem. Wan haen maleb, ab amu nug Sodom nob awom amu editak aokü,” awa aum.

<sup>13</sup> “O gadon Korasin, o gadon Betsaida ele! Da ahilah danab oolagpa oyeye, kobol diigdiig danab hekunu elele iitä hemi amu danab laa nug Taia Saidon ele, danab apa daateb ag am iitä ađi danab amu, nug danab amu ahilagpa kobol amubia helo amu Taia Saidon ele dilah danab ag anukanab lamen nau hedıag ele tađan, uhudpa daanna, ag oolag edulo. <sup>14</sup> Amunu da ag amelagpa atem, epediak haenpa amu Taia Saidon ele dilah danab ah, ag ug aoglag amge ag danab ah ag Korasin Betsaida ele daađeb amu, ag amu dilag ug editak,

ug okainab aoglag. <sup>15</sup> Amu Kapenaum na onin okai, laa oh edat k, aokut-te? Ii t ! Geha na padal me ut,” awa aum. <sup>16</sup> Jesus Nug anam anana, Nug ipunit k awak danab amelagpa aum. “Danab nug ahilag nai doo e amu nug dahil nai doo e. Am danab nug ag di medate amu nug da di medate. Danab nug da di medate, nug laa Nug he, da u imi ele amu Nug di medte,” awa aum.

<sup>17</sup> Dimp  danab 72 ag gamalag huan ahehe, edun u in apig. “Na i, ig na onin diiutut, ou i nau ag ihinig nai dim lamidpig,” aon apig. <sup>18</sup> Anam aeg am Jesus Nug ag amelagpa aum. “Da Satan nug amem  bia hab at nnu na qeeqe anidmi. <sup>19</sup> Amu doyeg! Da ag gaga g mat ai, ag mat, apiap ele tapadna, kekednu gagat g amu oh edadkulagnu elele daateb. Keeke laipu laa heeb, ag ii nauhmana. <sup>20</sup> Amge ou i nau ag nai ahilag dim lamidteb, amunu ag oolag aib gamag ahom! Ii t . Kayak Nug ag onilag hab atan yom amunu ag gamalag ahad!” awa aum.

<sup>21</sup> Haen amupa Kayak Oudi Nug he, Jesus oo gamag ahe, Nug aum. “O Mame, na hab wan ele dilah Okai daat m amu, na danab dab mak ele, doyak danab ele, na amu dilagpa keeke imu lokumna, nid naunau ipuanadme amunu da na onin humat m. Yo Mame, na nahip dab mak pa amu nahip doyak pa ele heme,” awa aum. <sup>22</sup> Jesus Nug anam anana amu Nug nai baula tud a aum. “Da Mamel Nug keeke oh da epelpa meum. Amu danab laipu laa nug Kayak Bek a ii doo e, Kayak Nug nu kaib doo e. Am danab laipu laa nug da Mamel ele ii doo e. Nug Bek a daib Nug doot m amu danab, da ag da Mamel ipuanad m ele, ag

da Mamel dooteb,” awa aum. <sup>23</sup> Aria Jesus Nug nai amu oh matia mala, Nug edua, ipunitak awak danab aakuib amelagpa aum. “Ag enanag daateeb. Ag ititak aopig daateeb. Adinu? Ag da amu dahil hak amu dahil nai ele iiku anidteb. <sup>24</sup> Da ag amelagpa atem. Anuka propet kudum, king ele ag keeke gemu ag anidteb amu anidkulagnu oolag dayom amge ag ii anidpig. Amu nai gemu ag dooteb amu ag dooglagnu oolag dayom amge ag ii doopig,” awa aum.

### *SAMARIA TED NUG JUDA DANAB LAANU OO DOYOMNU NAI*

<sup>25</sup> Aria ded laa do doyak danab laipu laa aha, nug Jesus ehed ab anidkunu od ma aum. “Ipunitak danab, da atem hein baukkel hanhan ena dayaknu aokul?” awa aum. <sup>26</sup> Anam a amu Jesus Nug amegpa aum. “Dopa, nai yak amunu adi daate? Na apa adi eb qetem?” awa aum. <sup>27</sup> Jesus anam a, Nug odepa awa aum. “Nadi Nug am Kayak nahip amunu na nuhignu oot mauhad! Na ootpa, na oudinpa, nahip gagatag ohpa amu nahip dab mak ohpa ele anam he! Amu laa amu na naka nahipnu oot mauhte, amubia nahip mudipanu dilag ele oot mauhad!” awa aum. <sup>28</sup> Awa a amu Jesus Nug amegpa aum. “Na tutuku ame, na anam henana, na baukkel hanhannu aokut,” awa aum. <sup>29</sup> Nug anam aum amge do doyak danab nug nuka onig ena daakunu ha, nug Jesus od meta aum. “Am dahil mudipan danab am aun?” awa aum. <sup>30</sup> Awa a aria Jesus Nug odepa awa aum. “Danab laa Jerusalemnu aha, nug Jeriko gokunu noum. Noono, yab danab ag

nug ibpa anidna, ag nuhig keeke amu oh adidna, ag nug ehed makudpig. Ag makudeg, ibpa anam mauhkunu ha niieye, ag gopig. <sup>31</sup> Haen amupa Juda dilag mana metak danab laa nug ele gokunu ib amu noum. Am nug danab amu andata, nug qe edita, ib daug aida, wana ukom. <sup>32</sup> Ugeke, Lewi budupanu laa ele nug ib amuib dim lamiya uka, nug danab amu andata, qe edita, ib daug aida, wana ukom. <sup>33</sup> Amge Samaria danab laa, Samaria Israel ele ag layam ena iita amu, nug ib amupa udia, danab amu gumiya doa, danab amu anta, nug oo doyom. <sup>34</sup> Nug oo doye, gumiya wana, nug goden wain ele awa gokade, danab amu ihiudpano, item. Itowa nug danab amu huma awa, nuhig donki atan ma, awa uka, do lag amupa ma nug gumom. <sup>35</sup> Gume uke, ded amu uue, wagde, ded amupa nug men dodo ded aditnu udatnu nob, 10 kina bia awa, do lag mameg amu medata, amegpa aum. “Na men dodo imupa danab imu dab metan autna awe! Na danab imu ehanidpe, men dodo imu iita meeb, nug ena daakunu, na keeke laa men dodo nahipa daden mekut dayeb amu aria dimpa da edue udien amu nob na medakul,” awa aum. <sup>36</sup> Jesus Nug anam awowa, Nug edua danab tatam nug amunu od metom ele amu, nug od met aum. “Nahip dab mak amu atem daate? Danab ewam amu oolagpa aun nug danab yab danab makudpig ele amu, nuhig mudipan bia heum?” awa od metom. <sup>37</sup> Anam a amu donu doyak danab nug aum. “Danab nug oo gai iita doya ehanitom ele, amu,” awa aum. A amu Jesus Nug amegpa aum. “Na gona amu na ele anam he!” awa aum.

### *MATA MARIA ELE DILAH NAI*

<sup>38</sup> Jesus Nug nuhikud ipunitak awak danab ele ag gonana amu Nug ab nakok laapa no, ah laa onig Mata, nug omalata, laugpa ukom. <sup>39</sup> Mata nug małeg amu onig Maria. Jesus Nug laka te amu Maria nug Nadi gumiła doa, baegpa hedep na dayaya, Jesus nai matiom ele amu, nug doyom. <sup>40</sup> Amge Mata nug e hak udatib ha, hik qe, dab mak nuhig ib pide pide dayom amunu Mata nug Jesus gumita wana aum. “Nadi, da makel nug da ii ehanidte, da dakaiib e hak udat hetem. Na amunu dab iite metem? Na amegpa ape doa, da ehanidad!” awa aum. <sup>41</sup> Amge Nadi Nug odep̄a awa aum. “Mata, Mata, na dab mak kudum ootpa dayeye, na keke kuđumnu otaitem <sup>42</sup> amge keke laipuib am okai daate am Maria nug keke ena amu tituanom. Keeke ena nuhig amu ig adidta ii aomta,” awa aum.

## 11

### *UNUQITAKNU KOBOL*

<sup>1</sup> Haen laa Jesus Nug aben laapa unuqitata dayom. Unuqita male, dimpa nuhig ipunitak awak danab laa amegpa aum. “Nadi, Layatāk Johanes nug anuka nuhikud ipunitak awak danab ipuanatōm bia, na ig unuqidkunignu ipuniķe!” awa aum. <sup>2</sup> A amu Jesus amelagpa aum. “Ag unuqidna amu inam aig! Mame, na hepe, danab oh ag na onin, nug onilag laa oh edadte doon, atannab human dab menan oiyeg! Na hepe, do madod nahip wan imupa dayad! <sup>3</sup> Ig e megtēm ele amu gemunu ele meke! <sup>4</sup> Laa hipunin megtēb, ig uhuqta madatēm amubia na hipunin ihinig

uhuqna meke! Na ipun ena, ig nau hekunignu eedak iitapa omaigpe gotu!"

<sup>5-6</sup> Jesus Nug anam anana amu Nug baula ipunitak awak danab amelagpa aum. "Ag oolagpanu laa nug tuqan tugmag uka, layag amegpa, 'Lai, da layal laa oiya oiya udia, da gumida be, da e laa nug medakulnu amu iita amunu na bret kunum ewam mede!' awa aku dayeb <sup>7</sup> amu nug layag, nug lag oopa daate amu, nug odep aawa, inam akutai. 'Na da udat aib medame. Od manak, nid naunau dahilad da ele abenpa niitem. Da ahe na keeke medakulnu amu elele iita,' awa aku. <sup>8</sup> Anam aaku amu da ag amelagpa atem. Lag mameg nug danab amu layag, nug amu dab ma aha, keeke ii medakutai amge nug layag dimitim dayaya, tapada, ge iita eeb, bahi yeeb, nug aha, nug keeke oh iitanu aum amu medaku.

<sup>9</sup> Anam daaku amunu da ag amelagpa atem. Ag Kayak unuqidpeg, Nug ag keeke madaku. Ag keeke matina amu anidkulag. Ag od qeqalpeg, Kayak Nug ahilag od matulku. <sup>10</sup> Danab nug Kayak unuqidte amu nug aote. Danab nug keeke madite amu nug anidte. Danab nug od qeqalte amu Kayak Nug od matulte.

<sup>11</sup> Am ag oolagpanu danab laa beka nug mameg kakai laa medakunu od meteb amu mameg nug mat nau laa awa medakute? Iita! <sup>12</sup> Aria nid nug mameg matuk opa medakunu od meteb amu mameg nug apiap awa medakute? Iita! <sup>13</sup> Anam amunu ag danab nau ag keeke ena ag nid ahilkad madafeb amunu ig tutuk doognig, ig Mamenig, hab atan daate, Nug danab ag Nug unuqidpeg amu Nug nuhig Oudi ag madaku," awa aum.

***JESUS BELSEBUB ONIGPA UDAT HETE APIG***

**14** Aria haen laa Jesus Nug odetup danab laa, oudi nau laa nug he, danab amu nug odetup dayom amu, Jesus Nug danab amu anta, Nug oudi nau lamite uke, aria danab o de opate, nai matie, danab ah ag amu anidna, otaina, dab mak ku dum aopig.

**15** Amge danab laala ag apig. “Nug Belsebub, oudi nau ikilag ele amu, nuhig gagatagpa oudi nau lamadte,” aon apig. **16** Ag anam aeg amu danab laala ag Jesus adaglagnu ib anidkulagnu, ag henana, ag Nug hab atannu eponak keeke, danab haknu elele iita, amu laa heeb anidkulagnu apig **17** amge Nug ahilag dab mak oh doya, Nug ag amelagpa aum. “Amu wan laipupan danab ag ahan, opatna, ameg adit bena, nug qekulag amu wan amu nug elele iita, gagatag ii daama. Laa ele, ab iki laipupanu ag opatna, nug qekulag amu ab iki amu nug na qeku. **18** Amubia Satannu daup ag opatna, ameg adit bena, aka aka nug qeteb amu Satannu do amu atem ha gagatag daaku? Ag dahilnu ateb. ‘Nug oudi lamadte amu, Nug Belsebub gagatagpa hete,’ aon ateb. **19** Da genab Belsebub gagatagpa oudi nau lamadtem dayeb amu, ag Juda, ag bekalkad laala ag udat imu ele heteb amu, ag ele anamib amge amu oh iita amunu ag bekalkad, ag epediadpeg, ag Juda ag ehed hak ahilag miag atiku. **20** Amge Kayak Nug da ehanide, da oudi nau lamadtem dayeb amu ag doyeg, Kayaknu do madod aaku ahilagpa udiom,” awa aum.

**21** Jesus Nug anam anana amu Nug nai tudita aum. “Amu danab gagatag laa nug ban aeg ele keeke ada, nug laug guma gagatag dayeb amu

aria nuhig keeke oh amu ena daaku. <sup>22</sup> Amge danab gagaṭagnab laa, nug danab amu ediṭak, nug udieb, a nug qeya, aria nug keeke oh, ban qed elab ehanitom, amu adiṭa awa, nug keeke oh pania, danab laa madaku. <sup>23</sup> Danab nug da ele layam iṭa amu nug dahil keked. Danab laa nug da ele udat laipu ii hetep amu nug Satan ehanidte.

<sup>24</sup> Haen oudi nau laa nug danab laa uuidte amu nug uka, atu tadakpa nug aben laa anta, hik awa daakunu oite. Oiya oiya, nuhig dayaknu aben ena laa ii anidte dayeb amu nug ate. ‘Da eduen, anuka daampipa uken daakul,’ awa ate. <sup>25</sup> Anana amu nug uka, tatam dayom amupa ta, lag amu oo tatak, bala mak ele anta, <sup>26</sup> aaku nug edua uka, oudi nau eblaih adit laa ele, ag ahilag gagatag, kobil nau hekulagnu am nug ediṭak ele, nug amu diie, nug ele uditeb. Udin, ag lag amu oopa nona daateb. Noeg amu danab amu nug anuka nau dayom amu gemu nug naunab daate, awa aum.

<sup>27</sup> Jesus Nug nai amu matiom am haen amupa danab ah ameg nadi daaegeg, ag oolagpanu ah laa ewa aum. “Ah na menuita, nug na huh metom ele amu, nuhignu am ena,” awa aum. <sup>28</sup> Amge Jesus Nug aum. “Anam iṭa! Danab ag Kayak nai doon dim lamidteb ele amu, ahilagnu am ena,” awa aum.

#### *DANAB LAA AGE PONAK KEEKE ANIDKULAGNU APIG*

<sup>29</sup> Danab ah kuḍum ag udin qag meegeg, Jesus Nug ag amelagpa inam aum. “Danab ah haen gemu imunu ag danab ah nau. Ag eponak keeke danab hekunu elele iṭa laa anidkulagnu ateb amge da laa ii hepa. Propet Jona nuhigpa adi beum

aakuib ag ipuanadkul. <sup>30</sup> Jona nug Niniwe dilag eponak keeke dayom amubia amu da gemu imun danab ah dilag eponak keeke daakul. <sup>31</sup> Am dimpa haen Kayak Nug danab ah epediadku, haen amupa wan laapan ah okai, wan amuam yau uditepanu daate, nug aha, danab ah haen gemunu dilag ehed hak amu miag atiku. Adinu? Nug wan batakpanu amge nug Solomonnu doyak ena amu nug dookunu Solomon gumita udiom amge gemu laa Solomon editak am iiku daate. <sup>32</sup> Haen Kayak Nug danab ah epediadku amu Niniwe danab ah ag ahan, danab ah haen gemunu dilag ehed hak amu miag atiglag. Adinu? Niniwe danab ag Kayak nai Jona odepia doona, ag oolag eduom amge gemu laa Jona editak am iiku daate,” awa aum.

### *BEDUNU AMAHLAK*

<sup>33</sup> Jesus Nug nai amu anana amu Nug nai baula tudita aum. “Am danab ag lam amotna ii lokumteb. Ag lag hedkud, odee amupa ii inateb o tapid okai waapa ii meteb. Iita. Ag balal atan meeg, danab ag oopa nonana, amahlak anidteb. <sup>34</sup> Na amen amu na bedun laih laih oh amahlak madate. Na amen nug ena dayeb amu na bedun laih laih laa oh amu amahlak ele daaglag amge na amen am nau dayeb amu na bedun laih laih laa oh amu gatatu manak oopa daaglag. <sup>35</sup> Amunu na Kayak keekenu dab mekutnu elele iita daamnanu amu na dab me! <sup>36</sup> Am na bedun oh amahlak ele dayeb, na bedun laih laa gatatu iita amu aria na bedun laih oh ag amahlak ele. Amuam lamnu amahlak amahalidte amubia,” awa aum.

*JESUS NUG DANAB LAALANU GADONNAB AUM*

<sup>37</sup> Jesus Nug nai amu matia male, do gumak danab-Parasia laa nug laugpa e lakulagnu onigpa e, Jesus Nug uka, laka ta, Nug balalpa dayom. <sup>38</sup> Dayom amge do gumak danab-Parasia amu nug Jesus tatam ahilag do ate, kobol amupa Nug epegi ihowa e laum amu anta, Nug dab mak kudum awom. <sup>39</sup> Anam heum amge Jesus Nug amegpa aum. “Ag do gumak danab-Parasia ag tapid hai gokod ele bedu dimitim amuib ihateb. Amubia ag danab noolagpa ena bia oiteb amge ag oolagpa amu yab awak, ehed hak laa ohnu ele am am bak. <sup>40</sup> Ag am dab mak ena iita ele. Kayak keeke heum amu dimitimnuib ii heum, oopa ele heum <sup>41</sup> amunu ag danab dadek ehanadpeg, ii nauhpeg, ag oolag opia awak ele daaku.

<sup>42</sup> Amge o gadon do gumak danab-Parasia ag dab meig! Ag qanai, lombu am keh laa oh ag opateg, ameg eblaih tanig ele neeg, ag laipu Kayak medateb amge ag danab kobol tutukupa epediaknu kobol, Kayaknu oo mauhak kobol ele amu ag edatpig. Ag kobol amu anam henana, laala ele ii uuadlob amuib am tutuku. <sup>43</sup> O gadon do gumak danab-Parasia, ag dab meig! Ag nai doyak lag oopa danab ah noolagpa anuqak daaglagnu amu qag mak abenpa danab ah ag humadkulagnu amunuib heteb. <sup>44</sup> O gadon, ag dab meig! Ag amu matmat wan oopa lokumak dayeye, danab ii doonna, qadepa oiteb amubia daateb,” awa aum.

<sup>45</sup> Jesus Nug anam a amu donu doyak danab laa nug odepia awa aum. “Ipunitak danab, na nai

ame amu na nai gagaṭagpa ig ele yaaigṭem,” awa aum. <sup>46</sup> A amu Jesus Nug aum. “O gadon ag donu doyak danab, ag dab meig! Ag keeke ug ele danab ah qadelagpa meegeg, ag maoglagnu udat okai heṭeb amge ag aka amu ag epelag dodo laa ug amu maoglagnu nakok ii meeg ote.

<sup>47</sup> O gadon, ag dab meig! Ag alalkad amu anuka ag Kayaknu propet aqaeg mauhpig amge gemu ag ahilag matmat amu ag bala medṭeb. <sup>48</sup> Ag kobol amupa ag alalkad anuka hepig, ag amunu oolag ena dayeye, ag danab ipuanadṭeb. Ag alalkad ag Kayaknu propet aqaeg mauhpig. Ag gemu daaṭeb amu, ag alalkad bia, ag ele oolag ena iṭa amunu ag ahilag udat tuditna, matmat ahilag bala medṭeb. <sup>49</sup> Amu Kayak nuhig doyak enapa amunu Nug matu aum. ‘Da am dahil totol danab am propet ele maadpi, ahilagpa gopeg, ag danab amu laala lamadkulag amu ag laala aqapeg mauhkulag!’ awa aum. <sup>50</sup> Anuka ag Kayaknu propet aqaeg mauhegeg udie, gemu ele aqaeg mauhṭeb amu danab ah haen geha imunu ag hipunin amu ohnu ug anidkulag. <sup>51</sup> Amu dig mak Abel mauhe udie, Sakarias batak, ag nug qadab, lag gun ele gamagpa heeg mauhom ele amu, hipunin amu oh danab ah haen geha imunu ag qadelagpa daaku. Ao, da ag amelagpa aṭem. Hipuninnu nob nau amu oh danab ah haen gemu daaṭeb amu qadelagpa beku.

<sup>52</sup> O gadon, ag donu doyak danab, ag dab meig! Ag doyak awaknu ki amu maweg ukom. Od ag aka matulna ii nospig amu ag danab ah ag nokulagnu heṭeb ele amu, ag nomananu, ag ib oo nepig,” awa aum.

<sup>53</sup> Amu Jesus Nug lag amu uua noa, dimitim no, am do gumak danab-Parasia amu do mehuqak danab ele ag gakađak bia doonna, ag ib diigdiigpa Jesus ehed heeb anidna adaglagnu hepig. <sup>54</sup> Nug nai laa ab, ag Nug dimug mekulag amunu hepig.

## 12

### *KOBOL NAUNU DAB METAKNU NAI*

<sup>1</sup> Danab ah ameg tausen kuđum ag qag mena, qata etan am laala ag aka aka nug baeg tapan daaegeg amu Jesus Nug tatam nuhikud ipunitak awak danab amelagpa aum. “Ag do gumak danab-Parasia dilag hak amunu dab meig! Da ahilag ham bupuak kobolnu atem. <sup>2</sup> Amu keeke oh itak daate am geha tula miag beku. Lokumak nai ele geha danab ag dooglag. <sup>3</sup> Amunu nai oh ag gatatupa madipig am geha aam neeb, danab ah dooglag. Amu nai oh ag lag oopa otiptippa madipig amu geha lag atan hipaidna daanna mehuqpeg goku,” awa aum.

<sup>4</sup> Jesus Nug nai amu anana amu Nug nai tudita aum. “O lailad, da ag amelagpa imu atem. Ag laa ag bedulagib hepeg nauhkuunu elele daateb amu ag ahilagnu aib badadpig. Ag anam henana, ag keeke laa hekulagnu elele iita. <sup>5</sup> Amge aun ag badidkulagnu amu da ag ipuanadkul. Laa nug danab qeeb mauheb, budieb padal mak abenpa gokuunu gagatag ele amu, ag nuhignu badeg! Ao, da ag amelagpa atem, ag nuhignu badeg! <sup>6</sup> Danab ag ai naunau tanig ele toea aditpa daden meteb amge Kayak Nug ai nakok laipunu am daug ii atite. <sup>7</sup> Nug ag ikilag udug ele amu oh eb qeum amunu ag aib

badapig, ag ai naunau kudumnab amu ag edadpig amunu Kayak Nug ahilagnu daug ii atima.

<sup>8</sup> Am da ag amelagpa aṭem. Danab laa nug da onil danab ah amelagpa mehuqku amu geha Danab Bekalag da amu, da ele danab amu onig Kayaknu engel amelagpa mehuqkul. <sup>9</sup> Amge danab nug danab ah noolagpa da di medate am geha da ele Kayaknu engel noolagpa danab amu di medakul. <sup>10</sup> Am danab nug Danab Bekalag da, da onilnu hamu doya, qeeb nekunu heeb amu geha Kayak Nug hipunin amu uhuqa medaku. Amge danab nug Kayak Oudi dabita, awa awa qeteb amu Kayak nug hipunin amu uhuqa ii metama. <sup>11</sup> Amu laa ag ag diiadna, nai doyak laka o gabman noolagpa o epediak danab noolagpa keeke gopeg amu ag aib dab mak inam aopig. ‘Ig nai nob meta adi akunig?’ o iita, “Ig adi nai akunig?” <sup>12</sup> Adinu? Am aua amupaib geha Kayak Oudi Nug ag adi akulagnu amu ag ipuanateb, ag amelagpa matiglag,” awa aum.

### *ENUB DANABNU KAYA*

<sup>13</sup> Jesus Nug anam a amu danab laa danab ah ameg amu oolagpanu, nug amegpa aum. “Ipunitak danab, na da awal amegpa ape, nug i mamenihnu keeke amu otia laih da medad!” awa aum. <sup>14</sup> Amge Jesus Nug amegpa aum. “Amu atemun? Aun nug da a epediatkulnu meida amu ahilah keeke otikulnu ele meidom,” awa aum. <sup>15</sup> Anam anana, Nug amelagpa aum. “Ag dab mena, tutuku doyeg! Ag keeke kudum aoglagnu aib amelag qeum. Adinu? Danab nug keeke ohnu elelenab daate amu nug nuhig keekepa bau dayak ii aote,” awa aum. <sup>16</sup> Anana amu Jesus Nug keeke danab

ag dooteb ii dooteb ele ou aqata, ipuanat̄a, inam amelagpa aum. “Enub danab laa nug omepa e meu huanak ele ant̄a, <sup>17</sup> Nug oopa nuhig dab mak inam dayom. ‘Da e dahil huanak imunu at̄emtai hekul, da e dahil oh qag mekulnu amu e maknu lag elele iita,’ awa aum. <sup>18</sup> Aria nug anam anana, nug baula aum. ‘Da inam hekul. Da e maknu lag oh lopadena, e mak lag okai okai heina amu da wit qag mein, keeke ena dahil oh ele lag amupa qag mepi dayebeb, <sup>19</sup> da inam dab mekul. Da lagnu laa ii bahuhupa, dahil keeke ena ena daate, mad kudum daakunu elele. Aria da hik awe dayeye amu keeke oh lanakib lainne, gamag ahakpa daakul,’ awa aum. <sup>20</sup> Nug dab mak nuhigpa anam aum amge Kayak Nug amegpa aum. ‘Na kaaka danab! Na gemu tuqan imupa amu na mauhku. Amu na keeke oh bapaidme daate amu aun nug aoku,’ awa aum?” <sup>21</sup> Jesus Nug nai amu anana, Nug nai gog ta aum. “Danab ag keeke kudum ahilagnu qag meteb amge Kayak noobpa amu ag danab ena iita daat̄eb, ag am amubia anidkulag,” awa aum.

### *UG DOYA DAB MAK KUDUM AWAK KOBOLNU NAI*

<sup>22</sup> Aria Jesus Nug nuhikud ipunitak awak danab amelagpa aum. “Anam daate amunu da ag amelagpa at̄em, ag bedulag baukel lel dayaknu dab mena, ‘Ig adi lakunig,’ o iita bedulagnu, ‘Ig adi keeke aot, bedunig takidkunig?’ aib apig. <sup>23</sup> Bedu baukel lel dayak amu e lanakib iita, bedu nug lamen takaknuib ele iita. <sup>24</sup> Ag ai aakude anadna doyeg! Ag wit ii ebteb, e qag mekulagnu udat ele ii heteb. Ag epulag enulag ele mekulagnu lag laa iita amge

Kayak Nug e madate. Am danab ah ag ai iite edadteb? Yo, ag huana edadteb. <sup>25</sup> Am ag oolagpanu danab laa hik qeeb, wagai ma, nug nuhig haen nakok tuditeb, nuhig bau dayak haen elab daakunu elelete? Iita. <sup>26</sup> Ag keeke nakok laa anam hekulagnu elele iita amu aria adinu ag keeke laanu dab mak huana aoteb?

<sup>27</sup> Ag bala hadag onig lili umu anteg! Ag udat ii heteb, lamen ele ii heteb amge da ag amelagpa atem. Anuka Solomon nug bala nuhig oh meum amge nuhig bala ena, bala hadag amubia laa iita. <sup>28</sup> Ao ud nug data gemu hipaita daate amu buti ag okulna, ab adupa maopeg teku. Ud nug keeke hamu amge Kayak Nug bala medate amunu ag tutuku doyeg, Kayak Nug ag ele genabnab dab madaku. Ag oolagpa genab nakokib dooteb. <sup>29</sup> Amu ag adi lakulagnu hik aib aqom. Ag baalag qada eteb, ag adi lakulagnu amu ag amunu ele aib hik aqom. <sup>30</sup> Amu wan imupanu iita adi ag keeke amu oh aoglagnu wagai huan mena, keeke amu ohnu maditeb amge ag dahilad amu, ag Mamelag Nug ag keeke amu aoglagnu matu doyom. <sup>31</sup> Amge ag Kayaknu do madod amunu anuqak doopeg am geha Nug keeke amu oh ele ag madaku.

<sup>32</sup> O lailad, ag aib badapig. Da Mamel Nug nuhig do madod ag madakunu oo daate. <sup>33</sup> Ag ahilag keeke oh maadpeg, danab dadan mepeg, men dodo aona, dadek danab ehanadna mateg! Ag anam hekulag amu ag hogot, alag ma nauhkunu elele iita amu, ahilag en ele, nug ii iita mema, hab atan qag mekulag. Apa amu yab danab laa nug ii daama, gauat ele ag keeke laa ii hepeg nauhma.

<sup>34</sup> Am aben adekupa ahilag keeke ena ena daaṭe ele amu, ahilag dab mak ele am apaib daaku,” awa aum.

### BABAITAK DAYAKNU NAI

<sup>35</sup> Jesus Nug nai amu anana, Nug nai imu ele matiom. “Ag lamen maṭagid ele takan, lam amotna, udat hekulagnu bapaidna, <sup>36</sup> ag udat danab, ag ahilag danab okai, nug danab ah ele dilah nug awak hobulpanu edua udia, od qeqaleb, od paha matulkulagnu ameg men daaṭeb bia dayeg! <sup>37</sup> Am danab okai nug udia, nuhikud udat danab ag ii niipeg anadku aria udat danab amu, ahilagnu am ena. Da genab ag amelagpa atem. Geha danab okai nug nuka lamen tutu maṭagid ele taṭowa, nug ab, udat danab amu ag balalpa daapeg, nug nuka ag e madaku. <sup>38</sup> Amu nug tuqan tugmagtai udiku, iita matuk laipu gayebtai udia ag ii niipeg anadku, udat danab amu ahilagnu am ena. <sup>39</sup> Ag keeke imu tutuku anteg! Lag mameg nug yabhoi danab udikunu haen doolo amu yabhoi danab nug laug lopada nokunu am elele iita. <sup>40</sup> Amunu ag ele bapaidna dayeg! Adinu? Danab Bekalag da amu da haen laa ag ii dab mekulag ele, haen amupa udikul,” awa aum.

<sup>41</sup> Awa a aria Petrus nug aum. “Nadi, na keeke danab ag dooṭeb ii dooṭeb ele ou aqatna, ipunitak nai matime ele amu, na ihinignuib amete o iita na danab oh dilag amete?” awa aum. <sup>42</sup> A amu Nadi Nug aum. “Aun nug am udat gumak danab dab mak ena ele, nug nuhig udat tutuku dooṭe, nuhig danab okai nug udat nid nuhikud amu gumaṭata, haenpa e madakunu elele daaṭe anta, nug amu hekunu meum amu, da nuhignu madiṭem. <sup>43</sup> Udat

danab nug anam dayebeb, dimpa nuhig danab okai nug edua udia, danab amu nug danab okai nuhig anuka amegpa aumbia he te anidku amu nuhignu am ena. <sup>44</sup> Da genab ag amelagpa atem. Danab okai nug udat danab amu, nuhig keeke ohnu ikilag meeb daaku. <sup>45-46</sup> Amge udat danab amu nug oopa, ‘Danab okai dahil nug paha ii udima,’ dab meku dayeb amu nug dig ma, udat nid laa, udat ah laa ele ag makudata, nug e lanana, le gagatag ele lana, kaaka qeeb amu nuhig danab okai nug haen ded ele, udat danab amu nug ii doyom, ii dab meum ele, amupa edua udiku. Udia amu danab okai nug udat danab amu ehednab hetowa, awa meeb, danab laala ag oolagpa genab ii dooteb ele amu, ag ele daaglag.

<sup>47</sup> Am udat nid nug nuhig danab okainu dab mak amu doyom amge nug dig ma ii babaita, nuhig danab okainu dab mak amu dim ii lamiom, geha danab okai nug huana makudku <sup>48</sup> amge udat danab nug nuhig danab okainu dab mak ii doyom amge nug bu aokunu kobol heum amu geha nuhig danab okai nug nakok makudku. Danab ag keeke kudum aopig amu ag edun keeke kudum nob mekulag. Am danab ah ag keeke kudum danab laa epegpa mekulag, geha ag nug keeke huanak edua nob madakunu onigpa ekulag,” awa aum.

### DANAB AG AMEG AMEG OPATKULAG

<sup>49</sup> Jesus Nug baula tudita aum. “Da hepi, hipuninnu gagatag wan imupa ita mekunu udimi. Nuhig gagatag aaku ita melo am ena <sup>50</sup> amge ug laa da maokulnunab daate amunu da ool ug ele daate. <sup>51</sup> Da udimi amunu wanpa madodib daaku amu ag

anam aib dab mepig. Da udimi amunu madodib ii daama. Iita, danab ag opatna, ameg ameg daaglag. <sup>52</sup> Am gemu, dimpa ele, geha lag laipupan tanig ele ag daanna, laa ag da dim lamidpepeg, laa ag iita amunu ag geha opatna, ameg adit daaglag. Ewam amu ameg laa daaglag, adit amu a ameg laa daaglah. <sup>53</sup> Am anamib mameg nug beka ele a madod ele ii daamya. Geha anig nug adeg ele a madod ele ii daamya. Amu anig nug geha beka wau ele a madod ele ii daamya,” awa aum.

### *KEEKE DIMPA BEKUNU DOYAKNU NAI*

<sup>54</sup> Jesus Nug danab ah ameglagpa ele anana aum. “Ag anidna dooteb. Lombig nug aam nodepa te te anidna, paha ag, ‘Gu nekunu he te,’ aon ateb amu genab gu nug nete. <sup>55</sup> Am yau udite amu ag, ‘Geha aam nug gakadku,’ ateb amu genab, anam aakku he te. <sup>56</sup> Ag ham bpuak danab, ag wanpanu keeke amu hab waapanu keeke ele tutukku dooteb amunu adinu ag dahil haknu tutukku ii dooteb? <sup>57</sup> Am adinu ag aka kobil amu tutukku ii dab mena, tutukku ele ii epeditib?

<sup>58</sup> Aria haen na nahip ehednu danab laa nug hetodiakpa meidkunu goyaya, ibpa a nai amu babaited! Iita amu nug na hetodiakpa meidkutai. Meiteb amu epediak danab nug na hetodiaknu daup laa epegpa meiteb amu daup amu nug na mani guitakpa meidku. <sup>59</sup> Meiteb amu da na amenpa atem. Na mani guitakpa daanna, nahip ehed hak nob ohnab edun medape, ag od matulpeg, dimitim dokut,” awa aum.

# 13

## *DANAB NUG OO II EDUEB AMU NUG PADAL MEKU*

<sup>1</sup> Haen amupanab amu danab laala ag daanna, Galelia danab laala ag mana metak heegeg, Pilatus he, aqaeg mauhpig amunu Jesus amegpa apig. <sup>2</sup> Amu aeg amu Jesus Nug amelagpa aum. “Ag ahilag dab makpa, ‘Galelia danab amu ag hipunin danab nau, Galelia laa oh edatak amunu aqapig,’ aon atebte? <sup>3</sup> Am da tutukunab ag amelagpa atem, amu iita. Amunu ag dab meig! Ag oolag ii edueb amu ag ele laa amu mauhpig bia mauhkulag. <sup>4</sup> Laa ele, danab 18, anuka Siloam apa lag elab na qa, aqe mauhpig amu ag ahilag dab makpa ag amu dilagnu amu ag, ‘Danab amu, ehed hak ahilag amu danab laala Jerusalem daatet ele amu, ahilag ehet hak oh edatak,’ aon atebte? <sup>5</sup> Am da tutuku ag amelagpa atem, amu iita. Amunu ag dab meig! Ag oolag ii edueb amu ag ele laa amu mauhpig bia mauhkulag,” awa aum.

<sup>6</sup> Jesus Nug nai baula tudita, keeke danab ag dooteb ii dooteb ele ou aqata, ipuanata, nai laa matia aum. “Danab laa nug nuhig wain dadpa ad pig laa epom, am dimpa nug udia meu anidkunu dab meum amge meu iita antom <sup>7</sup> amunu nug dadnu udat danab amegpa aum. ‘Doye, mad ewam uue iiku da ad pig meu anidkulnu udimi amge meu iita amunu na ope qiiad! Adinu nug wannu itag hamu late?’ awa aum? <sup>8</sup> Amu dadnu udat danab nug amegpa aum. ‘Danab okai, uupe! Mad imuib dayebeb, da diigpa wan buuen, wan itag nug diigpa mekul. <sup>9</sup> Anam hepi, mad laapa

geha nug meu okutai. Oku am ena amge nug meu ii oku aria na ope qiiku,’ awa aum.” Jesus Nug anam aum.

### *JESUS NUG AH LAA BABAITOM*

<sup>10</sup> Aria Juda dilag Metidpa Jesus Nug ahilag nai doyak lag oopa danab ah nai ipuanaṭete <sup>11</sup> amu ah laa apa dayom, nug bedupa oudi nau ele. Mađ 18 oudi nau nug bedupa dayaya, bedu ođe mete, nug gomelmel oiyom. <sup>12</sup> Jesus Nug ah amu anta, onigpa e do, amegpa aum. “Ah da ođe nahip amu uhuqtem,” awa aum. <sup>13</sup> Nug anam awowa, Nug epeg ah amu qađepa me amu pahanab nug tutuk hibaita, Kayak binag meum. <sup>14</sup> Amge Juda dilag nai doyak lagnu iki nug Jesus Juda dilag Metidpa Nug ah amu he ena dayom amunu opodi be, nug danab ah amelagpa aum. “Ded eblaih laipu ele amu udat haknu daateb amunu ag danab nug ođe ahilag heeb ena daaglagnu dayeb amu aria ag udat dedpaib udina, ehanitak amu aoglag. Amge Metidpa ag amunu aib udipig,” awa aum. <sup>15</sup> Anam a amu Nađi Nug edua aum. “Ag am ham bupuak danab. Juda dilag Metidpa amu ag oh dod laulagpa gođeb. Gona ahilkad bulmakau donki ele diin gona, le madateb. <sup>16</sup> Amu ah imu, nug amu Abraham ađeg laa, am Satan nug mađ 18 ođe mete ada dayom. Amu diig adinu da Juda dilag Metidpa da nug bedu ii uhuqkul? Am adinu amuam elele iita?” awa aum. <sup>17</sup> Nug anam a amu nuhikud keked ag udalag ehed neum amge danab ah laa oh ag nuhignu gamalag ahom. Adinu? Nug keeke oh ena heum.

***JESUS NUG MASTET AEGNU YISNU ELE AUM***

<sup>18</sup> Am Jesus Nug nai imu ipuanata aum. “Kayaknu do madod amu nug adi keeke bia daate? Da adi keeke laa ipuanadpi, ag Kayaknu do madodnu oolag maidku? <sup>19</sup> Nug am ad mastet aeg bete amubia. Danab laa nug ad mastet aeg amu awa, dad nuhigpa epe, dimpa nug ba, ad okai me, ai ag udin epegpa daateteb,” awa aum.

<sup>20</sup> Nug nai amu anana amu Nug edua aum. “Da adi keeke laa ipuanadpi, ag Kayaknu do madodnu oolag maidku? <sup>21</sup> Nug am yis bia, amu ah laa nug yis nakok awa, plaua ele kabolie dayeye, am dimpa plaua oh titidte,” awa aum.

<sup>22</sup> Anam anana amu Jesus Nug aha uka, ab okai nakok elepa oiyaya, danab ah nai ipuanata, Nug Jerusalem gokunu ukom. <sup>23</sup> Am danab laa nug Jesus od metom. “Nadi, dimpa Kayak Nug danab laipu laipuib edua diiadkute?” od metom. Od mete amu Jesus Nug amelagpa aum. <sup>24</sup> “Amu ag od ode nakokpa noaknu elele daaglagnu amu ebehilag qai etad! Da ag amelagpa atem, danab kudum ag od ode nakokpa nokulagnu hekulag amge ag elele iita. <sup>25</sup> Lag mameg nug aha, lag od maneb amu ag udina, dimitim daanna, od qeqalnana, inam akulag. ‘Nadi na od ihinignu matule,’ aon akulag. Amu geha nug ag amelagpa aku. ‘Da ag ii doyadtem, ag adepanu udipig?’ <sup>26</sup> Nug anam ab amu ag nug amegpa akulag. ‘Ig amu na ele e, le ele lamut. Na ig ipunigpa daanna, amenigpa ipunitak nai ele ame,’ aon akulag. <sup>27</sup> Ag anam akulag amge nug ag amelagpa aku. ‘Da ag ii doyadtem, ag adepanu udipig? Ag nauhak danab. Ag oh uuidna

ukeg!' <sup>28</sup> Amge ag oopa ii nɔpig ele amu, ag Abraham, Isak, Jakop amu propet oh ag Kayaknu ḋo madod oopa daapeg anadnana, ag am gedat̄ak dimitim daateb doonna amu ag gaanna, aelag ele kikidkulag.

### *IB ODE NAKOK*

<sup>29</sup> Amu geha danab ag laih laih ohnu udina, ag Kayaknu ḋo madod amu oopa nona daaglag.

<sup>30</sup> Ao danab laala gemu dim daateb amu geha ag anuqkulag amu danab laala gemu ag anuqak daateb amu geha ag dim daaglag," awa aum.

### *JESUS JERUSALEMNU GAYOM*

<sup>31</sup> Jesus Nug nai mat̄ieye, aam ameg amupanab Juda dilag ḋo mehuqak danab amu ḋo gumak danab-Parasia laala ele ag dona, nug amegpa apig. "Na ab imu uun, ahan laih uke! Herodes Antipas nug na niṭeb mauhkuṭnu hete," aon apig. <sup>32</sup> Am Jesus Nug amelagpa aum. "Ag gona, hipeq qakak danab amu amegpa inam apeg dooku. 'Doye, da gemu, buti ele am oudi nau lamaṭete, ode danab amu ele hepi, ena daapeg am ded ewampa amu da geha udat dahil gog tekul.' <sup>33</sup> Amge gemu, buti, laatu ele amu da oikul. Adinu? Ag amu propet danab laa ab laapa qepeg ii mauhma. Iita. Ag Jerusalem apa nug qepeg mauhku.

<sup>34</sup> O Jerusalem, O Jerusalem, na propet aqae mauhteb, udat danab amu Kayak nahippa maate uditeb ele amu na ag ele menpa aqae mauhteb. Da haen kuḍum da na begapad, matuk anig nug nakud haugpa qag maaṭa tonadte, amubia qag maadkulnu hemi amge ag uupig. <sup>35</sup> Amunu da ag oolagpa ii daapa, ag hamu daaglag. Da ag

amelagpa aṭem. Ag da baula paha ii anidmana. Iiṭa. Ag, ‘Danab umu Nug Kayak onigpa udite. Kayak Nug itidte,’ anana, ag da edun anidkulag,” awa aum.

## 14

### *JESUS NUG Do GUMAK DANAB-PARASIA LAUGPA UKOM*

<sup>1</sup> Am Juda dilag Metid laapa Jesus Nug do gumak danab-Parasia dilag iki laa laugpa e lakunu ukom. Uke amu do gumak danab-Parasia ag nug meidna daapig. <sup>2</sup> Amu danab laa nug leele agitak ele amu nug ele apa dayom. <sup>3</sup> Am Jesus Nug danab amu anta, nug donu doyak danab amu do gumak danab-Parasia ele od matia aum. “Dopa adi yak niite? Ig Metidpa danab ode ele bapaidkunignu am elelete o iitatem?” awa aum. <sup>4</sup> Nug anam aum amge ag Nug amegpa amunu nai laa ii madipig amunu Nug danab amu awa, ode nuhig amu babaitowa, he uke, <sup>5</sup> Nug ag amelagpa aum. “Ag oolagpanu danab laa nug nuhig nidtai o dod nuhigtai le modpa nob amu danab nug Metidpa paha eedeb iite bema?” awa aum. <sup>6</sup> Nug nai amu matia od matom amu ag nob mekulagnu nai laa ii anidpig.

<sup>7</sup> Aria Jesus Nug danab ag hobulpa udipig amu ag balalpa daaglagnu, ag balal anuqak tituanategeg anata, Nug keeke danab ag dooteb ii dooteb ele ou aqata, ipuanata, nai matiaya amelagpa aum. <sup>8</sup> “Am danab laa nug, nug awaknu hobul nadipa gokutnu na oninpa eeb amu na gona, na balal anuqakpa aib daame. Adinu? Danab nug hobul amu hete ele amu nug danab laa, binag okai ele, na

binan editak, nug ele onigpa eeb udikutai. <sup>9</sup> Anam dayeb amu a oh hobulpa udiped aria danab onilahpa eum ele nug doa, na balal anuqakpa daape anita amu nug na amenpa, ‘Na balal amu danab okai binag ele imu mete!’ aku. Anam ab am na geha udan ehed neebeb, na gona dimulagpanab daakut. <sup>10</sup> Amge danab laa nug hobul amupa gokutnu na oninpa eeb amu na gona, na laa dimulagpa daye! Na anam daape, danab oninpa eum ele nug geha amenpa, ‘Lai na uđin balal anuqak imupa daye!’ awa aku. Nug anam heeb amu na geha e lanakpa danab oh noolagpa am na binan ele daakut. <sup>11</sup> Am danab aun nug onig humate amu Kayak Nug heeb, danab amu nug onig neku amge danab aun nug onig qe nete amu Kayak Nug danab amu onig am humaku,” awa aum.

<sup>12</sup> Aria Jesus Nug ag amelagpa anam anana, Nug danab nug ele e lakulahnu onigpa eum ele amu, nug amegpa aum. “Am na hobul hekutnu oot dayeb, na laipad, na awanad amapad, na budunad, nahip mudipan, ag enulag kuđum ele amu, ag dimpa na ahilag hobulpa edun daakutnu oninpa emanantu, na amupa nob ena edun aomnanu, na ag onilagpa aib eme. <sup>13</sup> Iita. Na e nadî hewona aria na dadek danab, bedulag nauhak, baelkad nau, amelag gađuak ele amu onilagpa ekut. <sup>14</sup> Am danab amu, ag am nahip e amu nob metaglagnu elele iita, am na anam hepe amu Kayak na ititak medaku. Yo dimpa Kayak Nug amunu haen danab tutuđu ag edun hipaidkulag amu Nug na nob ena medaku,” awa aum.

### *HOBUL OKAINU NAI*

**15** Nug nai matia male, ag daapig ele amu ag oolagpanu danab laa nug nai amu doya, Jesus amegpa aum. “Danab nug geha Kayaknu do madod oopa e laku amu, nuhignu am ena,” awa aum. **16** Amge Jesus Nug amegpa aum. “Am danab laa nug hobul okai hekunu ha, nug danab kudum ag nuhig hobul okai amupa udin, e lakulagnu onilagpa eum. **17** Aria e lanak haen amu do amu danab amu nug begbeg nuhig nug uka, danab anuka udiglagnu ded maatom ele amu, nug ag amelagpa inam akunu aum. ‘Ag udieg! Keeke oh amu babaita malak.’ Nug anam amegpa a, nug uka anam aum. **18** Nug anam aum amge danab amu ag oh ahilag dab mak anen anen adaeg be matina, ag hobul amu anuqak iita doona uupig. Anam matin, danab laa nug amegpa aum. ‘Da amu dad laa daden memi amunu da uken anidkul. Gadon, hobulpa gokulnu am elele iita. Amu na okai nahip amunu amegpa ape doya, nug oo ug aib qeum,’ awa aum. **19** Am laa nug amegpa aum. ‘Da amu bulmakau udat haknu ebliah tanig ele daden maadmi amunu da uken udat mate anidkul. Gadon, da hobulpa gokulnu am elele iita amu na okai nahip amunu amegpa ape doya, nug oo ug aib qeum,’ awa aum. **20** Amu laa nug aum. ‘Ge da amu geha iiku ah aomi amunu da am gokulnu elele iita,’ awa aum. **21** Aria begbeg amu nug edua uka, nug nuhig danab okai amegpa ag apig amu matiom. Aaku lag mameg nug opodi be, nuhig begbeg amu amegpa aum. ‘Na paha gona, ab okai imunu ib okai ohpanu, ib nakok ohpanu ele dadak danab amu danab bedulag nauhatak ele, amelag gaduak, baelag nauhak ele amu, na amu oh omaladpe, ag

da laul oopa udieg!’ awa aum. <sup>22</sup> Nug anam a am dimpa begbeg nug nuhig okai amegpa aum. ‘Nadi, da na ame amu dim lamiten hein malami amge balal laa oh am ii beum,’ awa aum. <sup>23</sup> Anam a amu danab okai nug begbeg amegpa edua aum. ‘Na gona, ib okai ohpa, dad ohnu ad ele matan gonana amu na danab ah oh eedadpe udin, oopa noig! Da laul imu nug am bekunu da ool daate, <sup>24</sup> Am imu da na amenpa ele atem. Danab amu oh da ag anuka onilagpa emi ele amu, ag e dahil iinab aomna,’ awa aum.” Jesus Nug anam aum.

*DAB MAK TUTUKU AWA JESUS DIM  
LAMIDKUNU NAI*

<sup>25</sup> Aria dimpa danab ah ameg nad*i* ag Jesus dim lamiteg gonana, Nug edua ag amelagpa aum.

<sup>26</sup> “Am danab nug dahilpa udite amge nug am mameg, anig, am nuhig ah, bekod dilag am awag amag apinkud dilag, nug nuka nuhig bau dayak ele amunu anuqak doote ele, aria nug dahil ipunitak awak danab daakunu am elele iita. <sup>27</sup> Am danab nug nuka nuhig ad emaitak mawa, da dim ii lamidte, nug am dahil ipunitak awak danab daakunu am elele iita.

<sup>28</sup> Am ag oolagpanu danab laa nug lag elab laa heeb, atan tekunu ha am atemtai hek? Nug tatam dayaya, nug lag amunu nob amun dab ma tutuku dooku. Nuhig men dodo, lag amu ha malakunu am elelete o elele iitate amu dookunu anam heku. <sup>29</sup> Amu nug tatam anam ii hek amu aria dimpa nug lag amunu mawa daakunu keeke hewowa, lag malakunu amu elele iita dayeb, danab oh ag nug anidna, geha ag nug imidna, <sup>30</sup> inam akulag.

‘Danab umu nug am lag umu hekunu dig meum amge nug ha malaķunu elele iita,’ aon akulag.

<sup>31</sup> Amu anamib king laa nug king laa ele ban hekulag aria nug am tatam dayaya, dab mak tutuku aoku. Adinu? Nug am nuhig daup 10 tausenib, am king laa nug nuhig daup am 20 tausen amunu nug tatam dooku, nug am king laa amu ele ban hey, nug lamidkunu elele o elele iita. <sup>32</sup> Amu nug dab ma, nug elele iita anta amu aria haen nuhig keked amu nug uma dayebet amu, nug nuhikud danab laala heeb, ag gopeg, ag ban hepeg ii be-manu nai matiglag. <sup>33</sup> Amge amubia ag oolagpanu danab nug nuhig keke oh uuata ii di madate aria nug dahil ipunitak awak danab daakunu am nug elele iita,” awa aum. <sup>34</sup> Jesus Nug anam anana, Nug nai tudiita aum. “Yu kalu amuam keke ena amge yu kalu nug nuhig ubuhi amu iita meeb aria geha danab laa nug heeb, yu amu nug edua ena daakunu atem heku? <sup>35</sup> Am yu kalu anam amu danab ag wanpa o iita aben laapa udat metaglagnu elele iita. Ag hamu maopeg goku. Danab nug daug ele dayeb amu nug doyad!” awa aum.

## 15

### SIPSIP QETODOMNU NAI

<sup>1</sup> Amu takis awak danab, hipunin danab amu danab ag Juda dilag do oh ii dim lamidpig ele, ag Jesus gumidna udina, nuhig nai doopig. <sup>2</sup> Amunu do gumak danab-Parasia amu do mehuqak danab ele ag nai hena apig. “Danab amu Nug hipunin danab amu danab laa, ag ihinig do oh ii dim lamidteb ele amu, Nug ag ele layam batan, ag ele

oh e lateb,” aon apig <sup>3</sup> amunu Jesus Nug keeke danab ag dooteb ii dooteb ele ou aqata, ipuanata, imu amelagpa aum. <sup>4</sup> “Ag oolagpanu danab laa nug sipsip 100 ele amge nug nuhig sipsip laipu nug am padal meeble, aria geha sipsip mameg nug 99 laa amu uuateb, ag aben laapa e lanana daapeg, nug am uka sipsip laipu amu matia matia nug anidku. <sup>5</sup> Anta amu aria nug gamag ahebeb, huma awa, mawa goku. <sup>6</sup> Nug mawa uka, laugpa ta amu nug laikud am nuhig mudipan ele ag onilagpa eeb, ag udin qag mepeg amu nug amelagpa, ‘Da dahil sipsip laipu imu nug padal meum amge da nug matien eduen aomi amunu da ag ele ig oh gamanig ahaku,’ awa aku. <sup>7</sup> Amunu da ag amelagpa atem, amubia hab atan apa ag danab tutuku 99, amu dilag gamalag ahate, oo eduak udat ahilag am malom amge hipunin danab laipu laa nug oo edueb, haen amupa am gamag ahak nadinab hab atan daaku.

### *MEN DODO QETODOMNU NAI*

<sup>8</sup> Am laa ele inam. Ah laa nug amu silwa men dodo ten ele amge laipu laa qetodeb am geha nug lam amota, laugpa kinipan tateb ukeb, matia neeka auta awa haaha amu nug anta aoku. <sup>9</sup> Anta awa amu aria geha nug laikud am mudipan ele onilagpa eeb, ag udin qag mepeg, nug ag amelagpa, ‘Men dodo dahil laipu qetodom amge da matie eduen aomi amunu da ag ele ig oh gamanig ahaku,’ awa aku. <sup>10</sup> Amunu da ag amelagpa atem. Amubia am hipunin danab laipu laa nug oo edute amu Kayaknu engel ag gamalag ahate,’ awa aum.

### *NID BAU NUG MAMEG UUITA UKOMNU NAI*

<sup>11</sup> Jesus Nug anam awowa, Nug baula matiom. “Danab laa bekod adit. <sup>12</sup> Amu nid gehanu nug aha, mameg amegpa aum. ‘Mame, keeke oh na geha da awai ele i ihinlh aognihnu otikut amu otiak dahil aokulnu amu na gemu da mede!’ awa aum. Aria mamelah nug nuhig keeke oh bekod aoglahnu otia mate aopič.

<sup>13</sup> Nug a mate aoeh, haen elab iiṭa amu beka gehanu nug aha, keeke am oh aka, qag ma awa, ab laapa umanab ukom. Nug nuka apa wan amupa dayaya am nuhig men dodo amu enaen mak kobilpa oh ake ukom. <sup>14</sup> Amu nug nuhig keeke oh ake uka male, dimpa wan amupa enug haen nađi beum, ge nug keeke laa iiṭa. <sup>15</sup> Amunu nug uka, wan amupanu danab laa nuhig udat hekunu he, danab amu nug he, nid amu uka, danab amu nuhig bo gumatom. <sup>16</sup> Amu nug bo dilag e lakunu baag ukom amge danab laa nug lanak keeke laa nid amu ii metom.

<sup>17</sup> Aria nug qagaitak dayaya, nug nuka oopa be, dab ma, nug nuka nuka nai matia aum. ‘Da mameleu begbeg oh ag am e kudumnab ele amge da ipa daatem amu enug huanaknab niđe, mauhkulnu heđem. <sup>18</sup> Amu da atem heđul? Da gemu ahe edue, mame topa uken am da nug amegpa inam akul. ‘Mame da Kayak amegpa, na noompa ele hipunin hemi. <sup>19</sup> Am gemu na dahilnu, ‘Na am nid dahil,’ aon akutnu elele iiṭa amunu na hepe, da nahip begbeg laa bia daakul,” awe akul.’ Nug nuka nuhignu anam aum. <sup>20</sup> Aria nug anam anana, nug aha ukom amge nug uka, uma upa pide udieye, mameg nug anta, nuhignu oo huanak doye, qaibad uka, beka ada ootuqitom. <sup>21</sup> Ootuqite amu

be₋ka nug mameg amegpa aum. ‘Mame, da Kayak amegpa, na noompa ele hipunin hemi amunu na dahilnu, “Na am nid dahil,” aon akutnu elele iit, awa aum. <sup>22</sup> Nug dig ma anam aum amge nug mameg nug begbeg nuhi₋kud onilagpa e doeg amelagpa aum. ‘Lamen ena paha aon dona tagitona, enag laa aon dona, epeg dodopa adapeg nob, baeg gada ele aona, baegpa adapeg tad! <sup>23</sup> Amu makau nag itag ele laa aon dona qepeg, ig latata gamanig ahad! <sup>24</sup> Am adinu? Dahil nid imu nug mauhom amge nug edua bau daate. Nug padal meum amge ig nug edut aomut,’ awa aum. Amunu ag hobul laa hepig.

<sup>25</sup> Heegeg, nid tatamnu nug data dayaya, dimpa nug udia, nug lag guguita ba amu ag ahi etana, godana heegeg doya, nug dumutum baag ele doya, <sup>26</sup> nug begbeg laa onigpa e do, od metom. ‘Umu adi henana heṭeb?’ awa aum. <sup>27</sup> A amu begbeg nug amegpa aum. ‘Na amap nug edua udie, na mamen nug bulmakau nag itag ele qeum. Adinu? Nug nid edua awe, nug ena daate, ii padal meum,’ awa aum. <sup>28</sup> A amu nid tatamnu nug anam doya, opodi be, nug lag oopa noak uuom. Uue aria mameg aha dimitim doa, nug oo mekunu oo mak nai amegpa aum <sup>29</sup> amge nug edua mameg amegpa aum. ‘Da mad kudum nahip begbeg bia, nahip udat hemi. Ded laipu laa da na oden tapai ii neum amge na meme nag laipuib laa, da lailad ele gamag ahak hekunignu, ii medame. Amu iitanab. <sup>30</sup> Amge nid nahip amu, nug ib baag ah ele oinna, nahip keeke oh ake ukom ele amu, nug edua udie, na nuhignu oot doye, na makau nag itag ele aku qeme,’ awa

aum. <sup>31</sup> Aaku mameg nug beka amegpa aum. ‘Nagpi, haen oh i oh daatep amunu dahil keeke oh amu nahip <sup>32</sup> amge gemu amu ig gamag ahak dooput, ig oonig ele ena daakunu elele. Adinu? Na amap imu nug mauhom amge gemu nug am bau daate. Nug padal meum amge ig nug anidta aomut,’ awa aum.” Jesus Nug nai amu matiom.

## 16

### *UDAT GUMAK DANAB LAANU NAI*

<sup>1</sup> Aria Jesus Nug nuhikud ipunitak awak danab amelagpa matia aum. “Enub danab laa nug dayaya, nug udat danab laa nuhig keeke oh gumakunu tituane dayom. Am danab laa ag enub danab amu gumidna udin, udat gumak danab nuhig amu dimug mena inam apig. ‘Nahip udat gumak danab nug nahip keeke hamu kakidte,’ aon apig. <sup>2</sup> Anam aeg amu nug udat gumak danab nuhig onigpa e udie, amegpa aum. ‘Na keeke heme amu nai amu da doomi amunu na gona, dahil keeke oh na adatem amu udug laapa yaakut. Adinu? Na baula udat gumak danab daakutnu am elele iiṭa,’ awa aum. <sup>3</sup> Anam a amu udat gumak danab amu nug nuka nuka nai matia aum. ‘Da atemtai hekul? Danab okai nug am dahil gumaknu udat amu edua aote. Da wan opatkulnu amu da gagatag elele iiṭa, laa amu da danab laa unuqadpi, e medaglagnu amu da udal nete,’ awa aum. <sup>4</sup> Anam anana am nug baula dab makpa aum. ‘Okai dahil nug udat dahil edua aweb, da danab laala ag da ag laulagpa daakulnu akulagnu amu da inam hekul. Danab amu ag dahil okainu keeke nob edun metaglagnu aopig amu da ag ehanadpi, dimpa ag

da ehanid~~k~~kulag,’ awa aum. <sup>5</sup> Anam anana amu nug danab laipu laipu ag bedulagpa nuhig danab okainu keeke nobnu ele amu ag onilagpa e, gu-midna udipig. Aaku danab laa nug tatam be, udat gumak dañab nug od metom. ‘Na amu bedunpa dahil danab okainu keeke nobnu am gane ele?’ awa aum. <sup>6</sup> A am nug, ‘Tri tausen lita olip goden,’ awa aum. A am udat gumak danab nug amegpa aum. ‘Na keeke nobnu yak qati nahip iikude aon, na paha daanna, na amunu big laih wan tausen paip handatib ye!’ awa aum. <sup>7</sup> Nug anam he dimpa amu udat gumak danab nug danab laa od metom. ‘Nahip keeke nobnu amu gane?’ A am nug, ‘Wan tausen bek wit,’ awa aum. A amu nug amegpa aum. ‘Na keeke nobnu yak qati nahip iikude aona, na amunu big laih eit handatib ye!’ awa aum. <sup>8</sup> Gumak danab nug anam he, dimpa danab okai nug danab nau amu binag meum. Adinu? Nug am danab dab mak ele bia kobil heum. Wan imupan danab ag amu, ag ahilag udat hekulagnu elelenab, ag amupa amu ag danab amahlakpanu amu ag edadteb,” awa aum. <sup>9</sup> Jesus Nug anam anana, Nug baula aum. “Amunu da ag amelagpa atem. Ag wan imunu enub nau, men dodo, amupa ag hepeg, danab ah amu ag lailkad daaglag. Am dimpa men dodo iita meeblearia ag omaladpeg, ag hanhan ena daaglagnu laulagpa gokulag.

<sup>10</sup> Am danab laa nug keeke nakok amu ena elele dab metak doote aria geha nug keeke okai am ele ena elele dab medaku. Amu danab nug keeke nakokpa udat tutuku haknu am ii doote am geha

nug am keeke okaipa udat tutuku haknu am ii dooma. <sup>11</sup> Am anamib ag enub nau, men dodo, wan imunu ag amu ena dab metaknu ii dooteb am geha aun nug ag keeke genab gumaglagnu madaku. <sup>12</sup> Am ag danab laanu keeke amu ag atog ii nopeg am geha aun nug ag keeke aka ahilagnab atog nokulagnu amu ag madaku?

<sup>13</sup> Danab laipu nug gumak danab adit dilahnu udat hekunu elele iita. Am nug laanu oo mauhebeb, laanu amu nug oopa nau, ninig ele dooku. Doyaya, laaib amu nug dim lamita, laa amu di medaku. Amu ag Kayaknu udat amu enub udat ele oh hekulagnu elele iita,” awa aum.

<sup>14</sup> Amu do gumak danab-Parasia, ag am men dodonuib oolag dayom, amunu Jesus Nug nai amu oh matie doona amu ag ahan, nuhignu guhuditak nai madipig <sup>15</sup> amge Nug ag amelagpa aum. “Ag amu danab noolagpaib kobol miag atiak tutuku hekulagnu amunuib oolag daate amge Kayak Nug am ag oolag diig amu doote. Danab ag adi keekenu enanag dooteb ele amu Kayak noobpa keeke amuam hamuib.

<sup>16</sup> Do nai amu Kayaknu propet dilag nai ele, anuka danab ag amu mehuqegeg udie udie, Layatak Johanesnu haen batak amu Layatak Johanesnu haenpa udie, gemu ele amu ag Kayaknu do madodnu nai genab ena amu ag mehuqteb. Amu danab oh ag Kayaknu do madod amu oopa nokulagnu wagai meteb. <sup>17</sup> Geha dimpa hab wan ele amu iita mekulah amge Kayaknu do nai, nuhig hupu laipu laa amu iinab qetodma.

<sup>18</sup> Amu danab oh ag ahilkad ah am lamadna, ag ah bau laa diiteb amu ag gapai kobol heteb. Amu

danab nug ah laa nug gamu anuka uuite oiyeye aote, danab amu nug ele gapai kobol hete,” awa aum.

### *ENUB DANAB LASARUS ELE*

<sup>19</sup> Jesus Nug ele aum. “Anuka enub danab laa dayom am nug hanhan bedupa lamen kokod bala ena ena eleib metom. Am nug hanhan e ena enaib latom. <sup>20</sup> Amu nug laug od guguitak amu dadek danab laa hanhan meeg daatom. Nug onig amu Lasarus. Nug bedu ihiud nau am bak ele. <sup>21</sup> Nug am enub danab amu nug e labob, e hupu neeb amu awa lalonu dab ma daatom. Nug anam dayeye, qai ag dona, lemadulagpa nug ihi nau amu hoduegeg daatom.

<sup>22</sup> Am dimpa dadek danab amu nug mauhom. Mauhe am engel ag nug aon meeg, Abraham ele daapid. Daaeheh amu enub danab nug ele mauhe, ag nug boomeg, <sup>23</sup> nug uka, Hadespa guitak nadi ele dayom. Anam dayaya, nug neeke atan uke, Abraham umanab dayeye, Lasarus nug ele daae-heh anatom. <sup>24</sup> Anata amu enub danab nug ewa aum. ‘Mame Abraham, na dahilnu oot gai iita doon, na hepe, Lasarus nug udia, nug epeg hiqal nob nakok lepa ma, lemadulpa meeb, oug nakok mad! Adinu? Da ab gakadak imupa guitak naunab dootemde’ awa aum. <sup>25</sup> Awa a amu Abraham nug aum. ‘Nagpi, keeke laipu imu na dautpa doku. Anuka haen na bau daanna amu na keeke ena oh aome amu Lasarus nug am keeke oh nau awom. Amge gemu aben imupa nug am oo ena dayeye, ge na amu guitak nau dootem. <sup>26</sup> Amu keeke laa ele, ig ag ele oh gamagpa Kayak Nug bai nadi umanab noa ukak laipu meum daate

amunu danab ipa daaṭeb ele amu ag ahan, bai amu nona tena, ag daaṭebpa wakulagnu amu ag elele iita. Am danab apa daaṭeb ag ahan, bai amu nona bena, ig daaṭempa dokulagnu amu ag elele iiṭa,’ awa aum. <sup>27</sup> Anam a amu enub danab nug aum. ‘Mame, anam dayeb amu da na od medtem, na hepe, Lasarus nug da mamel laugpa uka, <sup>28</sup> da amalad tanig ele amu, ag ele aben guīṭak nadi imupa udimnanu, Lasarus nug dab mak awaknu nai ab, ag dooglag,’ awa aum. <sup>29</sup> Amge Abraham nug aum. ‘Ag amu Mosesnu nai am Kayaknu propet dilag nai ele, ag am nai amu doyeg!’ awa aum. <sup>30</sup> A am enub danab nug aum. ‘Iiṭa mame Abraham! Ag amu dooteb amge laipu mauhom ele, nug matmatpanu edua aha uka amelagpa ab, ag oolag eduku,’ awa aum. <sup>31</sup> Nug anam aum amge Abraham nug amegpa aum. ‘Ag Mosesnu nai amu Kayaknu propet dilag nai ele doona ii dim lamidpeg amu aria laipu laa nug mauhom, matmatpanu aha uka amelagpa ab amu, ag amu ele geha ag oolagpa amunu genab ii doomna,’ awa aum.” Jesus Nug nai amu matiom.

## 17

### *KOBOL NAU DANABNU OOPA GENAB DOYAK HE NAUHTE*

<sup>1</sup> Amu Jesus Nug nuhikud ipunitak awak danab amelagpa aum. “Am keeke diigdiig kudum bena hepeg, danab ah ag hipuninpa nena qekulag amge danab nug heeb, danab laala ag nena qekulag amu nuhignu gadonnab. <sup>2</sup> Amu laa nug heeb, nid naunau imunu laipu laa nug hipuninpa na

qeeb amu danab he na qeum ele, ag nug ii heum haenpa ag baagpa men okai laa qa<sup>kan</sup>, budipeg, yupa nolo am nakok nau amge nug dayaya heeb, nid laa hipuninpa na qelo amuam naunab nau.

<sup>3</sup> Am ag aka ahilagnu ele dab meig! Amu ag awalag o amalag laa nug hipunin heeb amu na nug daug bate! Amu nug oo edueb amu na nuhig hipunin uhuqna mete! <sup>4</sup> Amu nug nahippa ded laipu hipunin heeb, uka eblaih adit teeb, haen eblaih adit nug edua na gumi<sup>ta</sup> udia, ‘Gadon da ehed hemi,’ awa ab amu na nuhig hipunin amu uhuqna mete!” awa aum.

<sup>5</sup> A amu ipunitak awak danab ag Nadi amegpa apig. “Na hepe, ig ihinig oopa genab doyak amu okainab mad!” aon apig. <sup>6</sup> Aeg amu Nadi Nug aum. “Ag ahilag oopa genab doyak amu mastet aeg bia anam dayeb am geha ag ad onig Mulber imu, nuhignu, ‘Na didin ele oh kakedinna, gona yupa be!’ akulag amu nug geha ahilag nai am dim lamidku. <sup>7</sup> Amu ag oolagpan laipu laa nug nuhig begbeg, nug data wan opat<sup>kunu</sup> ab, o iita nug dod sipsiptai gumad<sup>kunu</sup> ab, begbeg nug uka ha, dimpa nug edua la<sup>ka</sup> udieb amu gumak danab nuhig nug nug amegpa, ‘Na paha dona daanna e la!’ awa akute? <sup>8</sup> Iita. Nuhig okai nug nug amegpa inam a<sup>ku</sup>. ‘Na dahil e bapaidna, matagid ta<sup>kan</sup>a, na dahil e yaan aon dope, da tatam lawoya, le ele lapi, dimpa amu na e lawona, le la!’ awa a<sup>ku</sup>. <sup>9</sup> Begbeg nug anam heeb amu nuhig okai amu nug begbeg nug nuhig nai dim lami<sup>tom</sup> amunu nug amegpa, ‘Ena heme,’ awa akute? Iita. <sup>10</sup> Amubia ag ele keeke oh Kayak aum amu ag hena malona, ag, ‘Ig

am begbeg nau, ig keeke hemut ele amu ig ihinig  
udat aakuib hemut,’ aon akulag,” awa aum.

*JESUS DANAB 10 GADALAG ODE ELE  
BAPALATOM*

<sup>11</sup> Amu Jesus Nug Jerusalem ukaknu ib amu dim lamiṭa, nug Samaria Galelia ele tompa uka,  
<sup>12</sup> ab laapa teete amu danab eblaih tanig ele, ag gada ođe ele, ag ibpa anidpig. Ag uma pide upa hipaidna daanna, <sup>13</sup> ag am huana enan apig. “O danab Nađi Jesus, na ihinignu oot gai iitä doye!”  
<sup>14</sup> Ag anam aon eeg, Nug ag anaṭa, Nug amelagpa aum. “Ag gona, bedulag amu mana metak danab ipuanaṭeg!” awa aum. Nug anam a aria ag wana ukaegeg, ibpa ođe ahilag amu iitä meum. <sup>15</sup> Amu ag oolagpanu danab laipu, nug bedu edua ena dayom anta, nug edua uka, huana ewa, Kayak binag meum. <sup>16</sup> Nug am uka, Jesus baegpa gomela, gateg qaun wa, iki wan ye, “Na ena heme,” anana, Nug humiṭom. Danab amu nug am Samaria danab. Samaria Juda ele ag am layam ena iitä. <sup>17</sup> Am Jesus Nug danab amu nug anam he anta, Nug aum. “Am da dooṭem, ag danab eblaih tanig ele bedulag edua ena dayom amge danab eblaih Wadele laa amu ag adepa daaṭeb? <sup>18</sup> Danab laa nug edua udia, Kayak binag mekunu amu iitäta? Danab imu nug am laihnu, nug nuka iikuibte?” awa aum. <sup>19</sup> Nug anam anana amu Nug danab amu amegpa aum. “Na ahan uke! Na ootpa genab doome amunu na edun ena daaṭem,” awa aum.

*KAYAK DO MADOD GEHA UDIKU*

<sup>20</sup> Amu haen laa do gumak danab-Parasia ag Jesus od metan apig. “Haen ganeb Kayaknu do

madod am udiku?” aon apig. Aon aeg amu Jesus Nug nai ahilag amu nob ma aum. “Amu Kayaknu do madod udieb amu danab ah ag amelagpa anidkulagnu am elele iita. <sup>21</sup> Amu ele danab ah ag, ‘Anteg, ipa ina daate,’ o iita ‘Anteg, laih upa uma daate,’ ii amana. Adinu? Kayaknu do madod amu ag oolagpa daate,” awa aum.

<sup>22</sup> Awowa Jesus Nug edua, nuhikud ipunitak awak danab amelagpa aum. “Geha dimpa haen laa udiebeb, ag am Danab Bekalag da ele ded laipu oignignu oolag huanak daaku amge geha anam ii daamna. <sup>23</sup> Am geha danab laala ag amelagpa inam akulag. ‘Anteg! Nug am laih upa uma daate,’ o iita, ‘Anteg! Nug am ipa ina daate,’ aon akulag amge ag am aib dim lamadna gopig. <sup>24</sup> Amemdi awa amahalte amu ag dooteb. Amemdi awa nuhig amahlak amu atu ohpa amahalte, lokumak iita. Am Danab Bekalag da, geha dahil haenpa da ele lokumak ii udipa amunu ag laa amu aib dim lamadna gopig. <sup>25</sup> Amge tatam amu da guitak kudum aopi, danab haen gemu imunu amu ag da di medaglag,” awa aum.

<sup>26</sup> Nug anam anana amu Nug baula aum. “Amu danab ag kobol Noanu haenpa hepig, anamib geha Danab Bekalag da, dahil haenpa amu ag ele anam hekulag. <sup>27</sup> Haen amupa amu ag e lanana, le lanana, nug aona, ah ele nug medapig. Ag anam henan daaegeg uke, haen Noa nug ub oopa noum batak. Ag anam heegeg, le hid nadi ba, danab ah amu ohnab diie padal mepig. <sup>28</sup> Amu Lotnu haenpa am ele anamib hepig. Ag e lanana, le lanana, keeke daden menana, keeke danab laa mataeg, daden meegeg, e aona, lag buunna daapig.

**29** Amge Lot nug Sodom uua ukom, ded amupa amu ab adu hab atannu gu bia na, danab ah ewate, padal mepig. **30** Amu geha Danab Bekalag da amu, da dahil dedpa miag bekul amu danab dilag kobil am anamib daaku. **31** Amu ded amupa danab laa nug hik awak abenpa, lag atan daate amu, agupa dayaya, nug oolkunuib dab maama, nug nuhig keeke lag oopa daate ele amu nug keeke amu aokunu lag oopa ii noma. Anamib danab laa nug data dayaya amu nug oolkunuib dab maama, keeke laa aokunu edua laka ii goma. **32** Ag Lot wau daulagpa doad! **33** Am danab laipu laa nug wan imupanu bau dayak nuhig amu adaku, aria geha bauklel nuhig amu iita meku amge danab laa nug wan imupanu bau dayak amu uute am geha nug bauklel hanhan daaku. **34** Am da ag amelagpa atem, geha tuqan amupa danab adit laa niak aben laipupa niiglah am Kayak Nug laipu awawa, laa amu uuiteb daaku. **35** Am ah adit laa a aben laipup bretnu plaua nekunu hebeped, am Kayak Nug laipu awawa, laa amu uuiteb daaku. **36** [Am geha danab adit laa data daaped am geha Kayak Nug laipu amu aoku, laa am uuiteb daaku,” awa aum.] **37** Jesus Nug anam a, ag amu doona, ag apig. “Nadi amuam geha adepa beku?” Ag anam aeg am Jesus Nug amelagpa aum. “Mauhak gadalag niiteb, aben amupa ai laa kaub bia udin, apa qag meteb,” awa aum.

## 18

*AH QAB EPEDIAK DANAB ELE DILAH KAYA*

<sup>1</sup> Amu Jesus Nug keeke danab ag dooteb ii dooteb ele ou aqata, ipuanata, ag haen oh unuqidkulagnu, ag bahilag yaamanu ele amelagpa aum. <sup>2</sup> Amu Nug inam aum. “Amu ab okai laapa epediak danab laa nug Kayaknu am keeke hamu doyaya, danab dilagnu ele dab ii madata dayom. <sup>3</sup> Am ah qab laa ab amupa ele dayom, nug haen oh udia amegpa aum. ‘Keked dahil nug da hipel qagate amunu na da ehanidna, ug dahil babaite!’ awa aum.

<sup>4</sup> Ah amu nug anam heehe, epediak danab nug laa ehanidkunu amu kobol amu nug bedupa ii daatom amge dimpa nug oopa aum. ‘Da Kayaknu am keeke hamu bia dootem amu danab dilagnu ele am da dab ii metem <sup>5</sup> amge ah qab imu nug da dutunida heehe, da bedul bahi ye amunu da nuhig nai amu da bapaidkul. Iita am nug edua udieb udieb, da oolpa nokuhkuh okai qeku amunu nuhig nai amu bapaidpi, uua goku,’ awa aum.” Jesus Nug keeke danab ag dooteb ii dooteb ele ou aqata, ipuanata, nai amu matiom.

<sup>6</sup> Aria Jesus Nug nai amu matia mala, Nug nai tudita aum. “Ag epediak danab nau amu nuhig nai imu doyeg! <sup>7</sup> Nug ah amu ehanidkunu aum amu Kayak Nug danab ah nuhilkud, Nug ag titua-natom ele amu, ag hanhan tuqan amun ele dedoh unuqidpepeg amu Kayak Nug ag ii te ehanadma? Nug am ag amelag maama, paha ii te ehanadma? Anam iita. <sup>8</sup> Amu da ag amelagpa atem. Nug am paha ag ehanadku. Amge Danab Bekalag da, da edue udien, haen amupa geha ag wan danab ah amu ag oopa genab doyak ele anidkultai,” awa aum.

**9** Am Jesus Nug danab laala ag a₄ka ahilagnuib, “Igib danab tutuku,” anana amu ag danab laa dilagnu, “Ag nau, hipunin ele,” aon apig ele amu, Jesus Nug ag amelagpa keeke danab ag dooteb ii dooteb ele amu ou aqata, ipuanata, nai imu matiom. **10** Nug aum. “Danab adit laa a unuqidkulahnu mana metak lag oopa teya daapid. Laa amu do gumak danab-Parasia. Laa amu takis awak danab. **11** Amu do gumak danab-Parasia nug hibaita, atan neek₄ dayaya, nu₄ka nuhignuunuqita aum. ‘Kayak, da am danab laala oh bia iita. Ag am yab aoteb, hak ena iita heteb am gapai ele heteb. Da am anam iita, takis awak danab imu heṭe bia ele iita amunu da na amenpa, “Ena heme,” atem. **12** Am da haen oh metid laipu oopa ded adit amu e oh lanaknu kud mein dayeye amu da keeke aotem oh amu opati, ameg ebliah tanig ele neeg, amu da na ameg laipu medatem,’ awa aum.

**13** Nug anam aum amge takis awak danab nug am pide dayaya, dup noa, hab atan ii neekom. Iita. Nug ehedhab doyom amunu nug epegsa gamag qeutata, nug aum. ‘Kayak, da am hipunin danab amunu na dahilnu oot gai iita dookutnu od medatem,’ awa aum.” **14** Am Jesus Nug nai amu matiowa, Nug baula amelagpa aum. “Da ag amelagpa atem, Kayak he, takis awak danab nug tutuku daye, edua laugpa ukom amge danab laa nug am anam iita. Amunu laa nug onig humate amu Kayak Nug heeb, danab amu nug onig neku amge danab nug onig qe nete amu Kayak Nug danab amu nug onig humaku,” awa aum.

**JESUS NID NAUNAU ITITAK MATOM**

**15** Amu danab ah ag nid yud ahilkad diiadna, Jesus Nug epeg bedulagpa ma, ititak madakunu gopig amge nuhikud ipunitak awak danab ag amu anidna aladpig. **16** Ag anam apig amge Jesus Nug nid naunau onilagpa e, gumidna doeg, Nug nuhikud ipunitak awak danab amelagpa aum. “Danab ag nid nakok bia daateb, ag am Kayaknu do madoq oopa daateb amunu ag nid naunau uuadpeg, ag dahilpa doig! Ag ahilag ib aib oo nepig,” awa aum. **17** Anam anana Nug amelagpa aum. “Da genab ag amelagpa atem. Danab nug Kayaknu do madoq nid nakok aote amubia ii aoku amu nuhugnu ib laa iita,” awa aum.

### ***IKI DANAB LAA KEEKE KUDUM ELE***

**18** Aria Juda dilag iki laa nug Jesus inam od metom. “Ipunitak danab ena, da atem heina, da baukkel hanhannu aokul?” awa aum. **19** Anam a, Jesus Nug edua amegpa aum. “Kayak Nug nuka am ena amunu na dahilnu, ‘Danab ena,’ ame amu na nai amu tatam dab mewonate ame o iita na hamute ame? **20** Amge nahip od maknu amu na do oh dootem. Na gapai aib heme. Na danab aib qepe mauhom. Na yabhoi aib heme. Na danab laanu ham bpuak nai aib matime. Na mamen anin ele odelah dim lamidna binalah me!” awa aum. **21** Jesus Nug anam a amu Juda iki danab nug aum. “Da nid nakokpanu do amu dim lamiti udie, gemu ele anamib hetem,” awa aum. **22** Nug anam a, Jesus Nug nai amu doya, amegpa aum. “Keeke laipu amupaib na elele iita. Na gona, na enun oh mepe, danab laala ag daden mepeg, na men dodo amu oh aon, dadek danab matona, na hab atan enun okai ele daakut. Na anam hewona, na udin

dim lamide!” awa aum. <sup>23</sup> Nug anam a amu iki danab nug nai anam doya, nug oo ugnab dayom. Adinu? Nug enub kudum ele. <sup>24</sup> Amu Jesus Nug danab amu nug oopa ug doyom anta, Nug aum. “Danab ag enulag kudum ele amu ag Kayaknu do madod oopa gokulagnu am ug okai ele. <sup>25</sup> Amu kamel nug koitaknu tutui gidopa nokunu amu ug ele amge danab enub okai ele, nug Kayaknu do madod oopa gokunu am ug okainab,” awa aum.

<sup>26</sup> Am danab ag nai amu doopig ele ag apig. “Anam dayeb amu aun nug baukkel aokunu elele?” aon apig. <sup>27</sup> Aeg amu Jesus Nug aum. “Keeke danab ag aka hekulagnu elele iita daateb amu Kayak Nug hekunu elele,” awa aum. <sup>28</sup> A amu Petrus nug aum. “Ante, ig ihinig keeke oh uuta, na dim lamidtem,” awa aum. <sup>29</sup> Anam a, Jesus Nug edua, ag oh amelagpa aum. “Da genab ag amelagpa atem. Danab aun nug Kayaknu do madod nu ha amu nug laug, nug anig mameg, nug laikud, nug wau, bekod, adekud ele uuata, da dim lamidte amu nug geha haen imupa hamu ii daama. Iita, <sup>30</sup> nug haen imupa keeke uua oiyom amu nob huana edatak awa amu dimpa haen udieb, nug baukkel hanhannu ele aoku,” awa aum.

### *JESUS MAUHOWA EDUA HIPAIDKUNU BAULA AUM*

<sup>31</sup> Amu Jesus Nug nuhikud ipunitak awak danab tuelp diia, pide bia wana, amelagpa aum. “Doyeg, ig gemu iiku Jerusalem gotem. Kayaknu propet ag anuka Danab Bekalag da, dahilnu Kayak aum, ode madipig, nai amu meu gemu miag beku. <sup>32</sup> Ag geha da aidna, iita adi epelagpa meidpeg, ag aon

aon iuna, guhudilna amu hunu iuglag. <sup>33</sup> Amu ag da wippa ehed matadilna, ag iupeg mauh<sub>kul</sub> amge ded ewampa da eduen hipaid<sub>kul</sub>,” awa aum. <sup>34</sup> Am Jesus Nug nai amu ma<sub>t</sub>iom amge ipunit<sub>k</sub> awak danab ag oolag ii mai<sub>t</sub>om. Nai amu, diig nuhig amu ag oolagpa lokumak dayom amunu ag Nug nai aum amu ag ii doopig.

### *JESUS AMEG GADUAK LAA BABAITOM*

<sup>35</sup> Aria Jesus Nug u<sub>k</sub>a, Jeriko guguit<sub>e</sub>, danab ameg gaduak ele laa ib daugpa dayaya, danab ah men dodo metaglagnu ewaunuqat<sub>a</sub> dayom. <sup>36</sup> Am nug anam haaha dayeye, danab ah ameg nadi ag udiegeg doya<sub>t</sub>a, nug danab laala od mata aum. “Umu ag adi diignu unam he<sub>t</sub>eb?” awa aum. <sup>37</sup> A amu ag nug amegpa apig. “Jesus, Nasaret ted, Nug udite,” aon apig. <sup>38</sup> Ag aeg, nug doya, ewa aum. “Jesus, Dawit Bek<sub>a</sub>, na dahilnu oot gai iita doye!” anana eum. <sup>39</sup> Am danab ameg laa anuqna gopig ele amu ag nug aidna apig. “Na od<sub>e</sub>n qamute!” aon apig amge nug edua, huanaknab ewa aum. “Dawit Bek<sub>a</sub>, na dahilnu oot gai iita doye!” awa aum. <sup>40</sup> Nug anam eewo, Jesus Nug doa hibait<sub>a</sub> dayaya, amelagpa aum. “Ag nug aon, da gumidna doig!” awa aum. Nug anam a amu ag nug aon, Jesus gumidna doeg amu Jesus Nug od met<sub>om</sub>. <sup>41</sup> “Da nahippa adi hekulnu oot daate?” awa aum. Awa a amu nug aum. “Nadi, da neegkulnu ool daate,” awa aum. <sup>42</sup> Amu Jesus Nug amegpa aum. “Na amen edua opateb, amahlak ante! Na dahilnu ootpa genab doome amunu na ena daat<sub>em</sub>,” awa aum. <sup>43</sup> Anam aawo, pahanab nug ameg amu obata, ena daye, neek<sub>a</sub> amahlak

anttom. Aria nug geha aaku Jesus dim lamita uka, Kayak binag meum. Danab ah ag amu anidna, ag ele Kayak binag mepig.

## 19

### *JESUS SAKEUS ELE DILAH KAYA*

<sup>1</sup> Amu Jesus Nug tutuku noa, Jeriko oopa ugeke,  
<sup>2</sup> am danab laa apa dayom, nug onig amu Sakeus.  
 Nug am danab takis aoteb amu dilag iki. Danab  
 amu nug enub okai ele. <sup>3</sup> Amu nug Jesus Nug  
 am danab atemunab anta dookunu oo dayom amge  
 danab ah ameg nadi Jesus qehakeg, Sakeus nug  
 ele am danab tutu amunu nug Jesus anidkunu  
 elele iita. <sup>4</sup> Elele iita amunu Jesus Nug ib amupa  
 udite doyom amunu nug qaibad anuqa uka, Jesus  
 anidkunu ha, ad sikimon laa teum.

<sup>5</sup> Amu Jesus Nug uka uka, Sakeus dayompa  
 ta, baeg ya dayaya, ameg huma atan neeka, nug  
 amegpa aum. “Sakeus na paha ne! Gemu da na  
 lautpa daakul,” awa aum. <sup>6</sup> Nug anam aum amunu  
 Sakeus nug oo gamag ahe, paha honap na, Jesus  
 omale nug laugpa gopid. <sup>7</sup> Am Jesus Nug Sakeus  
 laugpa goya daaeheh, danab oh ag amu anidna, ag  
 aka naitud matin Jesusnu apig. “Nug uka, hipunin  
 danab umu laugpa do danab daakunu teum,” aon  
 apig. <sup>8</sup> Aria Sakeus aha hibaita, Jesus amegpa aum.  
 “Nadi, gemu da dahil keeke oh amu gamagpanab  
 opaten, laih awe, dadek danab madakul. Amu da  
 danab laa ham bupuiten, nuhig keeke yab aomi  
 dayeb amu aria da amu eduen, nob amu tuditen,  
 ewam laa ele nug medakul,” awa aum. <sup>9</sup> Anam a,  
 Jesus Nug Sakeus amegpa aum. “Gem'u Kayak Nug

lag imupanu danab ah edua diiom. Danab imu ele amu nug Abraham beka,” awa aum. <sup>10</sup> Anam anana, Nug nai tudita aum. “Danab Bekalag da amu da danab ag padal mepig daateb ele, da ag eduen diiadkulnu udimi,” awa aum.

**BEGBEG 10 AG MEN DODO, TUDIDKULAGNU AOPIG**

<sup>11</sup> Jesus Nug Sakaeus laugpa dayaya, nai amu matie doyeg, Nug Jerusalem guguita dayeye, danab ah ag, “Kayaknu do madod am geha iiku miag atiku,” dab menan doopig amunu ag anam dab memananu, Jesus amu Nug nai tudita, keeke danab ag dooteb ii dooteb ele amu ou aqata, ipuanata, inam matiom. <sup>12</sup> Nug matia aum. “Wan laapan gumak danab laa nug aha, wan laapa uma ukeb, geha ag nug ahilag okai daakunu mepeg, dimpa amu nug edua udia, udat adit amu oh hekunu dab meum. <sup>13</sup> Nug anam dab maama aria nug nuhi куд udat danab eblaih tanig ele onilagpa ewowa, nug am siks handat kina anen anen anam pania madata, amelagpa aum. ‘Ag imu tudidna, qag mebepeg, da edue udipi, medapeg aokul,’ awa aum.

<sup>14</sup> Amge nug mudipan laikud ag anuka ag oolagpa nuhignu nau, ninig ele doopig amunu nug uke, am danab laala ag heeg, ag oolagpan danab laa ag nug dim lamidnana amu ag inam apig. ‘Ig am danab imu nug ihinig king daakunu amu ig oonig ii daate,’ aon apig. <sup>15</sup> Ag anam apig amge wan laapa ag nug king meeg, dimpa nug edua udia, nug wanebpan danab amelagpa aum. ‘Udat danab anuka da men dodo matami ele amu onilagpa epege, ag oh anen anen men dodo amu

tudidna tuditak gane aopig amu da dookul,’ awa aum. <sup>16</sup> Eeg dona amu danab laa ba nug aum. ‘Nadi, da siks handat kina nahip imu bau laa tudiṭe qag mein, tuditak siks tausen kina aomi,’ awa a am king nug amegpa aum. <sup>17</sup> ‘Na udat danab ena, na udat enanag heme, na keeke nakoknab dab metan autna aome amunu gemu da na ab okai ten gumadkutnu gagatag medat̄em,’ awa aum. <sup>18</sup> Aria laa dim ba aum. ‘Nadi, da siks handat kina nahip imu bau laa tudiṭe qag mein, tuditak tri tausen kina aomi,’ awa a, king nug amegpa aum. <sup>19</sup> ‘Da na ab okai tanig ele gumadkutnu gagatag medat̄em,’ awa aum. <sup>20</sup> Amu udat danab laa nug aum. ‘Nadi, nahip siks handat kina amu ina daate. Da lamen qati laa oopa iten mei dayom. <sup>21</sup> Adinu? Da na anidtem, na danab gagatag ele, danab laa nug keeke me daate amu na aona, danab laa e epom amu na amunu meu ele aotem. Amunu da nahipnu badami,’ awa aum. <sup>22</sup> A amu king nug nid amu amegpa aum. ‘Na udat danab nau, bodo etaknab. Amu da na na ka nahip nai amupa na epedidkul. Amu genabnabte na doome, da am danab gagatag ele? Amu keeke oh danab laala meeg, da aotem amu danab laala e epaeg, da hidat̄em, da anam heiyi doomete? <sup>23</sup> Na genab da am danab gagatag doolom amu na da badilna, na men dodo dahil amu benkpa melom, dimpa da edue udien, men dodo amu, am nuhig tuduitak ena ele aolom amge na anam ii heme,’ awa aum. <sup>24</sup> Nug anam anana amu nug danab guguitak hipaidna daaegeg amelagpa aum. ‘Ag nug epeepa siks handat kina daate amu adidna aon, danab laa siks tausen kina ele amu meteg!’ awa aum. <sup>25</sup> Nug anam a amu ag apig.

‘Nadi nug am siks tausand kina awa adate,’ aon apig. <sup>26</sup> Anam aeg nug aum. ‘Da ag amelagpa aṭem, danab nug keeke adate ele amu da baula ele medaḳul amge danab laa nug keeke nakok tatam awom aakuib adeb amu da adidḳul,’ awa aum. <sup>27</sup> Gumak danab amu nug anam anana, nug nai tudiṭa aum. ‘Aria laa ag da keked medan, da ahilag king daakulnu uupig ele amu ag diin, da noolpa ipa dona, aqapeg mauheg!’ awa aum.”

### *JESUS KING BIA JERUSALEM TEUM*

<sup>28</sup> Amu Jesus Nug nai amu maṭia malowa, Nug aha anuqa, Jerusalem ukaknu ib awa ukom. <sup>29</sup> Nug uka Betpasi, Betani ele gukuata, ab adit amu a qauko Olip ele aṭeb, qauko amu guguiṭak amu, apa nug he, nuhikud ipunitak awak danab adit laa anuqya gokulahnu aum. <sup>30</sup> Nug a amelahpa inam aum. “A goya, ab nakok miag amupa teya, apa ab daugpa a donki nag laa nakok okai meum ele amu, qakak daaṭe anidkulah. Anuka danab laa amu atan ii oiyom ele. A anidya amu a uhuqya aoya udied! <sup>31</sup> A anam aoped amu danab laa, ‘Adinu a donki amu uhuqtep?’ awa od mateb amu aria a nug amepa inam aid! ‘Nadi Nug nuhignu udat ele amunu i uhuqteb,’ akulah,” awa aum.

<sup>32</sup> Jesus Nug danab adit otiatom ele amu a goya, keeke oh a amelahpa aum ele amu anidpid. <sup>33</sup> Anidya, a donki qakak, mudi amu uhuqeheh, donki mameg ag a od matan apig. “Adinu a donki nag bau amu uhuqtep?” aon apig. <sup>34</sup> Aon aeg amu a apid. “Nadi Nug nuhignu udat ele,” aoya apid. <sup>35</sup> Aria a donki amu aoya, Jesus gumidya ukaeh, ag lamen ulahnu ahilag aon, donki gomepa duqona

amu Jesus ehaniteg, donki atan ta dayom. <sup>36</sup> Am Jesus Nug donki atan ugeke, danab ah ag lamen ulahnu ahilkad akan ibpa duqadpig.

<sup>37</sup> Am Jesus Nug uka, ib laih qauko Olip amu edita no amu nuhikud ipunitak awak danab kudum laa ele ag oh nuhignu gamalag ahom. Adinu? Nug udat danab hekunu elele iita kudum he anidpig amunu ag baalag okaipa enan Kayak binag humapig. <sup>38</sup> Ag Kayak binag human, baalag okai enan apig. “Ig king binag metu, Nug Nadi onigpa udite! Kayak Nug itidte. Nuhigpa Kayak Nug ig danab, ihinignu oo ena daate. Ig Kayak Ebehi Ele, Nug binag atannab humatu.” <sup>39</sup> Ag anam heegeg, Juda dilag do gumak danab-Parasia ag danab ah ameg amu oolagpa daanna, ag Jesus amepga apig. “Ipunitak danab, na nahipad ipunitak awak danab amelagpa ape, ag to eteg!” aon apig. <sup>40</sup> Aon aeg amu Jesus Nug ag anam apig amunu amelagpa aum. “Da ag amelagpa atem, imu ag odelag qamutpeg, aria men amu ag ekulag,” awa aum.

<sup>41</sup> Anam anana Jesus Nug uka, Jerusalem guguita wana, Nug ab okai amu anta, ameg leb ne, <sup>42</sup> Nug aum. “O gadon, ag madod daaglagnu ib ii dooteb. Ug awak haen ahilag am miagnab amge ag atemun madod daaglagnu ib amu anidlob, ag ug amu ii anidlob amge ib amuam ag amelagpa lokumak daate. <sup>43</sup> Amunu ag doyeg! Geha dimpa haen amu udieb, ahilag keked ag aqaglagnu udin, talilidna, wan buupeg ukeb amu qalana wana, ag aben ohpa ag oo matan autanab aoglag. <sup>44</sup> Amu geha keked, ag amu ag budulkad ele, ag tapaladna ododadna autna aoglag. Abnu ad, lag ele menpa hepig

amu keked ag men laipu uupeg abenpa ii daama. Kayak Nug ag Juda ehanadkunu heum amge ag amu ii doopig amunu keked ahilagnu ag anam hekulag,” awa aum.

### *JESUS NUG LAA MANA METAK LAG OOPANU LAMATOM*

<sup>45</sup> Amu Jesus Nug mana metak lag oopa noa, nug danab lag amu oopa mana metaknu keeke dadennu maadpig amu, Nug dig ma ag lamatom.  
<sup>46</sup> Nug amelagpa inam aum. “Kayak naipa yak inam daate. ‘Da laul amu unuqitak lag,’ amge ag heeg, yabhok danab dilag lokumak aben bia daate,” awa aum.

<sup>47</sup> Nug anam hewowa amu Nug ded oh mana metak lag oopa noa, danab ah Kayak nai ipuanatata. Nug anam heehe amu mana metak danab okai amu do mehuqak danab am danab ah gumatak iki ele ag ahan, Nug qepeg mauhkunu ib madipig. <sup>48</sup> Amge danab ah oh ag nuhig nai dooglagnu wagai mena hepig amunu iki danab ag Nug qepeg mauhkunu ib laa ii anidpig.

## 20

### *AG JESUS AUN GAGATAG METOMNU OD MEDAPIG*

<sup>1</sup> Am ded laa Jesus Nug mana metak lag oopa danab ah nai ipuanatata, Nug Nai Ena amelagpa mehuqeqe, mana metak iki danab amu do mehuqak danab am Juda dilag iki danab ele ag Jesus guminidna gona, <sup>2</sup> Nug amegpa inam apig. “Na ape ig dootu! Na gagatag adipa udat imu hetem? Danab aun nug gagatag amu metom?” aon apig.

<sup>3</sup> Amu Nug ag apig amu nob ma amelagpa inam aum. “Amu da ele keeke laipunu ag od madapi amu ag apeg dookul.” <sup>4</sup> Od mak dahil am inam. Johanesnu layat<sup>a</sup>k am adepanu beum? Keeke amuam hab at<sup>a</sup>nnu keeke o iita amuam danabnu keekeib?” awa aum. <sup>5</sup> Am Jesus Nug anam od mate aria ag aka aka matin apig. “Ig, ‘Habnu keeke,’ aput amu Nug, ‘Anam amunu ag adinu oolagpa genab ii doopig?’ awa aku. <sup>6</sup> Amge ig, ‘Danabnu keeke,’ aput am geha danab oh ag Layat<sup>a</sup>k Johanesnu, nug am propet, oolagpa genab dooteb amunu ag menpa iqaglag,” aon apig. <sup>7</sup> Ag aka anam anana, ag Jesus aum amu nob mena apig. “Ig ii dootem,” aon apig. <sup>8</sup> Aeg am Jesus Nug amelagpa aum. “Aaku amunu da ele gagat<sup>a</sup>g adipa udat hetem amu api ii doomna,” awa aum.

### *DANAB NAU WAIN DAD GUMAPIGNU NAI*

<sup>9</sup> Jesus Nug anam awowa, Nug dig ma keeke danab ag dooteb, ii dooteb ele ou aqata, ipuanata, danab ah amelagpa matia inam aum. “Danab laa nug grep dad epom. Nug grep dad epowa amu awa, udat hak danab epelagpa mewowa amu nug aha laih umanab uka, haen elab dayom. <sup>10</sup> Am nug apa dayeye, grep meu awak haen be, nug begbeg nuhig me, nug udat danab grep meu laih, danab okainu aokunu guma<sup>a</sup>ta ukom amge danab dad amupa udat hepig ele ag udat nid amu makudna, gedidna lamiteg, hamu edua ukom. <sup>11</sup> Am dad mameg nug begbeg laa he, guma<sup>a</sup>ta ukom amge ag nug ele ehed makudna, kobol ehed laala nuhigpa hewona, ag lamidna gediteg, hamu edua ukom. <sup>12</sup> Aria nug begbeg laa me ukom. Amu ag ahan

qena, guiłtak okai metona, aon dad dimitim budieg ukom.

<sup>13</sup> Ag anam heeg, dad mameg nug aum. ‘Geha da aditai hekłu,’ awa aum. Nug anam anana amu nug aum. ‘Nid danab dahil, da nuhignu ool mauhte ele amu, da nug mepi gołku. Ukeb geha ag nuhig nai amu dooglagtai,’ awa aum. <sup>14</sup> Amge danab dad amupa udat hełeb ele, ag nug beka amu udieye anidna, ag aka aka nai matina apig. ‘Nid umu nug geha dimpa mamegnu keeke oh aokłu amunu ahapeg, ig nug qeput mauheb amu ig dad imu aognig,’ aon apig. <sup>15</sup> Ag anam awona, ag ahan, beka amu adan budieg, grep dad dimitim uke, ag qeeg mauhom,” awa aum. Jesus Nug anam awowa, Nug nai tudita aum. “Aria ag anam hepig amunu grep dad mameg nug ahilagnu adi hekłu? <sup>16</sup> Nug inam hekłu. Nug aha uka, nuhig dad hak danab amu oh aqeb mauhpeg, nug grep dad amu edua awa, danab laala epelagpa meku,” awa aum. Am Jesus Nug nai amu matie, ag doyona apig. “Keeke anam amu aib beum!”

<sup>17</sup> Ag anam apig amge Jesus Nug ag neekatata aum. “Anam amunu Kayak naipa yak daate am adi ipunigte? Nai amuam inam. ‘Men laa, udat danab ag men amu uupig amge lag mameg nug men amu awa, lagnu men anuqak me daate.’ Nai amu diig am adi? <sup>18</sup> Am laa nug men amu atan na qekłu amu nug nakok nauhłku amge men amu nug laa qadepa na qekłu amu nug nauha auta aokłu,” awa aum.

<sup>19</sup> Amu mana metak iki danab amu do mehuqak danab ele ag Jesus Nug keeke danab ag dooteb ii dooteb ele ou aqata, ipuanatak nai amu ag ehed

hak ahilag anidkulagnu matiom doona, ag haen amupanab ahan adaglagnu ib madipig amge ag danab ah dilag badapig.

### *AG JESUS KAISA TAKIS METAKNU OD MEDAPIG*

<sup>20</sup> Aria ag Jesus meidnana daanna heeg, ameg qakak danab laala ag ahan gumidna gopig. Ag gona, Nug amegpa danab tutuk<sup>u</sup> bia daanna, ag nuhig nai matiak amupa, ag ib laa anidna, aon gabmannu hetodiak epegpa mekulagnu hepig. <sup>21</sup> Ag inam od medapig. “Ipunitak danab, ig dootem, nahip nai am genab tutuku, na nai genabib danab ah ipuanadnana amu na danab okai onig ele o danab onig iita amu na amu dab menan, na nai baolin, ag amelagpa ii madi<sup>t</sup>em. Iita. Na danab ah Kayaknu nai ena tutukuib ipuanadtem. <sup>22</sup> Amunu na keeke imu ape doognig. Na atem dootem? Ig takis Kaisa metagnig am ena o ena iita?” aon od medapig. <sup>23</sup> Amge Jesus Nug ahilag ameg qakak od mak amu matu doyom amunu nug amelagpa aum. <sup>24</sup>“Ag men dodo laa onig danarius ipunidpeg anteil!” awa aum. A amu ag men dodo ipuniteg anta, Nug od matom. “Men dodo amupa amu aun onig dotog ele daate?” Nug anam awa od mate ag apig. “Amu Kaisanu,” aon apig. <sup>25</sup> Anam aeg, Nug ag amelagpa aum. “Aria ag Kaisanu keeke amu Kaisa metaglag amge ag Kayaknu keeke amu Kayak meteg!” awa aum. <sup>26</sup> Ag nuhignu ameg qakak hepig amu ag Nug danab ah noolagpa amu Nug nai laa ii etom. Nuhig nai amu ahilag ameg qakak nai editom amunu ag dab mak kudum aona, nai laa ii madipig.

### *AG JESUS EDUA HIBAITAKNU OD MEDAPIG*

<sup>27</sup> Amu dimpa amu do gumak danab-Sadusi ag Jesus topa udipig. Danab amu ag, “Danab mauhteb ag edun ii hipaidmana,” aon adapig amunu ag <sup>28</sup> Jesus od metan apig. “Ipunitak danab, Moses nug ihinignu nai laa inam yom. ‘Danab laa nug ah awa, nug nid laa ii awa mauheb, amu aria nug amag nug ah amu aweb, nid menuglah amge a nid menuglah amu nid amuam danab amu nuhig nid iita, awagnu daaku.’ Moses nug anam yom. <sup>29</sup> Aria amu e amakud eblaih adit ele ag daapig. Ag anam daanna, awalag tatamnu nug ah awa, nug nid iita mauhom. <sup>30</sup> Mauhe amag nug aha, ah amu awom amu nug ele nid iita mauhom. <sup>31</sup> Dimpa amalah laa edua ah amuib awom amge nug ele nid iita mauhom. Anamib e amakud eblaih adit ele ag oh ah laipu amuib aopig. Ag oh ah laipu amuib aopig amge ag nid laa ii aopig, hamu mauhadpig. <sup>32</sup> Ag mauheg, dimpa ah amu ele nug mauhom. <sup>33</sup> Aria eamakud amu oh ag ah amu aakuib aweg, nug ag waalag dayom amunu edua hibaitak haenpa ah amu nug eamakud eblaih adit amu ag oolagpa aunnab wau daaku? Ah amu nug danab eblaih adit amu oh ahilag ah dayom,” aon apig.

<sup>34</sup> Ag anam aeg amu Jesus ag amelagpa aum. “Danab ah gemu haen imunu amu ag ewau daaglagnu nug aoṭeb <sup>35</sup> amge dimpa Kayak Nug danab ah haen amu daaglagnu elele anaṭeb, ag edun hipaidna amu danab ag ah ii diimna, ah ele ag danab ii diimna. Iita. <sup>36</sup> Ag engel bia daaglag amunu ag maukulagnu elele iita. Ag edun hipaidna daaglag amunu ag am Kayak bekod. <sup>37</sup> Amu Moses nug ele danab mauhpig

edun hipaidkulagnu ad nakok ab ewewe, ii iitä meum, kaya amupa nug amu ipunigte. Moses nug haen amupa Nadinu amu, ‘Nug am Abrahamnu Kayak, Isaknu Kayak, Jakopnu Kayak ele,’ awa aum. <sup>38</sup> Anam aum amunu ig dootem, danab ewam amu ag gemu daat̄eb. Ag mauhpig amge ag iitä ii mepig amunu Kayak Nug danab daat̄eb dilag Kayak daat̄e amunu Nug ele heeb, ag edun hipaidkulag. Amu Kayak Nug nuhig dab makpa danab oh bau daat̄eb,” awa aum. <sup>39</sup> Am Jesus Nug anam a amu do mehuqak danab laala ag, “Ipunitak danab na ena ame,” apig. <sup>40</sup> Amu ag Nug baula keeke laanu od met̄aglagnu ib iitä.

### *JESUS NUG IKI DANAB KRISTUSNU OD MATOM*

<sup>41</sup> Anam dayeye amu Nug ag amelagpa aum. “Laa ag, ‘Kayak Nug laa tituanom, amuam Kristus, Nug am Dawit beka?’ aon at̄eb amge ag at̄em doona, anam at̄eb? <sup>42</sup> Dawit nug nuķa buk Sampa amu inam yom. ‘Kayak Jehowa Nug dahil Nadi amegpa inam aum. “Na da epel nadiappa daape ukeb, <sup>43</sup> da nahip keked na waatpa maadkul.”’ <sup>44</sup> Ag iikud ant̄eg! Danab nug, nug bekanu, ‘Nadi,’ ii ate amge Dawit nug, nug bekanu, ‘Nadi,’ aum amunu ig atemun Kristusnu, ‘Nug am Dawit bekaib,’ akunig?” awa aum.

<sup>45</sup> Amu danab ah oh ag daanna, Jesusnu nai doyegeg, Nug nuhikud ipunitak awak danab amelagpa aum. <sup>46</sup> “Do mehuqak danab ag lamen enanag elab ele taķan, danab ah noolagpa oiglagnu oolag anuqak dayeye, e odiak abenpa danab ah ag humadkulagnu oolag okai ele daat̄e. Ag nai doyak laka, amu hobul haenpa ele amu

ag aben anuqakpa daaglagnu itag aqate amge ag dahilad amu, ag ahilag kobol amubia hemananu dab meig! <sup>47</sup> Do mehuqak danab amu ag ah qab ham bupualadna, ag laulkad yab awona, ahilag hipunin amu danab ah amelagpa lokumkulagnu ag unuqitak elab heteb amunu epediak haenpa geha ag ug okainab aoglag,” awa aum.

## 21

### *AH DADEK MEN DO<sub>DO</sub> KOLEKTA KUNUPPA MEUM*

<sup>1</sup> Jesus Nug mana metak laka dayaya, Nug anam awowa, Nug neeka dayeye amu danab ah ag men dodo, ahilag kolekta, kunuppa meegeg ana<sub>tom</sub>. <sup>2</sup> Am nug ah qab dadek ele, nug men dodo adit, wan toea bia, kunuppa meum. <sup>3</sup> Nug me, Jesus Nug aum. “Da genab ag amelagpa atem, ah qab dadek ele imu, nuhig men dodo meum amu danab laala mepig ele, amu oh edadte. <sup>4</sup> Adinu? Laa oh ag men dodo ku<sub>dum</sub> amu ag laih nakok amupan aon mepig amge ah imu nug amu men dodo nakoknab nuhig, nug ehanidkunu dayom amu oh meum,” awa aum.

### *JESUS NUG KEEKE DIMPA BEKUNU AUM*

<sup>5</sup> Amu dimpa ipunitak awak danab laala ag mana metak lagnu nai inam madipig. “Ag mana metak lag imu hepig ele amu, ag men enapa heegeg, danab ah ag keeke ena Kayak medapig ele, keeke amupa bala enanag medapig,” aon apig. Ag anam aeg, Jesus Nug aum. <sup>6</sup> “Gemu keeke imu oh ag anidteb amu haen laa ana beeb, men imu ag lopadpeg, nena qena, laa nug laa qa<sub>d</sub>epa iinab daama. Ohnab lopadpeg, honap nena qekulag,”

awa aum. <sup>7</sup> Nug anam a, ag Nug od medapig. “Ipuniṭak danab, na ig amenigpa ame amu kobil amu haen ganeb beku? Amu ele eponak keke adi tatam beeb, ig doognig, ug aaku bekuunu miag daate?” aon apig. <sup>8</sup> Ag anam aeg, Jesus Nug aum. “Laa ag ham bupualadmanu, ag dab meig! Adinu? Danab kudum ag da onilpa udin, ‘Da amu Kristus,’ anana, ‘Haen miag aaku doum,’ ele aon akulag amge ag ahan, ag aib dim lamadna gopig. <sup>9</sup> Am ag bannu doonna amu ag ab iki iki ag ahan ban hetebnu nai amu ele dooglag. Keeke amu genab bekulag amge doyeg, ag aib otaipig. Wan haen malak iiṭa,” awa aum.

<sup>10</sup> Anam anana Nug amelagpa ele aum. “Danab bedulag laa amu ag danab bedulag laa ele nug qekulag. Wan laa amu wan laa ele nug qekulag. <sup>11</sup> Aben laalapa amu mim okai nebepeg, enug haen okai amu ode haen nadie bekulag. Habpa amu eponak keke okai okai keke diigdiig ena iiṭa ele bekulag. <sup>12</sup> Amge keke amu oh ii bebepeg, geha danab laa ag ahan, ag dahilad amu ag ag adualadna, ag eheq hadna, nai doyak laka apa dimulag mena, diin mani guitakpa maadkulag. Da onil ahilagpa daate amunu ag diin, king gabman ele noolagpa maadpeg, epediadkulag. Da onil ahilagpa daate amunu ag kobil amu ahilagpa hekulag. <sup>13</sup> Ag epediadpeg amu haen amupa ag dahilnu nai ena ag amelagpa mehuqkulagnu elele daanna, ag anam hekulag,” awa aum. <sup>14</sup> Nug anam anana, Nug nai tudiṭa aum. “Ag nai amu nob atem akulagnu aib ug aqeb, dab mak kudum aopig. <sup>15</sup> Geha da daka ag nai akulagnu odelagpa mein,

dab mak ena ele madakul. Geha keked ahilkad ag da nai madakul amu otadna tabapeg nokunu ele iita. <sup>16</sup> Haen amupa ag mamekkad, anilkad, awalkad, amalkad, lailkad, budulkad ele amu, ag geha ag diin, keked epelagpa maadkulag. Amu geha ag oolagpanu laala aqapeg mauhkulag. <sup>17</sup> Am geha danab oh ag oolagpa ahilagnu nau, ninig ele dooglag. Adinu? Da onil ahilagpa daate. <sup>18</sup> Ag anam hekulag amge ag dahilad amu ag ikilag udug laipu laa ii qetodma. <sup>19</sup> Ag gagatag daan, baukkel hanhannu aoglag!

<sup>20</sup> Amge dimpa haen amunu ami amu laa ag udin, Jerusalem talilidpepeg, amupa ag dooglag, ab okai imu he nauhaknu haen aaķu miag daate. <sup>21</sup> Am haen amupa Juda danab ah ag oolna quakopa ukeg! Amu danab Jerusalem oopa daateb amu ag ab uun laih ukeg! Danab ab dimitim daanna, ag edun oopa ii nomana. <sup>22</sup> Adinu? Haen amu Kayak Nug ahilag ehed hak nob edua madaķu. Kayak naipa nai daate amu, nai amunu meu beku. <sup>23</sup> Amu haen amupa ah oolag ele, ah ag nid yud huh madateb ele amu, ahilagnu gadonnab. Adinu? Haen amu ug okainab wan imupa beku amu Juda danab ah haen amupa ag hipuninnu bu aqak, Kayak epegpanu udite amu, ag amu aoglag. <sup>24</sup> Geha laala ag qep elabpa mauhkulag am laala, ahilkad keked, ag ag diin gona, danab ah ameg laa ohnu oolagpa maadpeg daaglag. Amu iita adi ag udin, Jerusalem aon daana, Jerusalem nug ag waalagpa dayeb, ukeb ukeb, ahilag haen, Kayak tituanom, amu maleb amu malaku.

<sup>25</sup> Dimpa kobol adi idu idu aam, kalam, hodopai

elepa heebəb amu wanpa danab ah ameg ohpa ag oolag huan oṭaiebeb, yupa duban okai kodkod qeebeb amunu badaglag. <sup>26</sup> Geha danab ah kudum ag keeke wanpa bekə amunu dab menana, ag oolag huan badeb, amelag uu edaku. Adinu? Habpan hodopai ag uðalnana, ag ipulag tutuku ii dim lamid-mana. <sup>27</sup> Ag anam hebepeg, Danab Bekalag da, da lombigpa gagatag okai amahlak okai ele uðipi anidkulag. <sup>28</sup> Dimpə keeke amu bekunu dig ma heebəb, haen amupa ag ahan gokulagnu babaiteg! Kayak Nug ag eðua diikunu aaku miag daate,” awa aum.

<sup>29</sup> Jesus Nug nai amu amelagpa matjowa amu Nug keeke danab ag dootəb ii dootəb ele ou aqata, ipuanaṭa, matja aum. “Ag ad pig, ad laala ele dab menan anteg! <sup>30</sup> Ag uðulag bau haule geg anadna amu ag, ‘Aam haen ena dig mete,’ aon aṭeb. <sup>31</sup> Ad udug bau bekulagnu dig men haulteb anidna, ag, ‘Aam haen ena miag daate,’ dootəb amubia ag kobol diigdiig oh, da ami ele, amu bebepeg anidna ag, ‘Kayaknu ðo madod aaku miag doum daate,’ dooglag. <sup>32</sup> Da genab ag amelagpa atem, danab ah haen imunu oh ii mauhad peg, geha keeke amu oh bekə. <sup>33</sup> Amu hab wan ele iitä mekulah amge nai dahil amu iitä iinab mema,” awa aum.

<sup>34</sup> Jesus Nug anam anana, Nug nai tudiṭa aum. “Keeke amu bekun daate amunu ag daulag atieb, ag hanhan e lanaknuib hik aqeb, le gagatag labepag, kaaka aqebəb, bedu ena dayak amunu guaṭebəb hebepeg, kobol amuib aha ag tonad-manu tutuku dab meig! Kobol amu ag tonateb, Naðinu ded amu paha etak, dod pelempa notebia ag anadku. <sup>35</sup> Amu ded amu danab ah oh

wan ohpa daaṭeb ag beeble anidkulag. <sup>36</sup> Amunu ag hanhan tutuku dab mena daanna, keeke amu oh anidmananu amu ag Danab Bekalag da, da noolpa hipaidkulagnu elele daaglagnu ele unuqiteg!” awa aum.

<sup>37</sup> Ded oh Jesus Nug mana metak lag oopa ag nai ipuanata, tuqan amu Nug uka, qauko laa onig Olip amupa niitom. <sup>38</sup> Nug anam heehe, danab ah oh ag buṭuanab ahan, ag nai dooglagnu mana metak laka uditapig.

## 22

### *JUDAS NUG JESUS IKI DANAB MADAṄKUNU NAI QAKOM*

<sup>1</sup> Aria metid hobul laa, hobul amupa ag bret yis iita lat̄eb, hobul amuam onig Pasowa, amu bekunu miag dayeye, <sup>2</sup> mana metak danab okai, do mehuqak danab ele ag danab ah badadna apig. “Ig atem heta, Jesus qeput mauhku,” aon madipig.

<sup>3</sup> Ag anam matieg amu Satan nug Judas Iskariot, nug oopa noum. Nug amu ipunitak awak danab tuelp amunu laipu. <sup>4</sup> Satan nug oopa no amu Nug uke, mana metak danab okai, mana metak lag gu-maknu daup iki adi ele nug ib adekupa Jesus awa, ag epelagpa mekunu nai madipig. <sup>5</sup> Nug anam he, ag gamalag ahe, men dodo laa metaglagnu nai qagapig. <sup>6</sup> Ag anam aeg, Judas nug men dodo aoku amunu oo ena dayeye, nug ded laa danab ah ameg nadi ag Jesus ele ii daapeg, nug Jesus awa, danab nug ele nai madipig amu ag epelagpa mekunu ib matiom.

*JESUS IPUNITAK AWAK DANAB ELE PASOWA LAPIG*

<sup>7</sup> Aria Pasowa metid hobulnu babaitaknu ded beum. Kayak Nug anūka ag ded amupa Pasowanu sipsip nakud aqaglagnu do meum. <sup>8</sup> Amu ded amu be, Jesus Nug Petrus Johanes ele he udieh, amelahpa aum. “A goya, Pasowa ihinig bapaidped, ig lakunig,” awa aum. <sup>9</sup> Nug anam a amu a Nug amegpa apid. “Adepa bapaidkunihnu oot daate?” aoya od medapid? <sup>10</sup> Od metaeh, Nug amelahpa aum. “Doyed! A goya, ab okaipa noped, danab laa nug nipud, le am bak ele, amu mawa doa, a uðalah teeb amu a nug dim lamidped, nug lag laa oopa nob amu a lag amupa ele noid! <sup>11</sup> Noya lag mameg amegpa inam aid! ‘Ipunitak danab ihinig Nug nahipnu inam aum. “Da dahilad ipunitak awak danab ele ig na lautpa oo atenpa Pasowa lakunig?”’ aoya akulah <sup>12</sup> A anam aped, geha nug lag oo okai atan, balal dayak aben ele ipuanateb, a lag oo amupa Pasowanu e babaite! awa aum. <sup>13</sup> Aria a goya, Jesus amelahpa aum amubiaib anidya, a amupa aaku Pasowa bapaidpid.

<sup>14</sup> Pasowa babaiteh, haen male, Jesus Nug nuhikud ipunitak awak danab tuelp ele ag balalpa daapig. <sup>15</sup> Daanna, Nug amelagpa aum. “Da ag ele Pasowa e imu tatam lakunignu ool huanak daate. Aria dimpa da guitak maokul. <sup>16</sup> Da ag amelagpa atem. Da ag ele e Pasowa baula paha ii lamata. Dayebeb ukeb, Kayaknu do madodpa keeke imu gogpa teeb amu da baula lakul,” awa aum. <sup>17</sup> Nug anam awowa, Nug hai gokod laa awa, Nug Kayak unuqitowa aum. “Ag imu aon panin aweg! <sup>18</sup> Da ag amelagpa atem. Da baula grep lepu paha ii lapa. Iita, haen ukeb, dimpa Kayaknu do madod

beeb, da e<sup>due</sup> lakul,” awa aum. <sup>19</sup> Nug anam awowa, Nug bret awa, Kayak unuqit<sup>t</sup>owa, pane ne, pania mada<sup>ta</sup> Nug aum. “Imu amu da bedul, da amupa ag ehanad<sup>k</sup>ulnu mada<sup>tem</sup>. Ag dahilnu dab mekulagnu kobil imu heig!” awa aum. <sup>20</sup> Ag e lana malona, dimpa Nug hai gokod awa mada<sup>ta</sup> aum. “Hai gokod imupa da tituanak bau hetem. Da tiil ag ehanad<sup>k</sup>unu gokad<sup>tem</sup>. <sup>21</sup> Amge ii<sup>k</sup>ud anteg! Danab da keked epelagpa meidku ele amu nug da ele oh ii<sup>k</sup>u balalpa daa<sup>tem</sup>. <sup>22</sup> Danab Bekalag da, da Kayak anuka aum amubia mauh<sup>k</sup>ul amge danab nug da keked epelagpa meidku ele amu, nuhignu am gadonnab,” awa aum. <sup>23</sup> Nug anam a amu ag ahan, aka aka nug od metan apig. “Aun nug kobil amu heku?” aon apig.

<sup>24</sup> Amu hewona, ipunitak awak danab ag ahilag dab makpa, ag oolagpanu aun nug am anuqak amunu adaeg be, matin aeg ona aeg do heegeg <sup>25</sup> amu Jesus Nug ag amelagpa aum. “Iita adi danab ag ahilkad king waalagpa daa<sup>teb</sup> amu king ag danab amu dilag adi hekulagnu ateb amu ag heteb. Ag nai amu uuglagnu ib iita <sup>26</sup> amge ag dahilad daa<sup>teb</sup> ele amu, ag am anam iita. Ag oolagpa danab aun nug anuqak daate amu nug amu danab dimnab daate bia dayad! Aun nug iki daate amu nug ahilag udat nid dayad!” awa aum. <sup>27</sup> Nug anam awowa Nug baula aum. “Wannu kobilpa amu aun nug am anuqak? Laa nug balalpa dayaya e late, nug am anuqakte, o iita begbeg nug laa balalpa daate ele, nug ag e mada<sup>te</sup> amu, nug am anuqaktai? Iita. Laa balalpa e late, danab amuam anuqak daate amge da amu ag oolagpa

begbeg bia ag ehanaten daat̄em amunu amupa ag doot̄eb, danab nug anuqak daaku, nug begbeg bia dayad! <sup>28</sup> Aria haen ug diigdiig dahil beum amu ag da ele daadmut, ag da ii uuidpig. <sup>29-30</sup> Amu da Mamel, Nug do madod da medom amu, anamib da ag do madod dahil, amupa ag dahil balalpa e le ele lanan daaglagnu, Israel budub tuelp amu ele gumadkulagnu, gagat̄ag madaat̄em,” awa aum.

<sup>31</sup> Jesus Nug nai amu matiowa Nug Simon onig diia, baula aum. “Simon, Simon, na doye! Satan nug matu ag ahilag oopa genab doyak am gagat̄ag o gagat̄ag iita antaknu, ug madakunu Kayak od metom <sup>32</sup> amge da na ehaniten, oopa genab doyak nahip amu iita ii memanu Kayak unuqidmi. Amu geha na edun gagat̄ag daanna, na laipad gagat̄ag daaglagnu ehanate!” awa aum. <sup>33</sup> Nug anam a, Petrus nug Jesus amegpa, “Nadi da na ele mani gitakpa goda, oh mauhkunihnu ug ii doot̄em. Hekulnuib doot̄em,” awa aum. <sup>34</sup> Amge Jesus Nug aum. “Petrus, da na amenpa at̄em, tuqan imupa na dahilnu, ‘Da Nug ii doot̄em,’ aon, haen ewam batak akut. Na haen ewam anam ape, dimpa matuk dawai nug gaaku,” awa aum.

<sup>35</sup> Jesus Nug Petrus amegpa nai amu awowa, Nug nai baula tudiita ipunitak awak danab tuelp amelagpa aum. “Anuka da hei, ag gonana amu men dodo inaknu hogot, batam, baelag gada ele ii akan gopig, haen amupa amu ag keeke laanu tutu mak doopigte o iita?” od matom. Od mate amu ag, “Iita,” apig. <sup>36</sup> Ag anam aeg, Nug ag amelagpa inam aum. “Amge gemu danab nug men dodo inak hogot amu batam ele aoku. Danab nug qep

elab iita, nug lamen nuhig awa meebleeb, danab laa men dodo medapeg, nug qep elab awad! <sup>37</sup> Adinu? Kayak naipa nai laa daate. Nai amuam inam. ‘Ag Nug danab nau ele laipu qag maadkulag.’ Nai amu daate amunu da ag amelagpa atem, keeke amu geha dahilpa beku. Ao genab, nai oh Kayak naipa dahilnu daate amu gemu meu oku,” awa aum. <sup>38</sup> Nug a amu ag apig. “Nađi, na ante! Ig amu qep elab adit iiku,” aon apig. Aon aeg Nug ag amelagpa, “Aaku elele,” awa aum.

### *JESUS GETSEMANI DATA UNUQITOM*

<sup>39</sup> Nug anam awowa, Nug dimitim noa, Nug haen kuđum hetom bia Nug Olipnu quaukopa ukom. Nug ugeke, nuhikud ipunitak awak danab ag Nug dim lamidpig. <sup>40</sup> Uka Nug quaukopa ta amu ipunitak awak danab amelagpa aum. “Satan ag eedateb, ag ehed gomananu amu ag unuqiteg!” <sup>41</sup> Nug amelagpa anam anana, uuata nakok pide waum, danab men dodo maoe gote amubia. Wana gategpa wan ya, dup noa, unuqita aum. <sup>42</sup> “O Mame, ug oh da maokul ele, amuam lepu mua ehed hai gokodpa daate bia amu na ib laa anidna ape, da le hai gokod amupanu amu da ii laapa amge na da ool daate imuib aib dim lamidme. Iita na oot niite amuib dim lamidkut,” awa aum. <sup>43</sup> [Nug unuqite, engel laa hab atannu na, gagatag meta ehanitom. <sup>44</sup> Jesus Nug bedupa ug nau, mauhak bia doyaya, Nug gagatag unuqite, hedtiig bia na, wanpa noum.]

<sup>45</sup> Nug unuqita mala, aha hibaita, nuhikud ipunitak awak danab gumata wana, ag oolag ug nadji ele amu ag bedulag ug mete niiegeg atanom.

**46** Anaṭa Nug amelagpa aum. “Ag adinu niit̄eb? Satan ag eedateb, ag ehed gomananu amu ag ahan unuqiteg!” awa aum.

### *JUDAS NUG JESUS KEKED EPELAGPA MEUM*

**47** Jesus nai amu amelagpa anana dayeye, danab ameg nad̄i udipig. Judas, nug am ipunit̄ak awak danab tuelp oolagpanu, nug anuqa udia, Jesus ootuqidkunu gumita ukom. **48** Uke amu Jesus aum. “Judas, na Danab Bekalag da, da ootuqit̄akpa awidna keked epelagpa meidtemte,” awa aum? **49** Jesus Nug Judas amegpa anam aawo, ipunit̄ak awak danab ag Jesus ele daanna, laa ag adi hekulagnu heeg anidna, Jesus amegpa apig. “Nadi ig qep elab imupa aqadput mauhkulagte?” aon apig. **50** Ag anam awona, ag oolagpanu laa aha, qep nuhig awa, mana met̄ak danab dilag iki, nuhig begbeg laa daug nadiap hoiyom. **51** Jesus Nug ipunit̄ak awak danab nug anam he anṭa, Nug aum. “Kobol amu ueeg!” awa aum. Anana Nug danab amu nug daug nakok ade, daug edua dayom bia tuadiom. **52** Jesus Nug amu hewowa, Nug mana met̄ak danab okai, mana met̄ak lag gumaknu iki danab, amu Juda iki danab, ag Nug adaglagnu udipig, Nug amu dilag aum. “Da yabhok danabte daat̄em amunu ag qep elab amu dadib ele aon adailkulagnu udipig? **53** Ded oh da ag ele mana met̄ak lag oopa daamut amge ag ii adailpig amge haen imu amu ahilag haen amu Satan nug udat nuhig ahilagpa het̄e,” awa aum.

### *PETRUS NUG JESUS II DOOTENU AUM*

<sup>54</sup> Jesus Nug nai amu amelagpa ana male, ag Nug adan, aon gopig. Ag Nug aon, mana metak danab dilag iki laugpa ukaeg, Petrus nug dim lamaṭa ukom amge nug nakok piṭe dim lamata ukom. <sup>55</sup> Amu danab ag lag amunu hadappa ab ilan udigna daaegeg, Petrus ele oh daapig. <sup>56</sup> Daaegeg, udat hak nid ahin laa Petrus ab udika dayeye anta, ah amu nug Petrus neekitaṭa, “Danab imu nug Jesus ele oipid,” awa aum. <sup>57</sup> Ah nug aum amge Petrus nug amegpa aum. “Iita, da Nug ii dootem,” awa aum. <sup>58</sup> Nug anam awowa, nakok dayeye amu danab laa nug Petrus anta, nug amegpa, “Na ele nuhig danab laa,” awa aum. Amge Petrus nug amegpa aum. “Da am iitanab,” awa aum. <sup>59</sup> Nug anam a, dimpa aua laipu uke, danab laa nug Petrusnu inam aum. “Danab umu nug amu Galelia danab amunu genabnab, nug Jesus ele oh oipid,” awa aum. <sup>60</sup> Nug anam aum amge Petrus nug aum. “Danab, da na nai amu ame amu da ii dootem!” Nug anam aawo, matuk dawai paha gayom. <sup>61</sup> Anam he, Nadi Nug edua Petrus neekite, nug ameg qewoya, Petrus aaku Jesusnu nai, “Tuqan imupa na dahilnu, ‘Da Nug ii dootem,’ aon, haen ewam batak akut. Na haen ewam anam ape, dimpa matuk dawai nug gaaku,” nai amu Petrus daugpa doum. <sup>62</sup> Nai amu daugpa do, aaku Petrus dimitim uka, oo doyak huanak ele gayom.

### AG JESUS AON AON QEDAPIG

<sup>63</sup> Amu danab ag Jesus adapig ele amu, ag Nug aon aon qetan, Nug makudpig. <sup>64</sup> Ag ele lamenpa ameg qakan, epelagpa Nug idu owona amu ag apig. “Kayak na ehaniteb, aun nug na oitom ape dootu!”

aon apig. <sup>65</sup> Ag anam henan, ag Nug aon aon qedapig.

### *LAALA JESUS HETO DIDPIG*

<sup>66</sup> Ag anam heegeg, aam be, Israel iki danab, mana metak danab okai amu do mehuqak danab ele ag udin qag meeg, ag Jesus aon gona, ag noolagpa meeg dayom. <sup>67</sup> “Nug apa dayeye amu ag Nug od medapig. Na amenigpa a! Na amu Kristuste o iiṭa?” aon apig. Aeg amu Nug ag amelagpa aum. “Da ag amelagpa api amu ag genab ii doomna,” awa aum. <sup>68</sup> Anana Nug aum. “Da keeke laanu od madakul amu ag nai dahil amu nob edun ii akulag <sup>69</sup> amge dimpa Danab Bekalag da, da Kayak gagatag oh ele amu, da Nug epeg nadiappa, amuam anuqak aben, amupa daakul,” awa aum. <sup>70</sup> Jesus anam a amu ag oh apig. “Aaku amunu na amu Kayak bekate?” aon apig. Aeg amu Nug amelagpa aum, “Ag anam ateb,” awa aum. <sup>71</sup> Anam a amu ag apig. “Ig danab laala danab imu ehed heumnu matiglagnu ii matimta. Nug nuka Nug odep̄a aawo, ig nuhig nai aaku doomut,” aon apig.

## 23

<sup>1</sup> Ag Jesus aum amu doona, ag oh ahan, omalna Pilatus topa gona, nug epegpa mepig. <sup>2</sup> Ag gona, apa ahan, nug bedupa nai huanak yaan apig. “Ig danab imu anitutut, Nug ihinig kobil kabolite, ig kaisanu takis mematanu gun ma, Nug nuka hume, atan te aum. ‘Da Kristus, da king laa,’ awa aum,” aon apig. <sup>3</sup> Ag anam aeg amu Pilatus nug Jesus od metom. “Na Juda dilag kingte?” A amu Jesus aum, “Na aaku atem,” awa aum. <sup>4</sup> Aaku Pilatus

nug mana metak iki danab amu danab ah ameg nađi ag amelagpa aum. “Da danab imu nuhigpa ehed hak laa da ii anidmi,” awa aum. <sup>5</sup> Nug anam aum amge ag huana gagaagnab enan apig. “Nug danab ah oh biilagpa yak nai madeṭe, laih Judanu ag oh dab mak kudum aoteb. Nug kobel amu Galelianu dig me udia, ipa ele beum,” aon apig. <sup>6</sup> Ag anam aon aeg, Pilatus doya amu nug ag od matom. “Danab imu Nug am Galelia danabte?” awa aum. <sup>7</sup> Aria nug Jesus am Galelianu, Herodes Antipas wan amu gumom ele, apanu udiom doya, nug me Herodes Antipas topa ukom. Haen amupa Herodes Antipas nug Jerusalem dayom.

<sup>8</sup> Uke, Herodes Antipas anta, oo gamag ahom. Nug Jesusnu nai doya, haen elab nug Jesus anidkunu dab meum. Adinu? Nug Jesus kobel danab hekunu elele iita laa heeb anidkunu oo dayom. <sup>9</sup> Amunu Herodes Antipas nug keeke kudumnu Jesus od metom amge Jesus Nug od mak amu oh equa nob laa ii meum. <sup>10</sup> Amu mana metak danab okai amu do mehuqak danab ele ag udin, bedupa nai huana yaapig. <sup>11</sup> Herodes Antipas nug nuhikud daup ele ag Nug aon aon qetan, di metan, lamen kokod laa aon, takidna meeg, edua Pilatus topa ukom. <sup>12</sup> Anuka Herodes Antipas nug Pilatus ele a keked daapid amge ded amupa amu a layam batapid.

### *PILATUS AG JESUS AD EMAITAKPA ATULKULAGNU AUM*

<sup>13</sup> Aria Jesus Nug edua uke, Pilatus nug mana metak danab okai amu ab gumak ikilkad amu danab ah ele ag onilagpa e, ag gumidna ukaeg,

<sup>14</sup> nug ag amelagpa aum. “Ag danab imu aon, da gumidna uđin, ‘Nug danab ah ag gabman ele ban hekulgagu mad adate,’ apig amu da Nug ag amelagpa hetodimi amge da nuhig ehed hak laa ii anidmi,” awa aum. <sup>15</sup> Herodes Antipas nug ele ehed hak laa ii anta, edua me, ihinigpa udjom amunu doyeg! Danab imu ig Nug qeput mauhkuunu ehed laa ii heum. <sup>16</sup> Anam daate amunu da Nug bupa guitakib metoya, hepi goku,” awa aum. <sup>17-18</sup> Aria Pilatus nug anam a, danab ah ameg nadı ag daanna, ag oh enan apig. “Danab amu Nug qepe mauhad! Barabas edun aon meke!” aon epig. [Ahilag kobol laa anam daatom. Haen oh Pasowa dedpa Pilatus nug mani guitak danab laipu uhuqe do, madaatom.] <sup>19</sup> Barabas nug am ab okai amupa gabman keked meta, ban ha, danab laa aqe mauheg, mani guitakpa dayom. <sup>20</sup> Aria Pilatus nug Jesus uhuqkunu oo dayom amunu nug danab ah ameg nadı amelagpa Jesus uhuqkunu baula aum <sup>21</sup> amge ag enan apig. “Ad emaitakpa atule, ad emaitakpa atule!” aon epig. <sup>22</sup> Aria Pilatus nug baula, amuam haen ewam, amelagpa aum. “Adinu? Nug adi ehed heum? Nuhigpa ehed hak laa, ig Nug qeput mauhkuunu da laa ii anidmi. Anam amunu da nug bupa guitak metoya, hepi goku,” awa aum. <sup>23</sup> Pilatus nug anam aum amge Juda ag wagainab mena, huanak gagatagnab enana, Pilatus nug Jesus ad emaitakpa atulkunu epig. Ahilag ewak amu Pilatus nai aum amu editom <sup>24</sup> amunu Pilatus nug ahilag nai dim lamidkunu dab ma, <sup>25</sup> nug danab gabman keked mete, ban ha, danab laa aqe mauhpig amunu

mani guitakpa dayom, ag nug aoglagnu epig ele amu, Pilatus nug danab amu awa maṭa, nug Jesus, ag Nug qepeg mauhkunu, daup danab epelagpa meum.

### *JESUS AD EMAITAKPA ATULPIG*

<sup>26</sup> Pilatus nug Jesus daup epelagpa me, daup ag Jesus aon gonana, ibpa ag Sairini ted onig Simon anidpig. Nug ab dimitimnu udia, ab okaipa nokunu doodo, ag nug dutunna hena, ad emaitak aon, nug gugapa meeg, nug mawa, Jesus dim lamiṭa ukom.  
<sup>27</sup> Danab ah ameg nadi ag Jesus dim lamidna gonana, ah kudum ag nuhignu oo doyak doonna gaapig. <sup>28</sup> Ag anam hepig amge Jesus Nug edua amelagpa aum. “Jerusalem ah, ag dahilnu amu aib gaapig! Ag aka ahilagnu amu ag bekalkad adelkad dilagnu ele gayeg! <sup>29</sup> Ag doyeg, dimpa haen nau laa udieb amu danab ag akulag. ‘Ah ag nid iiṭa, ah ag nid ii menupig, ah ag ded laa nid huh ii madapig ele amu, ahilagnu am ena,’ aon akulag.  
<sup>30</sup> Geha haen amu udieb, ag quaukonu akulag. ‘Na nena qadenigpa qe!’ Amu quauko nakoknu akulag. ‘Na nena tonike!’ aon akulag. <sup>31</sup> Adinu? Ag gemu haen nakok enapa kobol nau imu heteb amunu dimpa haen naupa amu mua naunab ag tonadku,” awa aum.

<sup>32</sup> Haen amupa ag Jesus aon gonana, ag danab adit laa ele diiatna gopig. A kobol nau hepid amunu a Jesus ele aqaglagnu diiadna gopig. <sup>33</sup> Ag gona, aben laa onig Ikilag Ebehi, apa tena, apa Jesus ad emaitakpa atulpig. Danab nau adit a ele oh atuladpig. Ag danab laa Jesus epegnadiappa atulona, laa amu epegnanehpa atulpig. <sup>34</sup> Ag

anam heeg, Jesus Nugunuqita aum. “Mame, na ahilag hipunin imu uhuqna maṭe! Ag heteb imu amu, ag ii doona heteb,” awa aum. Amu daup amu ag nuhig lamen aoglagnu amu ag otina, ameg wadele mewona, aun nug ameg aten aoku amu ag keeke laa onig dais amupa qid hena aopig.

<sup>35</sup> Danab ah ag hipaidna daanna antegeg amu iki danab ag nug aon aon qetan apig. “Nug danab laala ehanatom amunu Nug genab Kayak beka, Kayak tituanom dayeb amu, Nug nuka Nug ehanitad!” aon apig. <sup>36</sup> Ag anam aegeg, daup danab ag ele aon aon qetan, gumidna dona, wain nau mua ele metaglagnu hepig. <sup>37</sup> Ag anam henan amu inam apig. “Na Juda dilag king daat̄em dayeb amu na na ka bedun uhuqe!” aon apig. <sup>38</sup> Amu nuhignu nai laa inam aon yaana, ad emaitak igipa atulpig. “Danab imu nug amu Juda dilag king.”

<sup>39</sup> Danab nau adit atulatpig amu laa nug ele Jesus awa awa qeta aum. “Na am Kristusde! Na na ka na bedun uhuqna, i ele uhuqite!” awa aum. <sup>40</sup> Am laa nug anam aum amge laa nug laa aum amu doya, daug bata, amegpa aum. “Na anam aib ame! Na Kayak iite badidna, kobil nau nahip amu tudidna hekutnu hetem? <sup>41</sup> I nitaeg mauhtep imunu am ena, ag kobil elele hepig. I nob imu aognihnu am nai iita. Adinu? Ihinlh ehed hemud nob iiku aotep amge danab imu Nug ehet laa ii heum,” awa aum. <sup>42</sup> Nug anam anana, nug Jesus amegpa aum. “Jesus, na nahip do madodpa daanna amu na dahilnu dab mekutnu ool daate,” awa aum. <sup>43</sup> Nug anam a amu Jesus Nug amegpa aum. “Da genabnab na amenpa atem. Gemu na da

ele Paradispa daagnih,” awa aum.

### *JESUS MAUHOM*

**44-45** Ag anam heeg uke, aam ameg tuelppa aam gatatu me, gatatu wan oh ton a male uke, tueb aam ameg ewampa batom. Anam he, lamen okai mana metak lag oopa aiheg dayom amu katida adit meum. **46** Anam he, Jesus Nug baag okaipa ewa aum. “Mame, da oudil na epenpa metem,” awa aum. Nug anam awowa, Nug mauhom.

**47** Jesus mauhe, daup 100 dilag iki nug amu anta, nug Kayak binag ma aum. “Genabnab danab imu Nug danab tutuku,” awa aum. **48** Danab ah oh anidkulagnu udipig, ag kobol beum amu anidna, ag oolag ug ele edun gopig. **49** Keeke amu oh beum amu Jesus laikud amu ah laala Galelianu ahan udipig ele, ag pide daanna, kobol amu oh anidpig.

### *JESUS GADA AMU MEN MODPA MEPIG*

**50-51** Aria danab laa, onig Josep, nug Juda dilag ab okai Arimatia ateb, apanu, nug amu danab ena tutuku, nug am Juda dilag hetodiak okai onig Sandiren amupa udat heum amge nug hetodiak laala ahilag dab mak, ahilag kobol ele Jesusnu hepig amu, nug uuom. Nug Kayaknu do madod ameg ma dayom. **52** Danab amu nug Pilatus gumita uka, Jesus gada aokunu od mete, Pilatus nug aokunu elele aum. **53** Nug anam a, Josep nug Jesus gada awa, linen lamenpa ita, nug mod laa oopa meum. Mod amu ag menpa bapaidpig. Mod bapaidpig amupa mauhak gada laa ii mepig, hamu dayom. **54** Ded amupa amu ag Juda dilag Metidnu keeke

babai<sub>ł</sub>taknu ded, Metid ahilag amu dig me<sub>ł</sub>kunu heum.

<sup>55</sup> Josep nug anam heehe, ah ag Galelianu ahaeg Jesus ele u<sub>ł</sub>dipig, ag Josep dim lamidna gona, mod amu anidna, Josep nug Jesus gada atem meum amu ele ag anidpig. <sup>56</sup> Ag antona amu ag edun laka gona, ag marasin goden mu<sub>ł</sub>tudig ena ele Jesus bedu laaitaknu amu babaitona, ag Juda dilag Metid amu, do ate bia, hik aopig.

## 24

### *JESUS EDUA HIBAITOM*

<sup>1</sup> Aria Juda dilag Metid u<sub>ł</sub>ka male, bu<sub>ł</sub>uanab amu ah ag ahan modpa gopig. Ag goden mu<sub>ł</sub>tudig ena ele babaiteg dayom, amu ele akan gopig. <sup>2</sup> Ag gona, men na<sub>ł</sub>i mod ameg tonom amu laa nug du<sub>ł</sub>tune u<sub>ł</sub>ka, mod amegpa ii daye anidna, <sup>3</sup> ag mod oopa nopig amge Nadi Jesus gada amu ag ii anidpig. <sup>4</sup> Ii anidna, ag amunu dab mak ku<sub>ł</sub>um aona, ootot aqe henana amu ag danab adit miag hipaidya daaeheh anatpig, ahilah lamen amu hakab ditiaq apinak ele. <sup>5</sup> Anidna, ah ag badan, wanpa dup nopig amge danab adit a ag amelagpa apid. “Adinu ag danab bau am ag mauhak gadalag maadteb abenpa matin oiteb? Nug ipa iita. Nug edua hibaitom,” aoya apid. <sup>6</sup> A anam ayaya amu amelagpa nai tudidya apid. “Nai imu haen Nug Galelia dayaya, ag amelagpa matiom amu, ag daulagpa doad! <sup>7</sup> Nug ag amelagpa inam awa aum. ‘Ag amu Danab Bekalag da, da adailna, iita adi danab epelagpa meidpeg, ag amu da ad emaitakpa atulidpeg amu geha ded ewampa Kayak Nug heeb,

da edue hipaidkul,’ awa aum,” aoya apid. <sup>8</sup> Aria ag Jesus Nug nai amu anuka amelagpa aum amunu dab mepig.

<sup>9</sup> Aaku modpa daapig amu ag uun, edun gona, ipunitak awak danab elewen amu amelagpa awona amu danab laala ele amelagpa ag keeke oh anidpig, amunu madipig. <sup>10</sup> Maria, Magdala ted, Joana amu Maria, Jakobus anig, aria ah laala ag ele ag nai amu ipunitak awak danab amelagpa madipig. <sup>11</sup> Ah ag nai amu amelagpa madipig amge ipunitak awak danab ag ahilag dab makpa, “Ah ag nai ulah hamu maditeb,” aon anana, ag nai matieg doopig amunu oolagpa genab ii doopig. <sup>12</sup> Oolagpa genab ii doopig amge Petrus nug aha, qaibad modpa uka, gomela, mod oopa neeke no amu linen lamenib dayeye antowa amu nug edua uka, keeke amunu dab mak kudum awom.

#### DANAB ADIT EMAUS IBPA JESUS ANIDPID

<sup>13</sup> Amu ded amupaib ag oolagpa danab adit a ab nakok onig Emaus apa gopid. Ib Jerusalemnu aha Emaus ukak amu 11 kilomita anam. <sup>14</sup> A goyaya amu a keeke oh Jerusalem apa hepig amunu madipid. <sup>15</sup> A amu matiyya, nug od metaiya ukaeheh, Jesus Nug tula do, a ele oh gopig. <sup>16</sup> Ag oh gopig amge a Nug am Jesus a ii doopid. Adinu? A amelah ii opatom.

<sup>17</sup> Amunu Nug a od mata, amelahpa aum. “A amu adi keekenu nai matiya gotep?” Anam awa a amu danab adit amu oolahpa elele ii dooya, idulah nauhe, hipaidya daapid. <sup>18</sup> Anam daaiya, danab onig Kliopas nug aha amegpa aum. “Amu danab ab laih laihnu oh ag gemu Jerusalem daateb amu

ag oolagpa na na<sub>ka</sub> akuibtai keeke oh haen imupa Jerusalem beum am ii<sub>te</sub> dootem?” awa aum.

<sup>19</sup> Nug anam awa a amu Jesus Nug a od matom. “Adi keeke?” Awa a amu aria a Nug amegpa kobil oh Jesusnu hepig amu matiya inam apid. “Jesus, Nasaret ted, Nug amu Kayaknu propet, Nug Kayak nai diig genab gaga<sub>ṭag</sub> ele Kayak noobpa danab ah amelagpa ele matia mehuqaqa, udat gaga<sub>ṭag</sub> ele haaha oiyom. <sup>20</sup> Amu mana metak danab okai, amu ihinkad iki danab ele ag aon, gabman epelagpa mena, qepeg mauh<sub>k</sub>unu aeg, gabman ag nug ad emaitakpa atulpig. <sup>21</sup> Amge ig nuhignu amu genab doomut, Nug amu Israel dilag edua awikak danab. Ag anam heeg udie, gemu am ded ewam iiku. <sup>22</sup> Amu laa ele amu gemu ig oonigpan ah laala, ag heeg ig otaimut. Ag butuanab ahan modpa gopig <sup>23</sup> amge ag Jesus gada ii anidpig. Ii anidna amu ag edun udin, ag engel adit anategeg, ‘Jesus Nug bau daate,’ apid amu aeg doomut. <sup>24</sup> Ag anam aeg amu ig oonigpan danab laala ag modpa gona, keeke ah ag apig ele amuib anidpig amge Nug amu ag ii anidpig,” aoya apid.

<sup>25</sup> Anam aeh, Jesus Nug amelahpa aum. “A danab dab mak iita ele. Kayaknu propet dilag nai amu mehuqpig amge a oolahpa amu a genab ii doopid,” awa aum. <sup>26</sup> Nug anam anana, Nug a amelahpa nai tudita aum. “Kristus Nug guitak awa, amupa anuqak abenpa daaku amu propet laa nug Kayak ode awa ii<sub>te</sub> yom?” awa aum. <sup>27</sup> Nug anam amelahpa awowa, Nug Mosesnu naipa dig me uke, Kayaknu propet oh dilag nai amu amelahpa mehuqom. Nug Kayak

nai yak oopa nuhignu nai aum niit<sup>e</sup> amu oh diig mehuqom.

<sup>28</sup> Nug mehuqeqe, ag gona, ab a gopid ele amu gu<sup>k</sup>uidnana, Jesus Nug anam haaha, uuata go<sup>k</sup>unu heum <sup>29</sup> amge a Nug haga<sup>k</sup>a aoya apid. “Na i ele daatu! Aam no, uu doumde!” Anam aeh, amu Nug lag oopa no, oh daapig. <sup>30</sup> Daanna dimpa e lakulagnu hena, Jesus Nug ele oh daanna, Nug bret awa, Kayak unuqita, pane ne, Nug matete, <sup>31</sup> a amelah opate, a Nug amu Jesus anidya doyeheh, Nug ukom. Uke, a Nug baula ii anidya <sup>32</sup> amu aya aya inam apid. “I ibpa udiudud, Nug Kayak nai meu tutuku mehuqe doomud amu i oonihpa nuhig nai meu elenab iite doomud?” aoya apid.

<sup>33</sup> A anam ayaya, a ded amupaib ahaya, eduya Jerusalem goya, ipunit<sup>a</sup>k awak danab elewen apa daapig amu laala ele ag qag mena daaegeg anadpid. <sup>34</sup> Anateh amu ag a amelahpa apig. “Genab-nab, Nadi Nug edua hibait<sup>om</sup>, Simon nug ant<sup>om</sup>,” aon apig. <sup>35</sup> Ag anam aeg amu danab adit a ibpa keeke oh be anidpid amunu mat<sup>i</sup>ya amu tudit<sup>i</sup>ya apid. “Nug Kayak unuqita, bret pana mete, i nug anidda, aaku i Nug doomud,” aoya apid.

### *IPUNITAK AWAK DANAB AG JESUS ANIDPIG*

<sup>36</sup> Ipunit<sup>a</sup>k awak danab amu danab laala ele ag nuhignu aaku matinna daaegeg, Jesus Nug nu<sup>k</sup>a tula doa, oolagpa hibaita, amelagpa aum. “Ag oo mak, madod ele dayeg!” awa aum. <sup>37</sup> Nug anam a, ag otaina, ba<sup>d</sup>an ag dab makpa apig. “Ig dotog laa anidtem,” apig. <sup>38</sup> Amge Nug ag amelagpa aum. “Ag adinu otaina oolagpa dab mak laala aot<sup>e</sup>b?” <sup>39</sup> Ag da epel bael ele iikud anteg! Daib iiku daat<sup>e</sup>m. Ag

epelag bahina adailna anteg! Dotog nug bedu, ebehi ele iita, ag da anidteb bia,” awa aum. <sup>40</sup> Nug anam anana amu Nug epeg baeg ele ipuanatom. <sup>41</sup> Ag Nug anidna, ag oolag gamag huan ahom amunu ag oolagpa genab ii doopig, ahilag dab mak pide pide ele anata amu amelagpa aum. “Ag e laa ana daatete?” awa od matom. <sup>42</sup> A amu ag kakai laih maipig amu aon metæg, <sup>43</sup> Nug ada lanana antegeg, <sup>44</sup> Nug amelagpa aum. “Anuka da ag ele daatta ag amelagpa dahilnu nai oh Mosesnu dopa amu Kayaknu propet dilag yakpa ele nai amu oh bekununab ami amu aaku meu beum,” awa aum.

<sup>45</sup> Nug anam anana, Nug nai yak amu oolagpa tutukunab genab maiteb dooglagnu ipuanaata, <sup>46</sup> amelagpa aum. “Kayaknu yak inam ipunigte. Kristus Nug guitak awowa amu ded ewampa nug edua hipaidku. <sup>47</sup> Amu danab ag oolag edukunu amu ag hipunin uhuqa metak aoglagnu, laala ag Nug onigpa nai amu danab buqub ohnu oolagpa mehuqpepeg dooglag. Ag udat amu Jerusalem dig mekulag. Kayak nai anam ipunigte. <sup>48</sup> Amu ag gemu da ele iiku daatem amu ag dahilpa keeke oh anidpig,” awa aum. <sup>49</sup> Jesus Nug anam anana, Nug baula tudita aum. “Doyeg! Da Mamel Nug keeke amu anuka ag madakunu nai qaka aum amu da hepi neku amge ag ab okipa daapeg, hab atannu gagatag amu ahilagpa neeb, ag udat dig mekulag,” awa aum.

<sup>50</sup> Nug anam awowa, Nug aha, diie gona, Betani apa Nug epeg huma itatom. <sup>51</sup> Nug itate amu Kayak awe, nug uuate, hab atan ukom. <sup>52</sup> Nug anam he, ag oolag gamag ahak nad ele Nug binag mena, ag edun Jerusalem gopig. <sup>53</sup> Gona ag

Lukas 24:53

cxxxii

Lukas 24:53

hanhan mana metak laka daanna, ag Kayak binag  
menan daadtpig.

**KAYAKNU NAI Tituanak Bau  
The New Testament in the Nobonob Language of  
Papua New Guinea  
Nupela Testamen long tokples Nobonob long Niugini**

copyright © 1990 Wycliffe Bible Translators, Inc.

Language: Nobonob

Translation by: Wycliffe Bible Translators

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2013-02-07

---

PDF generated using Haiola and XeLaTeX on 11 Nov 2022 from source files  
dated 9 Oct 2020

ed374bb9-d819-53d1-a85b-f86cce3892e1